

93
1920

გამოცემა მთავრიშვილის ამხანაგობისა.



პროფესორი ა. ვულფიუსი.

ახალი ისტორია

წიგნი III

ნაწილი I.

გადმოთარგმნილი გრ. ჯაფარიძისა და ს. ცაგერეიშვილის მიერ.

შეიქმნა კლასის კერსი

ფასი 120 მ.

1000

ქუთაისი
ნ. ფერაძის და ამხ. სტამბა
1920

93
1920

გამოცემა მთავრი შვილის ამხანაგობისა.



პროფესორი ა. ვულფიუსი.


მ 1-11
40 15 25 33

ახალი ისტორია

ნაწილი I.

გადმოთარგმნილი ტრ. ჯაფარიძისა და ს. ცაგერეიშვილის მიერ.

შეეძგეს კლასის კურსსა



ქუთაისი
ნ. ფერაძის და ამხ. სტამბა
1920 წ.

რენესანსი ანუ განახლების ხანა.

პირველი თავი.

ჰუმანიზმი.

ჰუმანიზმის წარმოშობა და მისი ხაერთო დახასიათება

საშუალო საუკუნოებში ხალხთა სულიერ ცხოვრებაში უმთავრეს როლს კათოლიკური ეკლესია ასრულებდა. მაშინდელი ეკლესიის მსოფლმხედველობის დამახასიათებელი თვისება იყო ეგრეთ-წოდებული ასკეტიზმი ე. ი. ქვეყნიურ ცხოვრებაში სიამოვნებისა და სიტკბოების უარყოფა. ქვეყნიური ცხოვრება ფასდებოდა იმდენათ, რამდენათ ის ამზადებდა მომავალი, ზეციური ცხოვრებისათვის. კათოლიკეთა ეკლესია ცდილობდა სახელმწიფოზე გაბატონებულიყო, თანაც თავისი მოძღვრება და ყოველგვარი მოთხოვნა საეკლესიო დაეცვა.

ეკლესიის ასეთ ბატონობას ძლიერ შეუშალა ხელი ჯვაროსანთა ომებმა და ისეთი ქალაქების აღორძინებამ, რომელთაც სავაჭრო-სამრეწველო ინტერესები ამოძრავებდა. ლაშქრობის დროს ევროპაში მრავალი ახალი ცოდნა გავრცელდა, რამაც ევროპიელთა გონებრივი ასპარეზი გააფართოვა, ამასთანავე ვაჭრობა-მრეწველობის განვითარებამ დიდი სიმდიდრე შექმნა და ხალხი აიძულა ქვეყნიური ცხოვრება დაკვირვებით შეესწავლა. დაშორებულ ქვეყნებთან ვაჭრული კავშირის დაწყება ისეარ შეიძლებოდა, თუ წინასწარ გათვალისწინებულ ყოველგვარ დაბრკოლებებს არ გარდალაზავდენ, ამიტომაც საჭირო იყო ყოველგვარი ცოდნის შეძენა და უცხო ერების ენისა და ზნე-ჩვეულების შესწავლა.

ვაჭრობა-მრეწველობამ ძლიერ გააფართოვა ასპარეზი ადამიანის ნიჭის გამოჩენისა და გამოყენებისა. ამან კი აიძულა ადამიანი, რომ განვითარებია მთელი თავისი შემოქმედებითი ძალები, როგორც არსებობისათვის აუცილებელი იარაღი. ამის მიხედვით იწყეს შესწავლა ადამიანის შინაგანი ცხოვრებისა; ამის გამო ადამიანის პიროვნება განვითარდა; ადამიანი უფრო შეგნებულათ ექცეოდა როგორც თავის თავს, ისე ყველაფერს, რითაც ის გარემოცული იყო. საეკლესიო ასკეტიზმი, რომე-



ლიც კაცობრიობას საიქაო ცხოვრებისთვის ამზადებდა ზეცისკენ უფრო
 თებდა, დღითიდღე ჰკარგავდა თავის ძალას და გავლენას; პირიქით, ქვეყ-
 ნიური ცხოვრება ხალხს უფრო იზიდავდა. გაჩნდა ახალი იდეალები, მოთ-
 ხოვნილებანი, ახალი აზრები და გრძნობები, ერთი სიტყვით წარმოიშვა
 ახალი მსოფლმხედველობა, რომელიც არსებითად მით გაირჩეოდა ძვე-
 ლი ასკეტიურიდან, რომ დადებითად უყურებდა ქვეყნიურ ცხოვრებას ზე-
 ადამიანის პიროვნებას.

ამ სულიერ მოძრაობას, რომელიც დაიწყო დასავლეთ ევროპაში მე-
 ცამეტე საუკუნის ბოლოს და ცდილობდა ადამიანის პიროვნების განვი-
 თარებას და მის სრულ განთავისუფლებას საეკლესიო ასკეტიზმისაგან, ეწო-
 დება ჰუმანიზმი (humanus – ადამიანური).

ჰუმანიზმი პირველად იტალიაში გაჩნდა, რადგან ჯვაროსანთა ომე-
 ბის და კულტურის გავლენა უმაღლესად მას დაეტყო.

იტალიაში კიდევ ახსოვდათ სიდიადე ძველი დროის კულტურისა.
 მის ხსოვნას ინახავდა ხელოვნების ნაშთები, ლათინური ენა და რომა-
 ელთა ლიტერატურა, რომლის შესწავლას მუდამ ადგილი ჰქონდა სკო-
 ლაში. იტალიელებისთვის შორეული წარსული შეადგენდა დიდ სიამაყეს;
 რასაც ამტკიცებდა მათი ისტორიის ბრწყინვალე ფურცლები, ამიტომაც
 საკვირველი არ არის, რომ მათ მიმართეს წარსულს და ძველი კულტუ-
 რის ნაშთებში დაუწყეს ძებნა მასალას ახალი მსოფლმხედველობის დასა-
 მუშავებლად. ყოველივე ეს ხდებოდა თანდათანობით, ამიტომაც მსოფლ-
 მხედველობას კიდევ დიდხანს დასჭირდა ბრძოლა ძველ წესებსა და ჩვეუ-
 ლებებთან.

ამგვართ გონებრივი მოძრაობა, ჰუმანიზმით წოდებული, შეიძლება
 დავხასიათოთ შემდეგი სამი ნიშნობლივი თვისებით: 1) გატაცება ქვეყ-
 ნიური ცხოვრებით, 2) ყოველმხრივი განვითარება პიროვნებისა, 3) ძვე-
 ლი კულტურის ნაშთებში ძებნა ახალი მსოფლმხედველობისათვის
 დასამუშავებელი მასალისა.

ამ აზრების საფუძვლით გამოჩნატველი და პირველათ ცხოვრებაში გამ-
 ტარებელი იყო პეტრარკა. ეს იყო პირველი ჰუმანისტი იტალიაში. პეტ-
 რარკაც და მისი მიმდევრებიც საშუალო საუკუნოების გამოჩენილი პოე-
 ტის დანტეს მოწაფეებათ უნდა ჩავთვალოთ.



ქართული
ენების
სამეცნიერო
ცენტრი

დანტე. დანტე ფლორენციიდან იყო. პირველი ხანა დანტემ სამშობლო ქალაქ ფლორენციაში გაატარა და ენერგიულ მონაწილეობასაც იღებდა იქაურ პოლიტიკურ ცხოვრებაში; შემდეგ კი მტრებისაგან გაძევებული სამშობლოს გარეთ ცხოვრობდა; გარდაიცვალა 1321 წ. დანტე ოცნებობდა, რომ მთელი ქვეყნები ორ ერეში შეერთებულიყოფილიყვნენ რომის იმპერატორის ხელქვეით, რომელიც დაამყარებდა მათ შორის წესიერებას და მშვიდობას, რაც სავსებით უზრუნველყოფდა მათ თავისუფალ კულტურულ განვითარებას. დანტეს აზრით, იმპერატორის ძალა-უფლება დამოკიდებული იყო ღმერთზე და არა პაპზე. პაპი, როგორც ეკლესიის თავი, უნდა ზრუნავდეს ხალხის სულის ცხოვრებაზე, იმპერატორი კი — ქვეყნიურ ცხოვრებაზე. იმპერატორს ეუფლება ადამიანის სხეული, პაპს კი — სული. დანტეს სწამდა, რომ ამ ორ ძალას შეეძლო შეთანხმებულადა განეგოთ მთელი საქრისტიანო მსოფლიო. ეს აზრები მან გამოსთქვა თავის თხზულებაში, რომელსაც ეწოდება „მონარქია“ და დაწერილია იმის გამო, რომ პენრიხ მეშვიდემ გაილაშქრა იტალიაზე, რასაც დანტე დიდი აღფრთოვანებით შეხვდა.

დანტეს უმთავრეს ნაწარმოებათ ითვლება პოემა, რომელსაც თვითონ უწოდა „კომედია“, ისტორიაში კი ეწოდება „სადეთო კომედია“. ამ წიგნში დანტემ დაგვისურათა თავისი ზღაპრული მოგზაურობა ჯოჯოხეთსა და სამოთხეში.

ჯოჯოხეთს ის ნახულობს რომაელთა გამოჩენილი პოეტის ვირგილიუსის ხელმძღვანელობით, სამოთხეს კი მისი უდროოდ გარდაცვლილი სატრფოს ბეატრიჩეს შემწეობით.

მოგზაურების დროს ის ხვდება თავისი და წარსული დროის ისტორიულ მოღვაწეებს, აგრეთვე პაპებსაც, რომელთა წრიდან ზოგიერთები ჯოჯოხეთში მოხვედრილიყვნენ. პოემის აზრი ასეთია: ადამიანმა გონების საშუალებით უნდა შეიგნოს თავისი ცოდვები და მათი შედეგები, განსპეტაკდეს სულიერათ და დაუახლოვდეს ქვეყნიურ სამოთხეს, რაც დანტეს შეხედულებით მოთავსებულია იმ მაღალი მთის მწვერვალზე, რომელიც იმყოფება სულთა განსაწმენდელ განყოფილებაში.

განსპეტაკებული გონება, რომლის სიმბოლოც არის ვირგილიუსი, ამას იქით ვეღარ წაიყვანს ადამიანს. ნამდვილ ზეციურ სამოთხეს და თვით



ღვაებას აღამიანი მისწვდება და იხილავს მხოლოდ ქრისტიანულ-ქვეყნიური სიბრძნის—საშუალებით, რომლის სიმბოლოთ დანტემ დასახა ბეატრიჩე. საერთოდ, გონება, დანტეს აზრით, მსახურის მოვალეობას ასრულებს. ის გვაჩვენებს ზეციური ნეტარებისათვის, რაც უმთავრესი მიზანია ჩვენი ქვეყნიური არსებობისა.

დანტეს შეხედულება ცხოვრებაზე და მისი ოცნება ქვეყნებისა და ერების გაერთიანების და მათზე რომის იმპერატორის გაბატონების შესახებ სავსებით გამოხატავს საშუალო საუკუნეთა მსოფლმხედველობას. მიუხედავად ამისა დანტეს თხზულებებში ბევრი ახალი აზრებიცაა გამოთქმული: 1, თავისი დიდი პოემა მან დასწერა ყველასათვის მისაწოდო იტალიურ ენაზე. ამით მან შექმნა სალიტერატურო იტალიური ენა, რომელიც მისცა ყველას და არა მარტო სამღვდელეობას, რათა საშუალება ჰქონოდათ გამოეთქვათ თავისი აზრი პოემაში წამოყენებულ საკითხებზე; 2. დანტე თავის პოემაში ამბობს, რომ ის გატაცებულია შთამბავლობაში დიდების სახელით, რასაც ასკეტიზმის თვალსაზრისით არავითარი მნიშვნელობა არ ჰქონდა; 3. „ღვთაებრივ კომედიასა“ და სხვა თხზულებებში დანტემ გამოიჩინა არაჩვეულებრივი უნარი მით, რომ თავისი სულიერი ბუნება საუცხოოდ გამოარკვია, და ეს კი აშკარად ამტკიცებს მის ღრმა განვითარებას.

პეტრარკა
(+1374 წ.)
და
ბოკაჩიო
(+1375 წ.)

პეტრარკა ფლორენციელი იყო, მხოლოდ ის აღიზარდა სამხრეთ საფრანგეთში—უმთავრესად ავინიონსა და მის ახლო მდებარე ქალაქებში. პეტრარკა მთელ თავის სიცოცხლეში ცდილობდა თავისი პირადი გრძნობები და აზრები გამოერკვია და ბოლოს თვითონ აღიარა, რომ მისი იდეალი არის დიდება და სიყვარული მისი სიყვარულის საგანი იყო ერთი ქალი—ლაურა, რომელიც მან შეაქო სატრფიალო ლექსებში, რაც დღეს ავტორის შემოქმედების სასახლო ნაშთს შეადგენს. ფავის ღრობზე პეტრარკა უმეტესად ცნობილი იყო ისტორიული, ფილოსოფიური და გეოგრაფიული ნაწარმოებებით. პეტრარკა ახალგაზღვობაშივე გაიტაცა ძველმა მწერლობამ. მთელი მისი ნაშრომები სავსეა იქიდან მოყვანილი ციტატებით და ამონაწერებით. პეტრარკას მეოხებით შეუდგენ ძველი ხელო-



ნაწერების შეკრებას, გადაწერას და საზოგადოდ ყოველი ძველი მანუსკრიპტის დაცვას. რომაულ ლიტერატურა—მეცნიერებასთან ერთად პეტარკას იტაცებდა ძველი რომის სიდიადე; ამიტომაც ხშირად ოცნებობდა რომის განახლება — აღორძინებაზე. რომში მან დიდი სახელი დაიმსახურა იმ დროს, როდესაც კაპიტოლიაში პოეტის გვირგვინი დაადგეს. პეტარკას სახელი მთელს ევროპაში განთქმული იყო პაპები, იმპერატორი კარლოს მეოთხე, მთავრები და კარდინალები დიდის პატივისცემით ეპყრობოდნენ მას. მეგობრები, რომლებთანაც მას ხშირი მიწერ-მოწერა ჰქონდა, ცდილობდნენ ხელი შეეწყობათ და კიდევ მეტათ გაედიდებიათ მისი სახელი. მეგობრებს შორის პირველი ადვილი ბოკაჩიოს ეჭირა.


ბოკაჩიოც ფლორენციიდან იყო. თუ დანტესახელოვანია, როგორც უდიდესი საეპიკო პოეტი და პეტარკა, როგორც ლირიკოსი, ბოკაჩიო უდიდესი პროზაიკული მწერალია.

უმთავრეს მის ნაწარმოებში „დეკამერონში“ შეკრებილია რამდენიმე პატარა მოთხრობა. მომთხრობნი არიან შვიდი ფლორენციელი მანდილოსანი და სამი მხედარი, რომლებმაც გადამდები სენის გავრცელების გამო დასტოვეს ფლორენცია. ათი დღის განმავლობაში ყოველი მათგანი თითო მოთხრობას გადმოგვცემს. ამ თხზულებაში ბოკაჩიომ დიდი დაკვირვებით დაგვიხატა მისი დროის იტალიელთა ცხოვრება, დაწყებული საზოგადოების მაღალი წრეებიდან, როგორც არიან მეფეები და მთავრები, დაბალ გლეხთა ბანაკამდე.

ამასთან ერთად ბოკაჩიომ სასტიკათ გაჰკიცხა თანამედროვე საზოგადოების სხვადასხვა ბიწიერება და ცუდი მხარეები. უმთავრესათ ის შეეხო სამღვდლოებას, განსაკუთრებით კი ბერებს. „დეკამერონში“ ბერები არიან დასახული გარყვნილებისა და სასაცილო ამბების გმირებათ.

ბერების გაკიცხვით ბოკაჩიომ გაკიცხა მთელი ასკეტური იდეალი და თვითონ კი დამცველი იყო წესიერი და რიგიანი სიამოვნებისა ქვეყნიურ ცხოვრებაში. გარდა „დეკამერონისა“ ბოკაჩიოს ეკუთვნის მთელი რიგი რომანებისა, რომელშიც იგი სიყვარულს გვიხატავს.

ზოგიერთ მათგანში დიდი ხელოვნებით ხატავს არა მარტო გარეგან შემთხვევებს, არამედ აღამიანთა შინაგან განწყობილებასა და გრძნობებს. თავისი ცხოვრების მეორე ნახევარში ბოკაჩიომ პეტარკას



გავლენით მეცნიერებას მიჰყო ხელი და შეადგინა ლათინურ ენაში ლამაზი დენიმე წიგნი ისტორიული და გეოგრაფიული შინაარსისა. არც პეტრარკამ და არც ბოკაჩიომ არ იცოდენ ბერძნული ენა, მაგრამ მისი ცოდნის დიდ საჭიროებას კი აშკარად გრძნობდენ, რადგან უამისოთ საფუძვლიანათ შესწავლა უძველესი დროისა შეუძლებელი იყო. მეთოთხმეტე საუკუნის ბოლოს იტალიაში მოვიდენ სწავლული ბერძნები და მათი გავლენით ბერძნული ენის შესწავლა თანდათან გავრცელდა.

მეთოთხმეტე საუკუნის ბერძნული ენის შესწავლამ იტალიის განათლებულნი
ჰუმანიზმი. ბული საზოგადოების წინაშე გადაშალა არაჩვეულებრივი სიმდიდრე ბერძნული პოეზიისა, ფილოსოფიისა და მეცნიერებისა.

ბევრი ისე გაიტაცა კლასიკურმა სიძველეებმა, რომ სავსებით დამორჩილენ მას და მოინდომეს, მთელი თავისი ცხოვრება ძველ გამოხე მოეწყოთ. ზოგიერთი გატაცებული ჰუმანისტი უარყოფით უყურებდა იტალიურ ენას და ლიტერატურას — და განათლებული ადამიანის ღირსათ მარტო ლათინურსა და ბერძნულს სთვლიდა. ამის მიხედვით იტალიური პოეზია და ლიტერატურა თანდათან აითვალისწინეს, ამ შემთხვევაში თვით დანტეს, პეტრარკას და ბოკაჩიოს ნაწარმოებნიც გამონაკლისს აღარ შეადგენდა. ამბობდენ, რომ მათ თხზულებებში ლათინური ენის ცოდნა და მშვენიერება სავსებით არ არის დაცულიო. განვითარდა ერთგვარი მიბაძვითი პოეზია და ლიტერატურა, სადაც ავტორები ცდილობდენ, რაც შეიძლებოდა, ძველი ნიმუშების მზგავსი რამ შეექმნათ.

ასეთ გატაცებას თავისი კარგი მხარეებიც ჰქონდა. მთელ იტალიაში თავგამოდებით დაუწყეს ძებნა ძველ ნაწერებს, ხელოვნების ნაშთებს, ოჯახის ნივთებს ღ სხვას. ამ საქმეს მრავალმა პირმა მთელი თავისი საცხოვრებელი შესწირა. აღმოჩენილ ღ შეკრებილ ხელნაწერებს დაკვირვებით ასწორებდენ, აღარებდენ ერთი მეორეს და მერე სწერდენ. საბერძნეთის მწერალთა ნაწარმოებს ლათინურ ენაზე თარგმნიდენ. ძველი მწერლების საფუძვლიანი შესწავლის მეოხებით შეადგინეს ახალი გრამატიკები და სახელმძღვანელოები ძველი ენების წარმატებით შესასწავლათ.



ლათინური ენის საუკეთესო მკოდნეთ ითვლებოდა **ლატინური ვალლა**. გარდა ამისა, მან ზედმიწევნით იცოდა ისტორია და კანონ-მეტყველება; მან დაამტკიცა სიყალბე კოსტანტინეს სიგელისა, რომელზედაც რომის პაპები უმთავრესად ამყარებდნენ თავის უფლებათა უზენაესობას დასავლეთ ევროპაში.

კლასიკურ სიძველეთა წარმატებით შესწავლას იტალიაში მოჰყვა განვითარება მეცნიერების სხვა დარგებისა, უმთავრესათ ფილოსოფიისა და ისტორიისა. ფილოსოფოსთა შორის ყველაზე მაღლა პლატონს აყენებდნენ. გაჩნდა ახალი ფილოსოფიური მიმდინარეობა, რომელიც კლიობდა პლატონის მოძღვრებასა და ქრისტიანობის დაახლოვებას. ამ მიზანს ემსახურებოდა ფლორენციაში სწავლულთა წრე, რომელსაც პლატონის სახელობის აკადემია ეწოდებოდა. აკადემიის მეთაური იყო **მარსილიო ფიჩინო**.

საისტორიო მეცნიერებაც ვითარდებოდა; გაჩნდა რამდენიმე საყურადღებო ნაწარმოები საერთოთა იტალიის ისტორიიდან და ცალკე ზოგიერთი ქალაქების ცხოვრებიდან. ყველაზე უფრო გამოჩენილი ისტორიკოსი მაკიაველი იყო, რომელიც გარდაიცვალა მეთექვსმეტე საუკუნის დასაწყისში (1527). მეთუთხმეტე საუკუნის მეორე ნახევარში ისევ დაიბადა სურვილი იტალიური ენის შესწავლისა. გაჩნდა ახალი იტალიური პოეზია და ლიტერატურა, რომელიც სარგებლობდა არა მარტო ძველი მწერლობით, არამედ ხალხის ცხოვრებიდან აღებული მასალით, თქმულებებით და სხვა. ამ პოეზიაზე ძლიერი გავლენა ჰქონდა დანტეს, პეტრარკას და ბოკაჩიოს.

იტალიური პოეზია განსაკუთრებით განვითარდა ფლორენციაში.

იტალიის მღვდმარეობა
საშუალო საუკუნის
ბოლოს; ფლორენცია,
ვენეცია, მილანი, რომი
და ნეაპოლი.

ფლორენციაში მეთოთხმეტე საუკ. მიწურულში თავისი სიმდიდრით და გავლენით მედიჩის ოჯახი იყო ცნობილი. მეთუთხმეტე საუკუნეში ამ ოჯახს ხელში ჩაუვარდა მთელი ქალაქის ძალა-უფლება, თუმცა რესპუბლიკანური წესწყობილება გარეგნულათ მაინც არსებობდა. მედიჩის ოჯახი განსაკუთრებით სახელოვანი შეიქნა ლავრენტი დიდებულის დროს. (+1492). ლავრენტი დიდებული დამფასებელი იყო ხელოვნების და მეცნიერებისა, თანაც დიდი



პოეტური ნიჭით იყო აღჭურვილი. მის სასახლეში მუდამ ფაქურდული იყვნენ იმ დროის სწავლულები, მხატვრები და პოეტები, ბინა კი ადგილი იყო ძველი იტალიური ხელოვნების იშვიათი ნაწარმოებით, წიგნებითა და სხვა. აქაც და იტალიის სხვა ნაწილებშიაც ხუროთმოძღვრება, ქანდაკება და მხატვრობა ზედმიწევნით განვითარდა. საუკეთესო ხანა ხელოვნების განვითარებისა იყო დასაწყისი მეთექვსმეტე საუკუნისა, როდესაც მოქმედებდნენ ხელოვნების ბუმბერაზები: **ლეონარდო და-ვინჩი, ბრამანტე, რაფაელი და მიქელ-ანჯელო.**

იტალიის სხვა მოზრდილ ქალაქებში იგივე იყო, რაც ფლორენციაში. ქალაქების ძალა-უფლება გადადის კერძო პირების ეგრეთ-წოდებული **სენიორების** ხელში, ძველი რესპუბლიკანური წესწყობილება კი თავის მნიშვნელობას თანდათან ჰკარგავს. ეს სენიორები უმეტეს შემთხვევაში იყვნენ დაქირავებული ჯარის ყოფილი მეთაურნი ეგრეთ-წოდებული **კონდოტიერები.**

სამხედრო სამსახური ხელს არ უშლიდა მათ, რომ იგინი ხელოვნების ნაწარმოებითა და მეცნიერებით გატაცებულიყვნენ, პირიქით ბევრი მათგანი ნამდვილი მეცენატები იყვნენ (მფარველი მეცნიერებისა და ხელოვნებისა).

სენიორთა შორის თავისი ძლიერებით და გავლენით პირველი ადგილი ეჭირა **ვისკონტის** ოჯახს, რომელიც ფლობდა ქალაქ მილანს, შემდეგ კი მისი ადგილი **სფორცის** ოჯახმა დაიჭირა. სენიორები, რომელნიც ძალით ჩაიდებდნენ ხელში ძალა-უფლებას, მის შესარჩენათ ისევ ძალას ემყარებოდნენ და მიზნის მისაღწევათ ყოველგვარ საშუალებას ხმარობდნენ. ზოგიერთი მათგანი მეტისმეტი მკაცრი და ზნედაცემული იყო.

რესპუბლიკანური წესწყობილება მხოლოდ ვენუასა და ვენეციაში იყო დარჩენილი. მაგრამ აქაც გავლენა და მთელი ძალა-უფლება რამდენიმე ოჯახის ხელში იყო, რომლებიც თავის უპირატესობას უკმაყოფილოთა და მემამოხეთაგან თავგამოდებით იცავდნენ. განსაკუთრებული მნიშვნელობა ჰქონდა ვენეციას, რომელსაც ეკუთვნოდა მთელი რიგი კუნძულებისა (კიპროსი, კრიტოსი, ევბეა და სხვა) და გამაგრებული ადგილები ხმელთაშუა ზღვაზე. ვენეციას დიდი სახელმწიფონიც ანგარიშს უწევდნენ, ვინაიდან მას კარგი ჯარი და მაშინდელი დროისთვის მოზრდილი სამ-



ხედრო ფლოტი ჰყავდა. ამ სიმდიდრეს ვენეცია განსაკუთრებით
ბით იძენდა, რომელსაც ის აწარმოებდა საერთოთ მთელ აღმოსავლეთთან
და კერძოთ ინდოეთთან. ინდოელებთან ვაჭრობას ვენეციელები არაბე-
ბის საშვალეებით აწარმოებდნენ.

მიუხედავად ამისა, მეთუთხმეტე საუკუნეში ვენეციის ასეთ მდგომა-
რობას საფრთხეს უმზადებდა თურქების გაძლიერება აღმოსავლეთ ქვეყ-
ნებში და აგრეთვე ინდოეთის საზღვაო გზის აღმოჩენა.

სათავეში ვენეციის რესპუბლიკას ამორჩეული მეფე ევრედ — წოდე-
ბული დოჟი უდგა. მისი უფლება, რაც შეიძლება, შეზღუდული იყო არი-
სტოკრატიისაგან. უმთავრესი მნიშვნელობა ჰქონდა არა მას, არამედ ათი
კაცისაგან შემდგარს საბჭოს, რომელსაც წარჩინებული ოჯახები ირჩევდნენ.

სამხრეთი იტალია და სიცილია ცალკე სახელმწიფოს შეადგენდა,
სადაც მთავარ ქალაქათ ნეაპოლი ითვლებოდა. მეთუთხმეტე საუკუნეში
აქ გამეფდა არაგონელთა გვარის მეფე ალფონსი.

ალფონსი იმ დროის მიხედვით დიდ მფარველობას უწევდა ხელო-
ვნებასა და მეცნიერებას.

ამავე საუკუნის ბოლოს ნეაპოლისა და სიცილიის სახელმწიფოს
ისპანელები დაეპატრონენ. ეს მოხდა მეფე ფერდინანდ კათოლიკეს მო-
ხერხებული პოლიტიკის წყალობით.

აპენინის ნახევარკუნძულის შუა ნაწილი საეკლესიო ანუ პაპის ოლქს
ეჭირა. თუმცა პაპის უფლებას ძლიერ ავიწროებდნენ თავისინება ფეოდალები,
რომლებიც ისხდნენ გამაგრებულ კოშკებში და პაპებს ხშირათ აშკარათ წინა-
აღმდეგობას უწევდნენ. მეთუთხმეტე საუკუნეში პაპები ცდილობდნენ საეკლე-
სიო ოლქის ნაწილებისგან შეექმნათ თავისი ნათესავებისთვის სამემკვიდრო
სამთავროები; ამ მიზნით პაპები ხშირათ საეკლესიო ინტერესებსაც კი ივიწ-
ყებდნენ.

ამ მხრივ ყურადღებას იქცევდა პაპი **ალექსანდრე მეექვსე ბორჯია**
(1500 წ.); ისიც და მისი შვილი ცეზარიც ცნობილი იყვენ უხნეობით,
სიფლიდითა და სიმკაცრით.

ალექსანდრე მეექვსის მემკვიდრის იულო მეორის დროს პაპების პო-
ლიტიკა ცოტა შეიცვალა: უპირველეს სამხრუნველო საგნათ გადაიქცა
საეკლესიო ოლქის გაფართოება და გაძლიერება. ნათესავებზე ზრუნვამ
თანდათან იკლო.



იულო მეორის ზე განსაკუთრებით მისი მემკვიდრის ლეონ მეფის დედას რომი ჰუმანიზმის უმთავრეს ცენტრათ გადაიქცა. მიქელ — ანჯელო, რაფაელი და სხვა მხატვრები რომში შეშაობდენ და ხელოვნება უკვდავი ნიმუშებით გაამდიდრეს; იტალიელი სწავლულნიც ცნობილი იყვნენ და იზიდავდენ აუარებელ მოწაფეებს და მიმდევრებს. ასე რომ იტალიასა და რომს მთელი დასავლეთი ევროპის სულიერ ცხოვრებაში პირველი ადგილი ეჭირათ, თუმცა ამ საუცხოვო სურათს თავისი ცუდი მხარეც ჰქონდა; პაპები მეტათ გატაცებული იყვნენ პოლიტიკური, მეცნიერული და ლიტერატურულ-მხატვრული ინტერესებით და საეკლესიო საქმეებს ნაკლებ ყურადღებას აქცევდენ, ამიტომაც ეკლესიაში ბევრმა ბიწიერებამ თავი იჩინა.

გამოგონებანი და მეთოთხმეტე და მეთუთხმეტე საუკუნეში საერთოთ აღმოჩენანი. გონებრივი მდგომარეობა დასავლეთ ევროპისა ძლიერ ამაღლდა, რის შედეგიც იყო მთელი რიგი გამოგონებისა. მეთოთხმეტე საუკუნეში გამოიგონეს კომპასი და დაიწყეს თოფის წამლის ხმარება. კომპასის გამოგონებამ გაადვილა ზღვაზე შორს მოგზაურობა, თოფის წამალმა კი სამხედრო საქმეში შეიტანა ძირითადი ცვლილებანი. სასროლი იარაღების გაუმჯობესებამ დაუკარგა მნიშვნელობა რაინდთა ცხენოსან რაზმებს, რომლებიც იკრიბებოდენ მხოლოდ ომის დროს.

ამათი ადგილი დაიჭირა მუღმივმა დაქირავებულმა ჯარმა. დაქირავებული ჯარის შემოღების შემდეგ მეფეებსა და მთავრებს აღარ ესაჭიროებოდათ მათი ვასალების სამხედრო დახმარება, ამიტომაც მეფეების დამოუკიდებლობა თანდათან ძლიერდება.


დაახლოებით 1450 წ. იოანე გუტენბერგმა ქ. მაინცში წიგნის ბეჭდვა გამოიგონა.

გუტენბერგამდისაც ხმარობდენ ხის დაფებს, რომლებზედაც ამოწეული (ამობერილი) ასოებით აღნიშნავდენ ხოლომე ტექსტს. გუტენბერგის გამოგონება იმაში მდგომარეობს, რომ მან შემოიღო ხმარებაში ცალკე ასოები, პირველათ ხისაგან გამოჭრილი და შემდეგ კი ლითონისგან ჩამოსხმული, ასე რომ უწინ მთელი ტექსტი უნდა ამოეჭრათ დაფაზე, შემდეგ კი მთელი ანბანი ცალკე ასოებათ ამოსჭრეს და ამნაირათ მოძრავი ასოე-



ბით ყოველგვარი ტექსტი შედგებოდა. გუტენბერგის გამოგონება **ტიპოგრაფია** უფრო გააუმჯობესეს **ფუსტმა** და **შეფერმა**; მათ ჩამოასხეს ასოები მაგარი ევრეთ-წოდებული სასტამბო ლითონისაგან. წიგნის ბეჭდვა უფრო გაადვილდა მას შემდეგ, რაც ჩვრის ქალაქის წარმოება გაუმჯობესდა, რადგან ჩვრებისგან გაკეთებული ქალაქი უფრო კარგი თვისებისა და თანაც იაფი იყო, ვიდრე ტყავისაგან გაკეთებული ეტრატი (пергаментъ), რომელიც წინეთ იხმარებოდა. მეთუთხმეტე საუკ. განმავლობაში წიგნების ბეჭდვა მთელ დასავლეთ ევროპაში გავრცელდა. მისი მნიშვნელობა დიდი იყო. წიგნები წინეთ ძლიერ ძვირი და იშვიათად საშოვნელი იყო, ახლა კი ყველასთვის მისაწდომი შეიქნა, რამაც ყოველგვარი ცოდნა გავრცელა და განათლების ინტერესი გაძლიერა. გარდა წიგნებისა, იბეჭდებოდა მრავალი ცალკე ფურცელი, რომლის საშუალებითაც მდამიო ხალხი ფრიად საჭირო კითხვებს ეცნობოდა; ასეთი ფურცლები ხშირად დასურათებულიც იყო. ამგვარად ხალხის უმეტესობას საშუალება ეძლეოდა გაეგო საყურადღებო საკითხები და მათ გადაწყვეტაში მონაწილეობა მიეღო. ასეთი იყო, მაგალითად, საეკლესიო რეფორმის საკითხი.

ერთსა და იმავე დროს ამ გამოგონებებთან ხდებოდა ახალი ქვეყნების აღმოჩენა. მეთუთხმეტე საუკუნის განმავლობაში პორტუგალიელებმა რამდენიმეჯერ იმოგზაურეს აფრიკის დასავლეთ ნაპირების მხრივ, რომ ინდოეთის საზღვაო გზა აღმოეჩინათ. ამ მოგზაურობის დროს აფრიკის ახლოს ატლანტის ოკეანეში აღმოაჩინეს კუნძულები: მადეირა, აზორისა და სხვა, მაგრამ ინდოეთს მაინც ვერ მიაღწიეს. მხოლოდ 1498 წ. ვასკოდე-გამამ აფრიკის შემოვლით მიაღწია ინდოსტანს. ამაზე ადრე 1492 წ. გენუელმა **ქრისტეფორე კოლუმბმა** განიზრახა ამ მიზნის განხორციელება მხოლოდ სხვა გზით. ვინაიდან ის დედამიწის სიმრგვალებში დარწმუნებული იყო, იგი ფიქრობდა, რომ ევროპიდან დასავლეთისკენ გამგზავრებული აღმიანი ინდოეთს უნდა მისულიყო. ბევრი გაჭირვების შემდეგ მან დააინტერესა ისპანიის დედოფალი იზაბელა, რომელმაც მისთვის 3 ხომალდი დაამზადებია. ინდოეთის მაგიერ კოლუმბი ამერიკას მიაღვა. პირველათ მან აღმოაჩინა ბაგამის კუნძულები: ყუბა და გაიტო, შემდეგ კი იამაიკა, მცირე ანტილის კუნძულები და ხმელეთის ნაწილი.




კოლუმბმა არ იცოდა, რომ ახალი ქვეყანა აღმოაჩინა, ვინაიდან ის უკავშირდება მათ აზიის ნაწილებს. მხოლოდ მისი სიკვდილის შემდეგ გამოაშკარავდა, რომ ის სცდებოდა, რადგან აღმოაჩინეს ამერიკის ახალი ნაწილები. ამ ახალ ქვეყანას დაერქვა ამერიკა კოლუმბის ერთ მიმდევარის **ამერიგო ვესპუჩის** სახელწოდებიდან, რომელმაც რამდენჯერმე სამხრეთ-ამერიკის ნაპირების გაყოლებით იმოგზაურა. ამ ნაპირების აღწერა მან დავიტოვა თავის ნაწერებში. ამერიკის აღმოჩენა დასრულდა მით, რომ ისპანელმა **ბალბოამ** 1513 წ. მილწია წყნარ ოკეანეზე პანამის ყელთან და პორტუგალიელმა **მაგელანმა** 1520 წ. აღმოაჩინა სრულტე, რომელიც აერთებს წყნარ ოკეანეს ატლანტისთან.

ამერიკის აღმოჩენამ არსებითად შესცვალა მთელი ევროპის ეკონომიური ცხოვრება. კარჩაკეტილმა ზღვებმა, როგორცაა ხმელთა შუა და ბალტიის, ვაჭრობაში დაკარგეს თავისი უპირველესობა; მათი ადგილი დაიჭირა ოკეანის გვერდით მდებარე ქვეყნებმა, როგორცაა: ისპანია, პორტუგალია, შემდეგ ინგლისი, გოლანდია და საფრანგეთი. ახალი ქვეყნიდან ევროპაში შემოიტანეს მრავალი უცხო საქონელი და აუარებელი ოქრო. ოქროს შეძენამ გამოიწვია ოქროს ფულის ნიშნების გამრავლება და ამით კი გაადვილდა ვაჭრობა-მრეწველობის წარმოება, თუმცა თვალსაჩინოთ ასეთი გავლენა ახალი აღმოჩენებისა ევროპის ცხოვრებას მეთექვსმეტე საუკუნეში უფრო დაეტყო. გარდა ნივთიერი ცხოვრების გარდაქმნისა, ახალმა აღმოჩენებმა გონებრივ ცხოვრებაზედაც დიდი გავლენა იქონია, რადგან ადამიანმა ბევრი ცოდნა შეიძინა. ახალი აღმოჩენებით წარმატების დროს ევროპა სასტიკ ბრძოლას აწარმოებდა; ამ ბრძოლის საგანი იყო იტალია.

ომები იტალიის ომები გამოიწვია საფრანგეთის მეფის **კარლოს** იტალიაში. **მერვის** იტალიაში გალაშქრებამ 1494 წელს.

კარლოს მერვე შვილი იყო ლიუდოვიკე მეთერთმეტისა და იჩემებდა ნეაპოლიტანურ სამეფოს, რადგან ის 1435 წლამდე ეკუთვნოდა ანჟუის დინასტიას, რომელიც საფრანგეთის სამეფო გვარის მონათესავე იყო. კარლოს მერვემ ნეაპოლი სულ ადვილად დაიპყრო. მისმა გამარჯვებამ გამოიწვია ის გარემოება, რომ საქმეში ჩაერივნ იმპერატორი **მაქსიმი-**




ლიანე, ისპანიის მეფე ფერდინანდ კათოლიკი, პაპი, ვენეცია და მილანის ჰერცოგი **ლიუდოვიკე მავრი**, რომელიც სფორცის ოჯახის მემკვიდრე იყო. ამათმა კავშირმა აიძულა საფრანგეთის მეფე, რომ იტალიას მოშორებოდა. კარლოს მერვის მემკვიდრე **ლიუდოვიკე მეთორმეტე** შეუკავშირდა ფერდინანდ კათოლიკს და მისი დახმარებით ნეაპოლი აიღო, მაგრამ ამას შემდეგ მოკავშირეები წაიხზუბენ და ისპანელებმა ფრანგები სამხრეთ იტალიიდან გააძევეს. რამდენიმე წლის შემდეგ ლიუდოვიკე მეთორმეტემ განიზრახა დაკარგული ნეაპოლის მაგიერ მილანი შეეძინა, ამისათვის ის შეუკავშირდა ვენეციას, პაპს იულიოს მეორეს და ფერდინანდ კათოლიკს. რამდენიმე გამარჯვების შემდეგ საფრანგეთის ჯარი სასტიკათ დაამარცხა ნოვარესთან მილანის ჰერცოგმა დაქირავებული შვეიცარლებით. ამ სასიურცხო დამარცხების სამაგიეროს გადახდა მოინდომა ლიუდოვიკე მეთორმეტის მემკვიდრემ **ფრანცისკ პირველმა** მართლაც 1515 წ. მარინიანოსთან მან სრულიად გაანადგურა შვეიცარლები.

მილანი რამდენიმე წლით ფრანგების ხელში გადავიდა. ამ ხანებში მეფე ფერდინანდ კათოლიკე და იმპერატორი მაქსიმილიანე გარდიცვალენ და მათი კუთვნილი მიწები მათ შვილიშვილს **კარლოს პირველს** ისპანელს დარჩა. 1519 წ. კარლოსი აირჩიეს გერმანიის იმპერატორათ კარლოს მეხუთის სახელწოდებით. ამგვარად მემკვიდრეობის ძალით მის ხელში გადავიდა ისპანიის, ბურგუნდიისა და გერმანიის მიწები. ამას გარდა, ის ფლობდა კიდევ სამხრეთ იტალიას, სიცილიას და ამერიკის ახალშენებს. როგორც იმპერატორი კარლოსი იჩემებდა მილანს და ბურგუნდიის ნაწილს, რომელიც საფრანგეთის მეფის ლიუდოვიკე მეთორმეტის მიერ იყო წართმეული.

ფრანცისკ პირველსა და მეხუთეს შორის შეტაკება აუცილებელი ხდებოდა, რადგან ომს უნდა გადაეწყვიტა — მათ შორის რომელს დარჩებოდა ევროპაში პირველობა. 1521 წლიდან 1544 წ — დე ივინი დროგამოშვებით ომობდენ, ხან ერთი სჯობნიდა, ხან მეორე, ბოლოს ომი კრების ზავით დასრულდა; კარლოს მეხუთეს დარჩა მილანი, ფრანცისკ პირველს ბურგუნდია. უპირატესობა მთელ ევროპაში კარლოს მეხუთეს ეკუთვნოდა.

იმ დროს, როცა ხანგრძლივი და თავგამოდებითი ბრძოლა სწარმოებდა იტალიისათვის, იმპერატორი უყურადღებოთ სტოვებდა გერმანიას, სადაც ამ დროს ძლიერი სარწმუნოებრივი მოძრაობა იწყებოდა, რომელმაც დასავლეთ ევროპის ეკლესია დაანაწილა. ამ მოძრაობას ისტორიაში რეფორმაცია ეწოდება.

გ ე რ მ ა ნ ი ა



გერმანია მეთუთხმეტე საუკ. ბოლოს და მეთექვსმეტე საუკ. დასაწყისში. ლიუტერანული რეფორმაცია.

გერმანიის მდგომარეობა რეფორმაციის წინ და რელიგიური უკმაყოფილების ზრდა.

მეთუთხმეტე საუკ. ბოლოს და მეთექვსმეტე საუკ. დასაწყისში გერმანიის შინაური ცხოვრება მძიმე პირობებში მიმდინარეობდა. მთელი სახელმწიფო ამ დროს რამდენიმე ერთ მეორესაგან განცალკევებულ სამთავროთ და ქალაქის ოლქათ იყო დაყოფილი. იმპერატორის უფლება კი ძალიან სუსტი იყო. მთავრები და რაინდები შურის თვალით უცქერდნენ ქალაქების გამდიდრებას. მთავრები ცდილობდნენ თავისუფალი ქალაქების დამორჩილებას. რაინდები კი ხშირათ გზებში ცარცვავენ ქალაქელი ვაჭრებს საქონლით დატვირთულ ურმებს.

მიუხედავათ ამისა მთელი რიგი ქალაქებისა მაინც გაიზარდა და მეთექვსმეტე საუკუნეში გონებრივათაც და ნივთიერათაც აყვავდა.

მთავრებსა და რაინდებს შორისაც კუდი დამოკიდებულობა სუფევდა. რაინდებს სურდათ, რომ მარტო იმპერატორის მორჩილნი ყოფილიყვნენ, მთავრები პირიქით ცდილობდნენ რაინდები ვასალებათ გადაექციათ და ვასალები ქვეშევრდომათ, ერთი სიტყვით, სურდათ მათი სრული დამორჩილება.

უკმაყოფილონი იყვნენ გლეხებიც. საერო და სასულიერო ქონებათა მებატონენი ცდილობდნენ თავის ძალა-უფლებას გლეხებზე, რაც შეიძლება, გაეფართოებიათ. ხშირათ თავისუფალ გლეხებს ყმებათ ხდიდნენ, ყმებს კი მონებათ. აგრეთვე ართმევდნენ საერთო მამულს ტყეს, საბალახოს, წყალს და ახდევინებდნენ გადიდებულ გადასახადს. მიუხედავათ ამისა, გერმანიაში მეთუთხმეტე—მეთექვსმეტე საუკ. განმავლობაში გლეხები კარგათ ცხოვრობდნენ. ზოგიერთ ადგილას გლეხები მდიდრათაც კი იყვნენ, თუმცა უფლებრივი დაჩაგვრა მდიდარ გლეხებშიც დიდ უკმაყოფილებას იწვევდა. გლეხთა ამბოხებები, რასაც ადგილი ჰქონდა მეთუთხმეტე საუკუნეში, ცხადათ ამტკიცებდა, რამდენათ აუტანელი იყო მათი მდგომარეობა. ყველა წოდებები მტრულათ უცქერდნენ სამღვდლოებას. მთავრებს ისა სწყინდათ, რომ ეკლესია საერო საქმეებში ეროდა. რაი-



ნდებსა და ქალაქებს ის შურდათ, რომ ეკლესიის უპირატესობა ეკლესიის წინაშე
ნოდა და დიდ სიმდიდრესა ფლობდა.

გლეხებს ის აწუხებდათ, რომ საეკლესიო შემამულენი მათ ნაკლებ
შეურაცხყოფას არ აყენებდნენ, ვიდრე საერონი. გერმანელი სამღვდლო-
ებაც უკმაყოფილო იყო თავისი მღვდომარეობით, განსაკუთრებით პაპის
სასახლის გამგეთა თვითნებობით და მაცთური მოქმედებით.

პაპები მძიმე გადასახადებს ადებდნენ გერმანელების ეკლესიას, ითვი-
სებდნენ თავისუფალ სასულიერო თანამდებობაზე კანდიდატების განწესე-
ბის უფლებას, სთხოვდნენ სასულიერო პირებს თანამდებობაზე დამტკიცე-
ბისათვის დიდ სასყიდელს და სხვა. გერმანელმა სამღვდლოებამ არაერთ-
ხელ გამოსთქვა განსაკუთრებულ საჩივრებში თავისი უკმაყოფილება, რა-
საც სხვა წოდებაც მხარს უჭერდა, მაგრამ ამას სასარგებლო შედეგი არ
მოჰყვა. ბევრს იმედი ჰქონდა მსოფლიო საეკლესიო კრებისა, რომელსაც
კონსტანცისა და ბაზელის საეკლესიო კრებათა მაგალითისამებრ ყოველი
ბიწიერება საეკლესიო ცხოვრებისაუნდა გაესწორებია, მაგრამ პაპებს კარ-
გათ ახსოვდათ ამ საეკლესიო კრებების სურვილი პაპის უფლების შე-
ზღუდვის შესახებ და ამიტომ ისინი კრების მოწვევას, რაც შეიძლება,
აგვიანებდნენ. პაპების ასეთ მოქმედებას ყველა კიცხავდა, მაგრამ ამ გარე-
მოებამ გერმანიაში ხელი შეუწყო ეროვნული გრძნობის განვითარებას,
რაც სავსებით მიმართული იყო რომის ბატონობისა და ძალმომრეობის
წინააღმდეგ. ყველა ამას მიემატა რელიგიური უკმაყოფილებაც, რაც გა-
მოწვეული იყო სამღვდლოების ზნეობით დაცემით. ამას აშკარათ ამბობ-
დნენ არა მარტო ურწმუნონი და ეკლესიის მტრები, არამედ ღრმა მო-
რწმუნე კათოლიკენიც. ეკლესიის ზნეობრივი დაცემა აშკარათ იხატებო-
და შემდეგში: 1. პაპები, და საერთოდ მთელი სამღვდლოება საერო
ცხოვრებით უფრო იყო გატაცებული, ვიდრე სარწმუნოებრივი ინტერე-
სებით. 2. ბევრი სამღვდლო პირი პაპებიდან დაწყებული უბრალო სოფ-
ლის მღვდლამდი ზნედაცემული იყო. 3. პაპების ნებართვით სამღვდ-
ლოება ჰყიდდა ინდულგენციას, ესე იგი ფურცლებს, რომლის მყიდველ-
საც ვითომ მიეტევებოდა ყოველგვარი ცოდვები და საიქიოს ტანჯვა
აღარ შეხვდებოდა. 4. ძლიერ განვითარებული იყო ღვთისმსახურე-



ბის გარეგნული მხარე, რითაც სარწმუნოების შინაარსი და მისი მნიშვნელობა მოქმედება სავსებით დაზარდილი იყო. ბევრს ეგონა, რომ ამა თუ იმ ცერემონიის გარეგნულათ შესრულება, მარხვის შენახვა, წმინდა ადგილებში სალოცავათ მოგზაურობა და ეკლესიის სასარგებლოთ უხვი შეწირულების გაღება სულის საცხონებლოთ საკმაო იყო; ასეთ ყალბ შეხედულებას სამღვდლოებაც ხელს უწყობდა, რადგან სარგებლობდა სხვადასხვა სახით აღებული შეწირულებით.

სამღვდლოება, მიუხედავად თავისი ზნეობრივი სიმდაბლისა, ცდილობდა ხალხის სულიერ ცხოვრებაზე ძველებურათ ჰქონოდა ბატონობა, ამიტომაც არ უნდოდა, რომ ხალხში თავისუფალი აზროვნება და მეცნიერება გავრცელებულიყო. ამ მხრივ ძალიან ენერგიულათ მოქმედებდნენ დომინიკანის ბერები. მათ წინააღმდეგ სამოქმედოთ გამოვიდნენ გერმანელი ჰუმანისტები.

გერმანული ბერმანის ჰუმანიზმის ისტორიაში პირველი ადგილი ეკუთვნის იოანე რეიხლინს, ერაზმ როტერდამელს და ულრიხ ფონ-ჰუტენს.

რეიხლინი (1455 — 1522) იმ დროის ერთი გამოჩენილი სწავლული და ენათა მეცნიერი იყო. მან სამი ძველი ენა იცოდა — ლათინური, ბერძნული და ებრაული, ამიტომაც მას „სამ-ენათა საოცრება“ უწოდეს. ებრაული ენა მან შეისწავლა იმ მიზნით, რომ ძველი აღთქმის დედანი გაეცნო, რადგან ის იზიარებდა იმ რწმენას, ვითომც უძველეს ებრაულ ანბანში ინახებოდა საიდუმლოება ღვთისა და აგრეთვე ქვეყნის შექმნისა.

ებრაული ანბანის საიდუმლო მნიშვნელობაზე არსებულ მოძღვრებას ეწოდებოდა „კაბალა“. რეიხლინს ფუჭით არ ჩაუბრა ებრაული ენის შესწავლამ. იმას მოუხდა შებრძოლება კიოლნელ დომინიკანებთან, რომლებსაც მეთაურობდა ერთი მონათლული ებრაელი პეფერკონი, და თხოულობდნენ ყველა ებრაული წიგნების მოგროვებასა და დაწვის. რეიხლინს, როგორც მოწინააღმდეგეს, ერეტიკობა დასწამეს და სასულიერო სამსჯავროში (ინკვიზიცია) გასამართლებით ემუქრებოდნენ. რეიხლინის და-



საკვალთ გამოვადენ თითქმის ყველა ჰუმანისტები, ვინაიდან მათ იცოდნენ, რომ რეიხლინის დამარცხებით დომინიკანებს სურდათ ფული აზროვნების განვითარება შეეფერხებიათ. ახალგაზდა ჰუმანისტების ბანაკში დაიწერა უკვდავი სატირა სახელდობ: „ბნელი პირების წერილები“, რომელშიაც სასტიკათ იყო გაკიცხული ბერების გაუნათლებლობა და ზნეობრივი დაქვეითება. ეს წერილები იყო მიმართული ერთი მწერლისადმი, რომელიც ბერებს იცავდა; წერილების ავტორები ვითომც მწერლის მიმდევრები და მეგობრები იყვნენ. სატირის მნიშვნელობა იმაში მდგომარეობდა, რომ წერილის ავტორები ბერების ცხოვრებიდან ისეთ მხარეებს აქვეყნებდნენ, რომელნიც მკითხველებში დაცინვასა და ზიზღს იწვევდა. ამ წერილების გამოქვეყნებას დიდი შედეგი მოჰყვა; მთელი განათლებული გერმანია დასცინოდა ჰუმანისტების მტრებს და საზოგადოებრივი აზრიც ჰუმანისტების მხარეზე იყო.

ებრაული წიგნების შესახებ აღძრულმა დავამ დროებით რეიხლინი დასახა გერმანული ჰუმანიზმის ცენტრალურ პიროვნებათ, მაგრამ ნამდვილ მეთაურათ რეიხლინი კი არა—იმ დროის შესანიშნავი სწავლული ერაზმ როტერდამელი უნდა ჩაითვალოს.

ერაზმ როტერდამელი (1467—1536) იყო კლასიკური მეცნიერი და მწერალი, რომელმაც თავის სიცოცხლეშივე დიდი ყურადღება მიიპყრო თანამედროვე საზოგადოებისა. იმასაც ისეთი სახელი ჰქონდა, როგორიც ერთ დროს პეტარკას.

ერაზმმა ზედმიწევნით იცოდა ფილოლოგია. ეს ცოდნა მას უნდოდა მაღალი მიზნისათვის გამოეყენებია; მას სურდა, გამოერკვია და აღედგინა ნამდვილი შინაარსი ქრისტიანული სარწმუნოებისა.

უმადლეს მეცნიერებათ ერაზმი სთვლიდა „ქრისტეს მოძღვრებას“, რომელიც საუკუნეთა განმავლობაში მრავალ მომაკვდავ პირთა ხელით იყო ძლიერ შეცვლილი, ალავ ჩამატებული, ალავ შეშლილი და საერთოთ ყალბათ წარმოდგენილი. ქრისტიანული სარწმუნოება რომ ყოველგვარი შეცდომებისაგან გაწმენდილიყო, ამისათვის ერაზმმა განიზრახა ქრისტიანობის პირველყოფილი წყაროების ნამდვილი ტექსტი აღედგინა:



ამ მიზნით მან გამოსცა შეუსვლელად დედანი ახალი აღთქმისა და მისი კომენტარებით (განმარტებით) ლათინურ ენაზე და წმინდა მამების უმთავრესი ნაშრომნი. თავისი შეხედულება ადამიანის სარწმუნოებრივ მოვალეობაზე ერაზმმა გამოსთქვა „მეგობრულ საუბრებში“, ცალკე კრებულში, რომელშიც მოყვანილია ძველ ბრძენთა და ქრისტიან მწერალთა აზრები, და სპეციალურათ შედგენილ ზნეობრივ კატეხიზმში, რომელსაც ეწოდა: „მახვილი ქრისტიანი მხედრისა“. ერაზმი ამტკიცებდა; რომ ჭეშმარიტი ქრისტიანე უმთავრეს ყურადღებას არ უნდა აქცევდეს სარწმუნოების გარეგნული მხარის შესრულებას ე. ი. საეკლესიო წესებს, არამედ ქრისტიანულ სიყვარულს მოყვასისადმი. გათახსირებული და უვიცი საზოგადოება, განსაკუთრებით სამღვდლოება, ერაზმმა გააკიცხა თავის შესანიშნავ სატირულ ნაწარმოებში, რომელსაც ეწოდება: „სისულელის ქება“. ერაზმს არ სწამდა, რომ ეკლესიას ზნეობრივით ამაღლებდა რაიმე ძალით შემოღებული და ხალხის მონაწილეობით გატარებული რეფორმები. ერაზმს ეშინოდა და არც უყვარდა ბრბო. ეკლესიის მდგომარეობის გასაუმჯობესებლათ მას აუცილებლათ მიაჩნდა განათლებისა და კეთილზნეობის განვითარება. ამ მუხლში მის შეხედულებას არსებითად არ ეთანხმებოდა გერმანული ჰუმანიზმის მესამე წარმომადგენელი — ულრიხ-ფონ-ჰუტენი.

ულრიხ-ფონ-ჰუტენი (1488 — 1523) იყო ფრანკონელი რაინდის ოჯახის შვილი, ამიტომ მის მოღვაწეობას მუდამ რაინდული მამაცობისა და თვითნებობის ბეჭედი ესვა. ულრიხ-ფონ-ჰუტენმა, როგორც ჰუმანიტამა, მიიღო ენერგიული მონაწილეობა „ბნელ პირთა წერილები“-ს შედგენაში; ასე რომ მეორე ნაწილი ამ კრებულისა უმთავრესათ მისი დაწერილია. ჰუტენს არ აკმაყოფილებდა ჰუმანიურ ასპარეზზე მოღვაწეობა და თავისუფალი მეცნიერების დაცვა. ის გაიტაცა პოლიტიკურმა მიზანმა, განიზრახა გერმანიის განთავისუფლება, რომის ეკლესიის ბატონობისაგან. ასე რომ ის შეიქმნა მედგარი დამცველი და მადიდებელი გერმანიის ეროვნული ღირსებისა. კათოლიკური სამღვდლოების საწინააღმდეგოთ ჰუტენმა დასწერა მთელი რიგი სატირებისა, რომელთა შორისაც უფრო ცნობილი იყო ერთი — სახელდობ „რომის სამება“, სადაც ავტორი პაპის სასახლის გაუმადლოებასა და გათახსირებას ახასიათებს. ვინაიდან ჰუტენი სდევნი-



და პაპის ეკლესიას, ის აღფრთოვანებით შეეგება რეფორმაციის ხალხში მისთვის ნიადაგი მოემზადებია, გერმანულ ენაზედ დაიწყო წერა. ამგვართ მის პიროვნებაში გაერთიანდა პატრიოტი და ენერგიული მოძბრე ეკლესიის რეფორმისა. თავის იმედებს ჰუტენი იმპერატორზე ამყარებდა. იმპერატორს უნდა დაეცვა გერმანიის ღირსება და მოესპო რომის ბატონობა. ამისათვის საჭირო ძალა და საშუალება უნდა მიეცა რაინდებსა და მათთან შეკავშირებულ ქალაქებს. ჰუტენმა დაივიწყა წოდებრივი უთანხმოება და აღტაცებული ლექსებით მოუწოდებდა რაინდებსა და მოქალაქეებს შეერთებულიყვენ და შეერთებული ძალით დაემარცხებიათ საერთო მტერი — რომი. ჰუტენის მოღვაწეობა შეხვდა რეფორმაციული მოძრაობის დასაწყისს, რომლის პროგრამაც მოითხოვდა ძირითად გარდაქმნას როგორც საეკლესიო წესწყობილებისას, ისე სარწმუნოების მოძღვრებისას. ამ მოძრაობის წინამძღოლი იყო მარტინ ლიუტერი.

მარტინ ლიუტერი
(1483—1546)
და რეფორმაციის
დასაწყისი.

მარტინ ლიუტერი მალაროს მუშის შვილი იყო. დაიბადა ის საქსონიის ქ. ეისლენგენში. ბავშობისას ლიუტერი მოკლებული იყო მხიარულებას. სახლსა და სკოლაში მას მკაცრათ ეპყრობოდენ, პატარა დანაშაულობისთვის კიდევაც სცემდენ. ასეთმა მოქცევამ ბავშვი მწუხარე სულიერი განწყობილება შექმნა და მას მოწყენილობა დაეტყო; ამის კიდევ დაერთო დედა მისის მიერ იესო ქრისტეზე ნაამბობი ამბების გავლენა. დედა უსურათებდა ქრისტეს, როგორც შეუწყნარებელ მოსამართლეს, რომელიც ყოველი შეცოდებისათვის, თუნდა უმნიშვნელოც იყოს, პასუხის გებას მოგვთხოვსო. ამგვარი საუბრები ბავშს ძლიერ აწუხებდა, და მუდამ იმას ფიქრობდა, როგორ შეებრალებია თავი ასეთი მრისხანე მოსამართლისთვის. ლიუტერის მამა, თუმცა უბრალო ადამიანი იყო, მაგრამ სურდა შვილისთვის კარგი განათლება მიეცა. მართლაც ლიუტერმა დიდის გაჭირვებით მიაღწია უნივერსიტეტამდი. ის ერთრუტის უნივერსიტეტში შევიდა და გულდასმით შეუდგა მეცნიერების შესწავლას. სტუდენტების მხიარულმა და საინტერესო ცხოვრებამ დროებით გაანელა ლიუტერის შიში და მწუხარება იმის გამო, თუ როგორ დაემსახურებია მას ღვთის წყალობა და თავი უზრუნველყო გასამართლებისაგან. ერთი მე-



გობროს უეცარმა სიკვდილმა და სხვა მძიმე შთაბეჭდილებებმა აუძრა ლიუტერს მწარე ფიქრები, რამაც იგი ბოლოს ავგუსტინის მონასტრის კარებამდის მიიყვანა. მონასტერში ლიუტერი ასკეტურ ცხოვრებაში, ეძებდა სულიერ სიმშვიდეს, რაც ლოცვასა და მარხულობაში გამოიხატებოდა. ასეთმა ცხოვრებამ ძლიერ შეაწუხა და კინალამ უძროოთ საფლავში ჩაიყვანა. ლიუტერმა თანდათან შეითვისა ის აზრი, რომ ცხოველი სარწმუნოება ქრისტესადმი უფრო იხსნის ადამიანს და აცხონებს, ვიდრე მონასტრის ასკეტური ცხოვრება, რაც მარხულობასა და სხვა შემოწმებელ კრძალულობაში გამოიხატება.

ლიუტერის ცხოვრებაში ერთს უმთავრეს მომენტს წარმოადგენს ახლად გახსნილ ვიტენბერგის უნივერსიტეტში მისი პროფესორათ დანიშვნა. მისი ახალი თანამდებობა მოითხოვდა საღვთო წერილის ზედმიწევნით შესწავლას, რამაც ლიუტერი კიდევ უფრო დაარწმუნა ასკეტური ცხოვრების უსარგებლობაში. მასთან თავისი ორდენის დავალებით რომში გამგზავრებამ ლიუტერს გადაუშალა თვალწინ სურათი ეკლესიის ზნეობით ჩამოქვეითებისა. 1517 წელმა ლიუტერის ცხოვრება არსებითად შესცვალა ამ წელში საქსონიაში მოვიდა დომინიკანელი ბერი **ტეცელი** და ინდულგენციით ვაჭრობა დაიწყო. ლიუტერი, რომელსაც სულის ცხონების საკითხი ზედმიწევნით გამოკვლეული ჰქონდა, რასაკვირველია, გულგრილათ ვერ შეხედავდა ასეთი საშუალებით ცოდვების გამოსყიდვას. ამგვარათ ცოდვების პატიება მას ღვთის გმობათ მიიჩნდა. როცა ტეცელი ვიტენბერგის ახლოს გაჩნდა, ლიუტერმა ვერ მოითმინა და თავისი პროტესტი ინდულგენციის შესახებ 95 დებულებაში (თეზისი) გამოსთქვა და ვიტენბერგის ეკლესიის კარებზე გააკრა. ამით ლიუტერი საჯაროთ იწვევდა ყოველ მსურველს ამ საკითხზე მასთან კამათი გაემართა. თეზისებმა დიდი შთაბეჭდილება მოახდინა; ამ საკითხის გარშემო ასტყდა დიდი დავა. ლიუტერმა თანდათან გააღრმავა საკითხი და ბოლოს ისეთი აზრებმ წარმოსთქვა, რომელნიც არსებითად ეწინააღმდეგებოდნენ კათოლიკეთა მოძღვრებას.

ამიტომაც თეზისების გამოქვეყნება რეფორმაციის დასაწყისათ ითვლება. ლიუტერის მოწინააღმდეგეთა შორის თავისი თავგამოდებით შესანიშნავი იყო ღვთისმეტყველების პროფესორი **ეკი**.



1519 წ. ქ. ლიბეციგში ეკმა ლიუტერი საჯარო საკამათობის წვია. აქ ლიუტერმა უარყო მსოფლიო საეკლესიო კრების შეუცდომლობა და განაცხადა, რომ კონსტანტის საეკლესიო კრებამ უკანონოთ გაასამართლა ჰუსი და პაპის უზენაესობა იესო ქრისტეს არ დაუწესებიაო. ამ ორი განცხადებით ლიუტერმა ყოველი კავშირი შესწყვიტა კათოლიკურ ეკლესიასთან. ეკი კი ვაემგზავრა რომში, რომ ბუღას გამოცემა დაეჩქარებია და ლიუტერი ერეტიკათ გამოეცხადებიათ. ამ დროს ლიუტერმა (1520) დასტამბა სამი უმთავრესი თხზულება. პირველში, რომელიც უძღვნა „გერმანულ ქრისტიან თავად-აზნაურობას“, ამტკიცებდა, რომ სამღვდლოებასა და საერო პირთა შორის არ არის გარჩევა, ვინაიდან ყველა ქრისტიანი სულიერათ მოძღვარია. ამის მიხედვით ლიუტერი ამბობდა, რომ საერო მთავრობას შეუძლია ეკლესიის გარდაქმნა და კიდევ შეადგინა რეფორმის ფრცვლი გვემა. მეორე ნაწარმოებში, რომელსაც ეწოდება „ქრისტიანის თავისუფლება“, ის ამტკიცებდა, რომ აღაშინანის ცხოვრებისათვის საჭიროა ქრისტესადმი რწმენა და არა კეთილი საქმეები, ვინაიდან ცხოველი სარწმუნოება ყოველთვის გვაძულებს კეთილმოქმედებასო. მესამე ნაწარმოებში, რომელსაც უწოდა „ეკლესია ბაბილონის ტყვეობაში“, ლიუტერმა კათოლიკეთა ეკლესიაში არსებული 7 საიდუმლოსაგან უარყო 4 და მიიღო 3. ნათვლა, აღსარება და ზიარება, თუმცა შემდეგში აღსარებაც უარყო, როგორც საიდუმლოება; ზიარებაში ლიუტერი უარყოფდა პურისა და ღვინის სისხლად და ხორცად გარდაქმნას. სამივე ნაწარმოებში ლიუტერი ემყარებოდა საღვთო წერილს, როგორც ერთად ერთს ავტორიტეტს სარწმუნოების საკითხში.

ლიუტერის მიერ გამოთქმული აზრები, რომ ყოველი ქრისტიანი იმავე დროს მოძღვარია, სულის საცხოვნებლათ საჭიროა მარტო სარწმუნოება და საღვთო წერილი—ერთად ერთი წყარო სარწმუნოებრივი ქვეყნარტებისა, გარდაიქცა რეფორმაციის მთავარ დებულებათ და მე-XVI საუკუნის რეფორმატორებმაც მიიღეს.



სეიმი ვორმსში (1521 წ.)
და მისი შედეგები. არეუ-
ლობა ვიტენბერგში.

1520 წლის ბოლოს პაპიმ გამოცხადებულა, რომლითაც ლიუტერი, როგორც განდგომილი, ეკლესიიდან განდევნილი იქნებოდა, თუ არ უარყოფდა თავის ცრუ მოძღვრებას. გერმანიაში უმეტეს ნაწილათ პაპის ბუღას თანაგრძნობით არ შეხვდენ. საქსონიის კურფიურსტმა ფრიდრიხ ბრძენმა, ლიუტერის ბატონმა, არ ასრულა ბუღა, რომელიც ავალებდა გაბედული რეფორმატორის დატყვევებას და დასჯას. ლეიპციგში სტუდენტებმა ბუღა ტალახში ამოსვარეს და მერე თვით ლიუტერმა ვიტენბერგში საზოგადოების თვალწინ დასწვა. ლიუტერის მიერ დაწყებულ მოძრაობას ისეთი მძლავრი და ფართო ხასიათი ჰქონდა, რომ მისი დაწყება რევოლუციური საშუალებით არ შეიძლებოდა. ახალგაზრდა იმპერატორმა კარლოს მე-V-მ, რომელიც არჩეულ იქნა 1519 წ. სამეფო ტახტზე, ლიუტერი საიმპერიო სეიმზე მოიწვია ქ. ვორმსში (1521 წ.). სეიმს, როგორც უმაღლეს საიმპერიო დაწესებულებას, სამუდამოთ უნდა გადაეწყვიტა საკითხი ლიუტერის შესახებ. ლიუტერი თვითონ გაემგზავრა ვორმსში მას მერე, როცა იმპერატორისგან პირადი თავისუფლების სიგელი მიიღო. აქ იმპერატორისა და მაღალი თანამდებობის პირთა წინაშე ლიუტერმა თამამად განაცხადა, რომ ის არ უარყოფს თავის მოძღვრებას, სანამ მას საღვთო წერილისა და სხვა საბუთების მიხედვით ნათლათ არ დაუმტკიცებენ მის შეცდომას. ზოგიერთი მთავრები, რომელნიც თანაუგრძნობდენ ლიუტერს, როგორც პაპისა და რომის ბატონობის წინააღმდეგ მებრძოლს, ურჩევდენ ლიუტერს, რომ ოღონდ მას უარეყო დოგმატიური მხარე თავისი მოძღვრებისა და დანარჩენში, როგორც მაგ. პაპის თვითნებობის შეზღუდვა და საეკლესიო დისციპლინის აღდგენა, ისინი ხელს შეუწყობდენ და ყველაფრით დაეხმარებოდენ. ლიუტერი შეუწყველოთ იდგა თავის აზრზე. მაშინ იმპერატორმა ეგრედ წოდებულ „ვორმსის ედიქტში“ ლიუტერი განრისხულათ გამოაცხადა. ამ ედიქტის ძალით ყოველ მოქალაქეს ევალებოდა, დაეჭირა ლიუტერი, სადაც ნახავდა, და კიდევაც მოეკლა. ასეთი უბედურობა რომ რეფორმატორისთვის აეცილებია, კურფიურსტ ფრიდრიხ ბრძენმა ის ჩუმად გააპარა ვატბურგის კოშკში, სადაც ის ცხოვრობდა რაინდ გიორგის სახელწოდებით. აქ ყოფნის დროს ლიუტერი სთარგმნიდა ახალ აღთქმას გერმანულ ენაზე. ამ თარგ-



მანს დიდი მნიშვნელობა ჰქონდა ლიტერატურული ენის შექმნა-განვითარებაში.

ამ დროს ვიტენბერგში დაიწყო არეულობა. ლიუტერის ზოგიერთი მომხრენი კარლშტადტის მეთაურობით მოითხოვდნენ ეკლესიისა და ღვთის მსახურების რეფორმას ახალი მოძღვრების მიხედვით. ისინი აპირებდნენ მესსას მოსპობას, რომელიც აგებული იყო ღვინისა და პურის სისხლათ და ხორცათ გარდაქმნის იდეაზე, წესების შემოკლებას, ხატების გაუქმებას და ზიარების ორი სახით შემოღებას. ასეთმა აზრებმა სტუდენტები და ქალაქის მდაბიო ხალხი ისე აღელვო, რომ ეკლესიები დაარბიეს, დაანგრეს საკურთხევლები და ხატები დაღეწეს—საერთოდ შეურაცყოფა მიაყენეს კათოლიკურ ეკლესიის მთელ გარეგნულ მხარეს. გარდა ამისა, ვიტენბერგში გაჩნდნენ ისეთი მქადაგებელნი, რომელთაც მოციქულებათ მოჰქონდათ თავი და კიდევ მეტად აღელვებდნენ ხალხს. საერთოდ მდგომარეობა საშიში შეიქნა.

ლიუტერმა ამ ამბების გაგებისთანავე დასტოვა კოშკი, მიუხედავად იმისა, რომ მას საფრთხე მოელოდა, და გაეშურა ვიტენბერგში. აქ მისმა მჭერმეტყველურმა სიტყვებმა ერთი კვირის განმავლობაში დააწყნარა აბოობქრებული ხალხი და გადასწყვიტა ზომიერების დაცვა საეკლესიო რეფორმებში. ამით ბევრი მისი მომხრეთაგანი უკმაყოფილონი დარჩნენ. სულ მალე მისმა მოძღვრებამ ისეთი შედეგები იქონია, რომ ლიუტერს მოუხდა მდაბიო ხალხის (გლეხების) წინააღმდეგ გამოსვლა, რომლებიც წინეთ შეყურებდნენ მას, როგორც თავის ვმირსა და მფარველს.

სოციალური ამბოხებანი რაინდთა უკმაყოფილებამ თავი იჩინა 1523 წ. რენის შუა წელზე მდებარე ოლქებში. ერთი წლის წინეთ, სანამ ამბოხებას დაიწყებდნენ უძლიერესმა რაინდთაგანმა ფრანც-ფონ-ზიკინგენმა შეადგინა ქ. ლანდაუში რაინდთა კავშირი, რომელმაც საკუთარი ჯარი გაიჩინა; ჯარის წინამძღოლათ თვითონ ის აიარჩიეს. ზიკინგენი უახლოესი მეგობარი იყო ურლიხ-ფონ-ჰუტენისა, რომლის ნაწერებსაც დიდი გავლენა ჰქონდა რაინდებზე. ამბოხებულმა რაინდებმა ზიკინგენის მეთაურობით გადასწყვიტეს თავს დასცემოდნენ არქივისკოპოზს და ტორის კურფიურსტს, რომელიც გერმანიის მთავრებს შორის შესანიშნავი



იყო. ამბოხებამ მიზანს ვერ მიაღწია. ტირის მთავარების თაგადების დახმარებით დაამარცხა რაინდები და მემამოხენი სსტიკათ დასაჯა. თვით ზაკინგენი ბრძოლაში დაიღუპა. ჟღერის-ფონ-ჰუტენი, რომელიც ამ მოძრაობის სულის ჩამდგმელათ ითვლებოდა, გაიქცა შვეიცარიაში, სადაც იმავე წელს გარდაიცვალა. რაინდთა ამბოხების დამარცხებამ საშუალო გამარჯვება არგუნა მთავრებს.

რაინდების ამბოხება კიდევ არ იყო დაწყებული, რომ გლეხთა მღელვარება დაიწყო, რასაც ლიუტერისა და მისი მიმდევრების ქადაგებებმა ხელი შეუწყო. ლიუტერის აზრი ქრისტიანის თავისუფლებაზე გლეხებმა ისე გაიგეს, თითქოს ისინი თავისუფალი იყვნენ ყოველგვარი გადასახადისაგან და ბატონ-ყმური მოვალეობისაგან. ლიუტერის მიერ გადათარგმნილ ახალ აღთქმაში ისინი კითხულობდნენ ყველა აღამიანების თანასწორობას და ღვთის სამართლიანობას, რომლის მიხედვითაც უნდა მოწყობილიყო აღამიანთა შორის დამოკიდებულება. პირველათ ამბოხება დაიწყო სამხრეთ გერმანიაში და თანდათანობით გავრცელდა გერმანიის შუა ნაწილებში. საერთოდ სამი უმთავრესი კერა იყო გლეხთა ამბოხებისა: შვაბია, ფრანკონია და ტიურინგია.

შვაბიასა და სამხრეთ გერმანიაში ამბოხებას უმთავრესათ ოჯახური ხასიათი ჰქონდა. აქ შეიმუშავეს ამბოხების უმთავრესი ეგრეთ წოდებული „12-მუხლიანი“ პროგრამა. ამ პროგრამის ძალით გლეხები მოითხოვდნენ ბატონყმობის მოსპობას, მინდვრისა, ტყისა და წყლის უსასყიდლოთ სარგებლობის უფლების აღდგენას, ყოველი გადასახადის მარტივათ განსაზღვრას და შემცირებას, სასჯელის შემსუბუქებას, მოძღვრის ამორჩევის უფლებას და სხვა. გლეხები თავის მოთხოვნილებას ასაბუთებდნენ საღვთო წერილით და ღვთაებრივი სამართლიანობით. ყველა ეს მუხლები მიიღო შვაბელ გლეხთა წარმომადგენლების კრებამ და მალე გავრცელდა იმოლქებშიც, სადაც მოძრაობის ალი გადავიდა.

ფრანკონიაში ამბოხებამ პოლიტიკური ხასიათი მიიღო. აქ „12-მუხლიანი“ პროგრამასთან ერთად საერთოდ იმპერიის გარდაქმნის გეგმაც შეიმუშავეს. აპრობდნენ მთელ იმპერიაში შემოეღოთ: ერთნაირი სასამართლო, ზომისა და წონის ნიშნები და საერთო სახელმწიფოებრივი გადასახადი ნაცვლოთ არსებული სხვადასხვაგვარი გადასახადისა.



საქართველოს
ხალხთა
წიგნების
სამართლები

ყველაზე უფრო მკაცრი ზასიათი გლენთა აჯანყებას ტყუობის
ჰქონდა. ამბოხებას აქ მეთაურობდა მღვდელი თომა მიუნცერი, რომელიც თავის თავს მოციქულათ სთვლიდა და ამბობდა, რომ მას თვით ღმერთმა ამცნო ყველა ჰემშარიტება და მოქმედების გეგმა. მიუნცერი ამადღვებელი გრძელი სიტყვებით მოუწოდებდა თავის მიმდევრებს, რომ მათ ბტრები გავუღიტიათ და ღვთისაგან არჩეულთა სამეფო დაეარსებიათ.


გლენებმა დასწვეს და დააქციეს მრავალი კოშკი და მონასტერი, თუმცა მკვლელობას მხოლოდ იშვიათ შემთხვევაში ჩაიდენდენ ხოლმე.

ამბოხებითა შეწუხებულმა ლიუტერმა პირველათ თხოვნით მიმართა თავადებსა და გლენებსა. როდესაც გლენებმა არ გაუგონეს მას, მაშინ ლიუტერმა დასწერა ბატარა წიგნაკი, რომელშიც მოუწოდებდა თავადებსა და ბატონებს, რომ მეამბოხე გლენები გაეწყვიტათ, როგორც ბრაზიანი ძაღლები. როცა პირველმა საფრთხემ განვლო და თავადები გონს მოვიდნენ, ლიუტერის რჩევა საესებით შეასრულეს. მათ დახოცეს 10000-დე გლენი და ამბოხება სისხლის ღვრით ჩააქრეს. ამის შემდეგ გლენთა მღგობარეობა კიდევ უფრო გაუარესდა, მხოლოდ ზოგიერთ ადგილას სამხრეთ გერმანიაში გლენებმა შესძლეს თავის მოთხოვნილებათა ნაწილის დაკმაყოფილება.

საერთო ამბოხებით აღშფოთებული და შეწუხებული ლიუტერი სასოწარკვეთილებაში ჩავარდა, ხალხის საშუალებით რეფორმების ცხოვრებაში გატარების იმედი დაჰკარგა და ამიტომ თავისი განზრახვა მთავრების ინტერესს შეუფარდა. ახლად მოწყობილი ეკლესია დაუქვემდებარა მთავრებს, რომელნიც სინარულით ემზრობოდნენ რეფორმაციას, რადგან კათოლიკეთა ეკლესიის ჩამორთმეული მამულებით ძლიერ სარგებლობდნენ.

რეფორმაცია
და
იმპერია.

ჰორმის სეიმის გათავებისთანავე კარლოს მე-V-ს მოუხდა წასვლა ომში ფრანცისკ I-ის წინააღმდეგ. პოლიტიკური ვითარების გართულებამ იმპერატორი აიძულა, რომ 10 წლის განმავლობაში სამშობლის (გერმანიის) გარეთ ყოფილიყო, ამიტომაც მას საშუალება არ ჰქონდა რეფორმაციის წინააღმდეგ ზომები მიეღო. ამ ხნის განმავლობაში მოწვეულ სემებზე კათოლიკეთა



უმრავლესობა ვერ ბედავდა ლიუტერის მომხრეების წინააღმდეგ. ამგვარად, ვინაიდან გზინოდათ ისეთაც აღელვებული ხალხისა და მონასტრის ნელი ამბოხებისა, რაც კიდევ მოხდა 1525 წელს. მხოლოდ 1529 წ. შპეიერის სეიმზე კათოლიკე მთავრებმა, რომელთაც ხელმძღვანელობდა კარლოს მე-V-ის ძმა მეფე ფერდინანდი, დაადგინეს, რეფორმაციის გავრცელება შეჩერებულიყო და რეფორმის მომხრე მთავრებს თავის მაშულში ძველი ღვთისმსახურება დაეცვათ, თანაც ეპისკოპოზის უფლებები აღედგინათ. ამ დადგენილებამ რამოდენიმეთ შეამსუბუქა ვორმის ედიქტი, მაგრამ რეფორმაციის მომხრეთათვის ის მაინც მიუღებელი იყო: ამიტომაც 5-მა მთავარმა 14-მა ქალაქმა პროტესტი განაცხადეს და უარყვეს მისი შესრულება. ამ დღიდან რეფორმაციის მომხრეთ ეწოდათ პროტესტანტები და თვით რეფორმისათვის დაწყებულ მოძრაობას — პროტესტანტიზმი.

ერთი წლის შემდეგ (1503 წ.) აუგსბურგში სეიმი შეიკრიბა. ამ კრებას თვით იმპერატორიც დაესწრო. პროტესტანტებმა წარუდგინეს მას თავისი საჩუმუნოების არსებითი აღწერა, რომელიც შეადგინა ლიუტერის მეგობარმა მელანხტონმა. აუგსბურგის აღსარებაში მელანხტონი შეეცადა პროტესტანტიზმის და კათოლიციზმის ძირითადი განსხვავებების შემსუბუქებას, მაგრამ ამოდ: იმპერატორმა უარყო ის და მოსთხოვა პროტესტანტებს მსოფლიო საეკლესიო კრების მოწვევამდე ყოველგვარი რეფორმისათვის თავი დაენებებიათ. პროტესტანტების მთავრებმა და მათთან ერთად ქალაქების ვეზირებმა უარი განაცხადეს ასეთ წინადადებაზე და სხდომის დასრულებაც არ აცადეს, ისე მიატოვეს სეიმი. შემდეგ, როცა გამოირკვა, იმპერატორი პროტესტანტების საწინააღმდეგოთ ძალას მიმართავს, პროტესტანტებმა ურთიერთ დასაცავათ 1530 წ. ქალაქ შმალკალდენში კავშირი დააარსეს. ამ კავშირში უმთავრესი მომქმედი პირები იყვნენ საქსონიის კურფიურსტი იოანე ფრიდრიხი და ჰენის ლანდგრაფი ფილიპე.

თურქების თავდაცვებამ, რომლებმაც 1529 წ. უშედგოთ ალყა შემოარტყეს ვენას და ახალმა უთანხმოებამ ფრანცისკ პირველთან, რამაც მესამეთ გამოიწვია ომი მათ შორის, აძულა იმპერატორი, დროებით შეეჩერებია პროტესტანტების საწინააღმდეგო მოქმედება და, თუ



მოახერხებდა, მათ კიდევ დაახლოვებოდა; მართლაც 1532 წ. ნათურაში რგში შეურთვდა მათ და აღუთქვა სრული ხელშეუხებლობა მსოფლიო საეკლესიო კრების მოწვევამდი. შემდეგ, როცა ფრანცისკთან ომები გაათავა (1544 წ.), კარლოსს საშუალება მიეცა მთელი თავისი ყურადღება სარწმუნოებრივ მოძრაობისთვის მიექცია და საკმაოდ მომწიფებული სარწმუნოებრივი საკითხი გერმანიაში საბოლოოთაც გადაეწყვიტა. 1546 წ. კარლოსმა სამხედრო მოქმედებაც დაიწყო შმალკალდენის კავშირის წინააღმდეგ. იმპერატორს დიდ დახმარებას უწევდა პროტესტანტების მოღალატე საქსონიის ჰერცოგი მორიცი. ომი დასრულდა პროტესტანტების დამარცხებით და ორი უმთავრესი წინამძღოლის — ჰესენ ლანდგრაფის ფილიპესა და კურფიურსტ იოანე ფრიდრიხის დატყვევებით. სულ მალე მორიცსა და იმპერატორს შორის უკმაყოფილება ჩამოვარდა. მორიცს და სხვა მთავრებს არ მოსწონდათ იმპერატორის მედიდური მოქცევა და ეწინააღმდეგებოდნენ, რომ ის მათ დამოუკიდებლობას ბოლოს მოუღებდა. მორიცმა შეთქმულობა მოაწყო, საფრანგეთის მეფეს საიდუმლოთ შეუკავშირდა და კარლოსს მეხუთეს უეცრათ თავს დაეცა. იმპერატორი იტალიაში გაიქცა, რომ მტერს ხელში ტყვეთარჩავარდნოდა. ამის გამო ატეხილი ომი დასრულდა 1555 წ. აუგსბურგის ზავით. ამ ზავის პირობები საერო მთავრებს სარწმუნოების საკითხში სრულ უფლებას ანიჭებდა (*cujus regio, ejus religio*). მათ შეეძლოთ თავის. სამთავროდან განდევნა ყველასი, ვინც მთავრის სარწმუნოებას არ მიიღებდა; გამონაკლისს შეადგენდნენ მხოლოდ სასულიერო მთავრები. ამათ შესახებ დადგენილი იყო, თუ სასულიერო მთავარი პროტესტანტების სარწმუნოებას მიიღებდა, ის კარგავდა თავის ღირსებასაც და სამთავროსაც (*Reservatum ecclesiasticum*).

მართვა-გამგეობით მოქანცულმა და ომებში დამარცხებით გულგატეხილმა კარლოსს მეხუთემ უარი განაცხადა სამეფო ტახტზე, ავსტრიის მიწები და სამეფო გვირგვინი თავის ძმას ფერდინანდს გადასცა, ხოლო ისპანია მისი ახალშენებით, იტალიის მიწები და ნიდერლანდი თავის შვილს ფილიპე მეორეს დაუტოვა.

მე ს ა მ ე თ ა შ ი .



რეფორმაცია შვეიცარიაში. კალვინიზმი. რეფორმაცია ინგლისში

უღრის შტორის ცვინგლი შეძლებული გლეხის შვილი იყო. ცვინგლი მამა მის იმდენი ქონება და შეძლება ჰქონდა, რომ შვილს (1484—1531) საუკეთესო განათლება მისცა. ახალგაზდა ცვინგლი პირველათ ბერნისა და ბაზელის სკოლებში სწავლობდა: შემდეგ მეცნიერების შესასწავლათ ვენისა და ბაზელის უნივერსიტეტებში. აქ მან ზედმიწევნით შეისწავლა ძველი ენები და კლასიკური ლიტერატურა. ცვინგლი ნამდვილი ჰუმანისტი იყო და თანაც გატაცებული თაყვანისმცემელი ერანზმ როტერდამელისა. ცვინგლი, როგორც ერანზმი, დარწმუნებული იყო, რომ მხოლოდ მეცნიერული მუშაობით შეიძლებოდა სარწმუნოების უმთავრესი წყაროების — დაბადებისა და წმ. მამათა მოძღვრების შესწავლა, სისწორით გაგება და შეთვისება. ამ წყაროების შესწავლას მან დიდი შრომა შესწირა უნივერსიტეტშიაც და შემდეგ მღვდლის თანამდებობაში მოღვაწეობის დროსაც. ამ მუშაობამ ცვინგლი ღრმად დაარწმუნა, რომ საღვთო წერილის შინაარსი და გამეფებული ეკლესიის მიმართულება ერთმანეთს არ ეთანხმებოდა. 1518 წ. ცვინგლმა მიიღო მღვდლის ადგილი ქ. ციურხში. აქ მან გამოიჩინა მრავალმხრივი და ენერგიული მოღვაწეობა და 1523—25 წლებში კიდევ გაატარა ეკლესიის რეფორმა, რაშიაც მას ძლიერ ამხნევებდა გერმანიაში ლიუტერის გამარჯვება. ცვინგლის მოძღვრება ძლიერ უახლოვდებოდა ლიუტერისას. მისი უმთავრესი დებულებაც ასეთი იყო, რომ ადამიანის ცხონებისთვის საჭიროა მარტო სარწმუნოება, სასულიერო და საერო პირთა შორის სარწმუნოებრივი განსხვავება არ არსებობს და დაბადება (ბიბლია) არის ერთად ერთი წყარო სარწმუნოებრივი ქეშმარიტებისა. მიუხედავად ამისა ამ ორ რეფორმატორს შორის დიდი განსხვავებაც იყო. ცვინგლი იქამდე მივიდა, რომ კათოლიკურ ეკლესიას სავსებით ჩამოშორდა არა მისთვის, რომ ლიუტერით ადამიანის პირადი ცხონების საკითხი აინტერესებდა, არამედ მისთვის, რომ საღვთო წერილსა და არსებულ ეკლესიას შორის დიდი განსხვავება იყო. ლიუტერი ეკლესიას თანდათან ჩამოშორდა, ასე რომ ყოველი ნაბიჯი მისი ღრმა და მწვავე ბრძოლის შედეგი იყო. ცვინგლი კი ეკლესიას ჩამოშორდა უცებ და გაბედულათ. ამის გამო ლიუტერმა ბევრი



რამ კათოლიკური ეკლესიის წყობილებისა, რაც საღვთო წინააღმდეგობაა არ ეწინააღმდეგებოდა, ძალაში დასტოვა. ცვინგლი კი მარტო იმ წესებს სცნობდა, რომელთა დამტკიცებაც პირდაპირ საღვთო წერილით შეიძლებოდა. ამის მიხედვით ცვინგლმა უარჰყო ეკლესიაში სურათები, ხატები, საკურთხეველი, ორღანო და მთელი წირვის წესი. საიდუმლოების საკითხშიაც ცვინგლი უფრო გაბედულათ მოიქცა, ვიდრე ლიუტერი, თუმცა ლიუტერიც უარჰყოფდა პურისა და ღვინის ქრისტეს სისხლად და ხორცათ შეცვლას, მაგრამ მას სწამდა, რომ უხილავად ქრისტეს ხორცი და სისხლი პურსა და ღვინოში იყო. ეგზარქიათა, ცვინგლის აზრით, იყო მორწმუნეთაგან შემოდებული წესი საიდუმლო სერობის მოსაგონებლად. პური და ღვინო მას მიაჩნდა ქრისტეს სისხლისა და ხორცის სიმბოლოდ.

ცვინგლის უფრო მეტად, ვიდრე ლიუტერს, იზიდავდა სახელმწიფო და საზოგადოებრივი საკითხები. ჯერ კიდევ ციურხში, სანამ სამსახურს დაიწყებდა, ცვინგლი შვეიცარიელ დაქირავებულ ჯართან ერთად მონაწილეობას იღებდა იტალიელების ომებში და იქ პირადად დარწმუნდა, რომ დაქირავებული ჯარი დიდად საზარალო იყო სამშობლოსთვის. ამ ჩვეულების წინააღმდეგ მან საშინელი ბრძოლა დაიწყო და კიდევ მოასობია ციურხში ეს ჩვეულება. ცვინგლის პოლიტიკური მიზანი და გეგმა შვეიცარიის საზღვრებს სცილდებოდა. ის ფიქრობდა, რომ კათოლიკებთან ბრძოლაში ყველანი, ვინც მომხრე იყო საეკლესიო რეფორმების გერმანიასა და შვეიცარიაში, უნდა გაერთიანებულიყვნენ. ცვინგლის აზრი საერთო კავშირის შესახებ ძლიერ მოეწონა ლანდგრაფ ფილიპე ჰესენელს. ამ აზრის განსახორციელებლად მან 1529 წ. ქ. მარბურგში ერთად ინახულა ლიუტერი და ცვინგლი. მათი შეთანხმება არ მოხდა; ლიუტერმა უარჰყო ცვინგლის მიერ წამოყენებული დებულებანი კავშირის განსახორციელების შესახებ იმიტომ, რომ მან არ მიიღო ლიუტერის მოძღვრება ზიარების შესახებ.

ციურხიდან რეფორმაცია მალე სხვა ქალაქებშიაც გავრცელდა. უმთავრესად მას ემხრობოდა საშუალო და დაბალი წოდების ხალხი, მდიდრები და ხშირად მტრული თვალით უყურებდნენ. იქ, სადაც რეფორმაცია იმარჯვებდა, დაქირავებული ჯარის კაცად გავსულა აკრძალული იყო.



და სამონასტრო და საეკლესიო მამულების სეკულიარიზაცია ცხელია და განსაკუთრებული მნიშვნელობა ჰქონდა იმ გარემოებას, რომ 1528 წელს ქ. ბერნი მიემხრო რეფორმაციას. ყველგან ქალაქებში რეფორმაცია ქალაქის საბჭოების სახელით ვრცელდებოდა ციურხის წესების მიხედვით.

ჯარისკაცად დაქირავების აკრძალვამ და ეკლესიაში მომხდარმა დიდმა ცვლილებებმა აამხედრა ეგრედწოდებული ტყის კანტონები. კანტონებში მცხოვრებნი ყოველთვის დიდ მონაწილეობას იღებდნენ ომებში და იყვნენ ხოლმე დაქირავებულ ჯარის კაცებად სხვადასხვა სახელმწიფოში. ეს მათ დიდ სარგებლობას აძლევდა და ამაზე უარის თქმა მათთვის ძლიერ საზარალო იყო. შეტაკება აუცილებელი შეიქნა. პირველი ომი ციურხის გამარჯვებით ვათავდა, მაგრამ მეორე კი — კაპელასთან მისი დამარცხებით. აქ ცვინგლიც დაიღუპა. 1531 წ. ზავის პირობების ძალით რეფორმაციის მომხრეებს ბევრი რამ უნდა დაეთმოთ და მრავალადგილას კათოლიკური წესების აღდგენის ნებაც უნდა დაერთოთ. ცვინგლის სიკვდილს შემდეგ მისი დაწყებული საქმე რამდენიმედ შეფერხდა, მაგრამ მას ღირსეული მემკვიდრე გამოუჩნდა. ეს იყო ფრანგი კალვინი.

იოანე კალვინი
(1509—1564)

იოანე კალვინი პიკარდიის ქ. ნუაიონში დაიბადა. განათლება მიიღო პარიზში და ორლენისა და ბურჟის უნივერსიტეტებში. კალვინი ცვინგლივით ჰუმანიური მოძრაობით იყო გატაცებული და ძალიან მალლა აყენებდა ერაზმ როტერდამელს. ის ოცნებობდა კაბინეტურ ცხოვრებაზე, მაგრამ დაბადების კარგათ შესწავლამ და ლიუტერის ნაწერების დაახლოებით გაცნობამ, მას აღუძრა ახალი რელიგიური საკითხები, რამაც თანდათან ჩამოაშორა კათოლიკურ ეკლესიას. 1534 წ. ბოლოს ის იძულებული შეიქნა, რომ საფრანგეთი დაეტოვებია და ბაზელს გაქცეულიყო. აქ 1536 წ. მან გამოსცა თავისი საყურადღებო თხზულება სახელწოდებით: „ღარიგება ქრისტიანულ სარწმუნოებაზე“, რომელშიაც პროტესტანტურ მოძღვრებას მთლიანი და ლოდიკური სახე მისცა, თანაც აშკარათ წამოაყენა ბედისწერის იდეა. მისი შეხედულებით, ღმერთს წინასწარ გადაწყვეტილი აქვს ზოგიერთი ადამიანის საუკუნო ცხოვნება და ზოგიერთის წაწყმედა. ადამიანი სუსტი არსებაა და



ქართული ენის ინსტიტუტი

არ შეუძლია თავისი ძალღონით ცხონებაზე იზრუნოს, მხოლოდ ღმერთის
ვალდებულება იფიქროს, ვითომ მასაც შეუძლია ცხონდეს და ამიტომ ცხოვ-
რებაში შეძლებისამებრ ღვთის კანონები უნდა ასრულოს. აქედან კალ-
ვინი იტალიას გაემგზავრა; იქ აპირებდა დარჩენას; მაგრამ მალე მოუხ-
და უკან დაბრუნება და გადასწყვიტა საბოლოოდ ბაზელში ან სტრას-
ბურგში დასახლებულიყო. მგზავრობის დროს ჟენევაში შეჩერდა და მისი
მეგობრის **ფარელის** რჩევით იქ დარჩა. ჟენევა თავისუფალი ქალაქი იყო,
მაგრამ მისი თავისუფლების მოსპობას ცდილობდნენ სავოიის ჰერცოგი და
ადგილობრივი ეპისკოპოსი. ჟენევამ ბერნის დახმარებით აჯობა მტრებს
და სრული დამოუკიდებლობა მიიღო. აი სწორეთ ამ დროს ქალაქში რე-
ფორმაცია შეიქრა და გაიმარჯვა ძველი ეკლესიის მომხრეებზე, თუმცა
კალვინისა და ფორელის სიმკაცრემ და შეუწყნარებელმა მოქმედებამ მა-
ღალი და შეძლებული წრეები ძლიერ დააშინა. ჟენევა მდებარეობდა რო-
ნის დაბლობის დასაწყისში, სადაც ძლიერ მნიშვნელოვანი სავაჭრო გზე-
ბი გადიოდა, რაც ქალაქს ძლიერ ამდიდრებდა და თანაც ცოცხალ სახეს
აძლევდა. კალვინი და ფორელი კი სასტიკათ კიცხავდნენ ყოველგვარ საე-
რო გასართობს. შეტაკება აუცილებელი იყო და კიდევ მოხდა, რის შემ-
დეგაც ორივე მოქადაგე ქალაქიდან განდევნეს, თუმცა, სამი წლის შემ-
დეგ 1541 წ., კალვინი ისევ გაბრუნდა ჟენევაში, სადაც იცხოვრა სიკვ-
დილამდი (1564 წ.). საფრანგეთიდან გამოდევნილმა დიდძალმა პროტეს-
ტანტებმა კალვინთან შეაფარეს თავი; მათი შემწეობით კალვინმა დაა-
მარცხა თავისი მოწინააღმდეგენი. ბრძოლაში კალვინი ყოველგვარ საშუა-
ლებას ხმარობდა; ცილისწამებასა და ყალბ საბუთებსაც მიმართავდა ხოლ-
მე, ოღონდ მოწინააღმდეგე დაემარცხებია. კალვინის მტრებმა ძლიერ
შეირცხვინეს თავი, როცა მხარი დაუჭირეს ისპანელ სწავლულს **მინგილ**
სერვეტს, რომელიც უარყოფდა საეკლესიო სწავლას წმ. სამებაზე. სერ-
ვეტი გავლით ჟენევაში გაჩერდა. კალვინის დაყინებით ის დაიჭირეს, მის-
ცეს სამართალში და მიუსაჯეს დაწვა. სერვეტის წამებამ დაარწმუნა ყვე-
ლა, რომ კალვინი განდგომილების მოსპობას ფიქრობდა. ორი წლის გან-
მავლობაში ბევრი ამგვარათ დაიღუპა და ბევრიც იძულებული გახდა გაქ-
ცეულიყო. მოწინააღმდეგე პარტიის დამარცხების შემდეგ კალვინს თავი-
სუფლათ შეეძლო თავისი გეგმისა და აზრების სისრულეში მოყვანა.



კალვინისტური ეკლესიის მოწყობა ქენევაში და კალვინიზმის გავრცელება.

ის სიმკაცრე და შეუბრალებლობა, რომელიც კალვინმა გამოიჩინა ქენეველ მტრებთან ბრძოლაში, სწორეთ დამახასიათებელია მის მიერ ქენევაში მოწყობილ საეკლესიო წყობილებისა. ეს საეკლესიო

ორგანიზაცია ემყარებოდა განსაკუთრებულ დაწესებულებას, რომლის დანიშნულებაც იყო ზედამხედველობა მოქალაქეთა ზნეობა-ყოფა-ქცევაზე და საერთოდ საეკლესიო დისციპლინაზე. ამ დაწესებულებას „კონსისტორია“ ეწოდებოდა. კონსისტორიას შეადგენდა 12 უზუცესი ქალაქის საბჭოს მიერ არჩეული და ნპასტორი. კონსისტორია თვალყურს ადევნებდა მოქალაქეთა ცხოვრებას. რომელიმე უზუცესთაგანი განაგებდა ქალაქის ამა თუ იმ ნაწილს, აქ მცხოვრებთ ან პირადათ თვითონ უშვრებოდა კონტროლს ან დამქაშების შემწეობით. თუ ვინიცობა იქნებოდა შემთხვევა ზნეობრივი, რელიგიური ან და საეკლესიო წესის დარღვევისა, მაშინ უზუცესი კონსისტორიას მოახსენებდა, რომელიც დამნაშავეს შესაფერ მსჯავრს დასდებდა. განსაკუთრებულ შემთხვევებში კონსისტორია დამნაშავეს გადასცემდა გასასამართლებლათ ქალაქის საბჭოს, რომელიც ან ციხეში ჩასვამდა, ან სამშობლოდან განდევნდდა, ან სიკვდილით დასჯიდა. ამგვარათ კონსისტორიის კონტროლით მოქალაქენი ხელ-ფეხშეკრული იყვნენ. უმნიშვნელო დანაშაულისთვის, როგორც იყო, მაგალითად: დაუკვირვებელი უკმეხი სიტყვა, ლოცვაზე დაგვიანება და ოჯახში რაიმე უკმაყოფილება, — ადამიანი სასტიკათ ისჯებოდა. კონსისტორიის სიმკაცრეს მრავალი საჯაროთ მომხდარი მაგალითები ამტკიცებდა.

კალვინის მიერ შემუშავებულ სარწმუნოებას უნდა დამორჩილებოდა ყველა. ვინც ცოტათი გადაცდებოდა, მძიმეთ ისჯებოდა. არა თუ კათოლიციზმი იყო აკრძალული, არამედ სასტიკი სასჯელი მოელოდა მათ, ვინც კათოლიკებთან რაიმე დამოკიდებულებას იქონიებდა. კათოლიკური მესა (წირვა) ზ კათოლიკური ცერემონიები კერპთაყვანისმცემლობათ და ღვთის გმობათ ითვლებოდა. კალვინის მიერ შემოღებული ღვთისმსახურება ძლიერ მარტივი იყო და შესდგებოდა სამი ნაწილისაგან: საერთო განდობისა, (აღსარება), ფსალმუნების გალობისა და ქადაგებებისაგან. საიდუმლო იყო მიღებული ორი: ზიარება ზ ნათვლა. კათოლიკური კულტის სიმდიდრე და სიმშვენიერე შეუბრალებლათ იყო განდევნილი.




კალვინის ეკლესიამ შემდეგში რეფორმატული ეკლესიის სახელწოდება მიიღო.

თუმცა კალვინს ქენევაში ოფიციალურათ პასტორისა და ღვთისმეტყველების პროფესორის თანამდებობა ეჭირა, მაგრამ ფაქტიურად ის მთელი ქალაქის ბატონ-პატრონი იყო. დიდი საკითხების გასარჩევათ ქალაქის საბჭო ყოველთვის კალვინს მიმართავდა და მისი აზრით ხელმძღვანელობდა. კალვინი ფართო მიწერ-მოწერას აწარმოებდა ყველა ქვეყნებთან, ეწეოდა კათოლიკურ სახელმწიფოთაგან ღვეწულ პროტესტანტებს, უგზავნიდა მათ მქადაგებლებს, ლტოლვილებს მფარველობდა და ინახავდა. მისი ხელმძღვანელობით ქენევა თითქმის პროტესტანტების რომად გადაიქცა. მართლაც არაჩვეულებრივი სიმკაცრე ქენევის ცხოვრებაში მოგვაგონებდა კათოლიკურ ასკეტიზმს და უსაზღვრო ბატონობა პასტორებისა და კონსისტორიის საშუალო საუკუნეთა თეოკრატისა. კალვინის მოძღვრება ქენევაში ბედისწერაზე ზნეობას იცავდა. კალვინი ზ მისი მიმდევრები თავს ღვთის შვილებათ სთვლიდენ ზ დარწმუნებული იყვნენ, რომ ღვთისაგან იგინი წინასწარ არჩეულნი იყვნენ საცხოვრებლათ. ეს რწმენა მათში იწვევდა არაჩვეულებრივ ზნეობის სიმტკიცეს და აღფრთოვანებას, რომლის შემწეობითაც ისინი მზათ იყვნენ აეტანათ ყოველი სატანჯველი, თუნდა სიკვდილიც. მათმა გმირულმა თავგანწირულებამ დიდათ შეუწყო ხელი კალვინიზმის გავრცელებას.

კალვინიზმი ყველაზე უმაღ საფრანგეთში გავრცელდა. აქ ახალ მოძღვრებას მიემხრენ მაღალი წრის წარმომადგენლები, მათ შორის მეფის ოჯახის ახლო ნათესავები. კალვინის ეკლესია დამკვიდრდა საფრანგეთში ფრანკისკ I-ს მემკვიდრის ჰენრიხ მეორის დროს, მიუხედავათ საშინელი ღვენისა.

დაახლოებით მე-XVI-ე საუკ. შუა ხანებში კალვინიზმი ნიდერლანდში გავრცელდა და სხვა რეფორმაციული მიმდინარეობანი დაჰრდილა.

ამავე დროს გავრცელდა კალვინიზმი პოლონეთსა და შოტლანდიაშიაც. მეთაური შოტლანდიელი კალვინისტებისა იყო **დჯონ ნოვსი**. შოტლანდიაში კალვინიზმმა განსაკუთრებით მკაცრი სახე მიიღო, ვინაიდან უარყოფით უყურებდენ ყოველსავე ქვეყნიურ ბედნიერებასა ზ ნეტარებას. ამათ ეწოდებოდათ **პურიტანები**.



კალენინის მოძღვრებამ ინგლისშიც იქონია გავლენა. ინგლისში კალენინიზმი შეზღდა თავისებურ რეფორმაციულ მოძრაობას, რომელიც კალენინიზმთან და ლიუტერანულთან ერთად ჰქმნიდა რეფორმაციული მოძრაობის მესამე ფორმას.

რეფორმაცია ინგლისში. ინგლისის საეკლესიო მოძრაობაში განსაკუთრებული ანგლიკანური ეკლესია. რებუელი ადგილი ეჭირა.

საშუალო საუკუნოებში ინგლისის მეფეებმა პარლამენტის დახმარებით ინგლისის ეკლესიაზე პაპის გავლენის შეზღუდვა შესძლეს. მიუხედავად იმისა, რომ პაპი ითვლებოდა ბრიტანეთის ეკლესიის თავად, ეკლესიის ბედის გადამწყვეტი ინგლისში მეფე იყო. ეგრედწოდებული თეთრი და მოწითალო ვარდთა ომების დასრულების შემდეგ მეფის უფლება ისე გაძლიერდა, რომ ახალი დინასტიის ტიტულოების დროს, რომელი გვარდიანაც პირველად ჰენრიმ მე-VII-ე გამეფდა, მეფე თითქმის დიდ ანგარიშს პარლამენტს აღარც კი უწევდა.

თუმცა ინგლისის ეკლესია მეფისაგან უფრო დამოკიდებული იყო, ვიდრე პაპისაგან, მაგრამ ხალხში კიდევ დარჩენილი იყო ინგლისის დიდი რეფორმატორის ვიკლიფის იდეები. ეს იდეები არსებობდა ეგრედწოდებულ „ქრისტიანთა სამო“-ში და ერთი შთამომავლობიდან მეორეზე წერილობით თუ ზეპირათ გადადიოდა და ავრცელებდა რომის ეკლესიისადმი სიძულვილს.

ამგვარათ ინგლისსა და რომს შორის განხეთქილების ნიადაგი თითქმის მომზადებული იყო. ეს განხეთქილება კიდევ მოხდა ჰენრიმ მე-VIII-ს დროს, რომელიც ჰენრიმ მე-VII-ის შვილი იყო. ჰენრიმ მე-VIII-ე პირველათ ქეშმარიტი კათოლიკე იყო. როცა ლიუტერის თხზულება „ეკლესია ბაბილონის ტყვეობაში“ დაიბეჭდა, იმის საპასუხოდ ჰენრინმა კათოლიკობა დაიცვა წერილობით, რისთვისაც პაპიმ მას საპატო სახელათ „სარწმუნოების დამცველი“ უწოდა. მეფესა და პაპს შორის განხეთქილების მიზეზი იყო ის, რომ ჰენრიმ მე-VIII-ეს სურდა თავისი პირველი ცოლის ეკატერინე არაგონელის განშორება და ერთისეფქალის ანა ბოლდინის შერთვა. პაპიმ განქორწინების ნება არ მისცა. მაშინ ჰენრიმ მე-VIII-ემ აიძულა ინგლისის სამღვდელთა, რომ მეფის



კოლთან განშორებაც კანონიერ განქორწინებათ ეცნოთ და **1534 წ.** თავად პაპის მაგიერ ინგლისის მეფე გამოეცხადებიათ. მენტმა სამღვდლოების დადგენილება დაადასტურა განსაკუთრებული კანონით, რომელსაც უწოდა „აქტი მეფის უმაღლესობაზე“.

ამის შემდეგ მეფემ დაუწყო დევნა და წამება როგორც პაპის მომხრეებს, ისე პროტესტანტებს. წამებულთა შორის იყო ტომას მორი, რომელსაც კანცლერის ადგილი ეჭირა და არ უნდოდა, რომ ეკლესია მეფის თვითნებობას დამორჩილებოდა. მორი ცნობილი იყო როგორც მწერალი და თანაც თავისი სპეტაკი ცხოვრებით და მაღალი ზნეობით ფართო საზოგადოებაში პატივისცემა ჰქონდა დამსახურებული. ტომას მორმა განსაკუთრებით სახელი მოიხვეჭა თავისი თხზულებით, რომელსაც „უტოპია“ ეწოდება. „უტოპიაში“ ავტორმა ვაჭკიცხა ინგლისის სახელმწიფოებრივი წესწყობილება და უარყოფითი მხარეები თანამედროვე საზოგადო ცხოვრებისა, თანაც დახატა სურათი იდეალურათ მოწყობილი სახელმწიფოსი, სადაც არ არსებობდა არც წოდებრივი ბატონობა, არც მმართველთა თვითნებობა და არც კერძო საკუთრების ნიადაგზე აღმოცენებული უთანხმოება მდიდარსა და ღარიბს შორის. ამ იდეალურ სახელმწიფოში კერძო საკუთრება არ არსებობდა.

მორის შემდეგ კანცლერის თანამდებობა ტომას კრომველმა დაიკავა, რომელსაც „ბერების უროს“ უწოდებდნენ. კრომველმა აიძულა მეფე, რომ ყველა მონასტრები და რელიგიური საძმოები გაეუქმებია. მათი დიდძალი მიწები და სიმდიდრე ხაზინაში გადავიდა. დიდი ნაწილი ჩამორთმეული მიწებისა მეფემ თავის მახლობლებს დაურიგა და ამგვარად გაჩნდა მემამულეთა ახალი არისტოკრატია ნაცვლად ძველისა, რომელიც ეგრედწოდებულ მოწითალო და თეთრ ვარდთა ომების დროს დაიღუპა.

საერთოდ ჰენრიხ მე-VIII-ს რეფორმაცია ინგლისში გამოიხატა პაპის უფლებისა და მონასტრების გაუქმებაში. სხვა მხრივ კათოლიკური სარწმუნოება ინგლისში არ შეცვლილა. შემდეგი ნაბიჯი გადაიდგა მისი შვილის ედუარდ მე-VI-ს მეფობაში კენტერბერის მთავარ ეპისკოპოსის კრანმერის ხელმძღვანელობით, რომელიც დიდად დაახლოვებული იყო გერმანელ რეფორმატორებთან.



ელუარდის დროს ინგლისის ეკლესიამ მიიღო ის ფორმა, რომელიც საერთოდ მას დღესაც აქვს. ეს ფორმა საშუალოა ერთი მხრით კათოლიკურსა და მეორე მხრით ლიუტერანულსა და კალვინისტურ შორის. კათოლიკური ეკლესიიდან ინგლისურმა გადაიღო სწავლა, რომ მოციქულებიდან შეუწყვეტლად მომდინარეობს მადლი ღვთისა, ეპისკოპოზის ხარისხის აუცილებლობა, ზოგიერთი წესი და ცერემონიები. დანარჩენში როგორც მოძღვრებაში, ისე ღვთისმსახურებაში, ინგლისური ეკლესია, რომელსაც ეწოდება ანგლიკანური ანუ ეპისკოპალური, უახლოვდება პროტესტანტიზმს. წირვა ლოცვის წესი ნაჩვენები იყო ეგრედწოდებულ „საერთო ლოცვანში“, მოძღვრება კი გამოთქმული იყო 42 მუხლში.

ელუარდ მე-VI-ს მეფობის დროს ინგლისში ძლიერ გავრცელდა კალვინიზმი, რომლის გავლენასაც ვერ ასცდენ კრანმერი და მისი თანამშრომელი. კალვინისტურ ეკლესიას ინგლისში და შოტლანდიაში პრესვიტერიანული ეწოდებოდა, რადგან ეკლესიას მეთაურობდა პრესვიტერი ანუ უხუცესი, რომელსაც შემოღებული წესით თემი ირჩევდა და ანდობდა საეკლესიო საქმეთა განგებლობას. შემდეგში კალვინიზმს ბრძოლა მოუხდა ანგლიკანურ ეკლესიასთან. კალვინიზმი ინგლისში, შესაძლოა ითქვას, ხალხური რეფორმაცია იყო, ანგლიკანური რეფორმა კი მთავრობის ანუ მეფის ძალა უფლებით მოხდა.

კათოლიკური რეაქცია


კირველი თავი

რეაქციის ხასიათი და უმთავრესი იარაღი.

ტრიდენტის საეკლესიო კრება და მისი მნიშვნელობა. ინკვიზიცია და წიგნების ცენზურა.

შველა იმან, რაც კათოლიკურმა ეკლესიამ რეფორმაციის გაძლიერებით დაკარგა, ძლიერ ჩააფიქრა პაპები და მთელი სამღვდელოება და აიძულა, უფრო მომზადებული გეგმით გამოსულიყვენ ახალი რელიგიური მოძრაობის წინააღმდეგ.

თუმცა აშკარა იყო, რომ სანამდი კათოლიკურ ეკლესიაში ადგილი ექნებოდა იმ ბოროტებას და უწესობას, რომელზედაც რეფორმა-



ტორები უფითებდნენ, რეფორმაციასთან ბრძოლა კათოლიკეებისათვის ფუჭი იქნებოდა. ამასთანავე აუცილებელი იყო, რომ კათოლიკეებისათვის ლესიას ერთხელ და საბოლოოდ ნათლად გამოეთქვა თავისი მოძღვრება, რომ შესაძლებელი ყოფილიყო, ყველას ადვილად გაერჩია კათოლიკური და არაკათოლიკური მოძვრება. ასე, ამგვარად რეფორმაციის დასამარცხებელი ბრძოლისათვის საჭირო იყო: I, საეკლესიო დისციპლინის აღდგენა და II, კათოლიკური მოძღვრების მკაფიოდ და ბეჯითად გამოთქმა. რეფორმაციის საწინააღმდეგოდ კათოლიკების ბრძოლას, რომელიც დამყარებული იყო თვით კათოლიკური ეკლესიის შინაგან განახლებასა და განწმენდაზე, ისტორიაში ეწოდება კათოლიკური რეაქცია. ორივე ზემოაღნიშნული აზრის განხორციელება მიზნათ დაისახა ტრიდენტის საეკლესიო კრებამ (1545 – 1563).

დიდი ხანი იყო, რაც მრავალი ქვეყნის კათოლიკე და მათ შორის თვით იმპერატორი კარლოს მე-V-ე, მოითხოვდნენ საეკლესიო კრების მოწვევას, რომ ეკლესია გაეწმინდათ სხვადასხვა დამამცირებელი მოვლენისა და ბოროტებისაგან. პაპები კი ამ სამართლიანი მოთხოვნის შესრულებას აგვიანებდნენ, რადგან ეშინოდათ, რომ მოწვეული საეკლესიო კრება გაიხსენებდა კონსტანცისა და ბაზელის კრებების აღძრულ იდეებს და შეეცდებოდა პაპის უფლების შეღებვას. თვით იმპერატორი კარლოს მე-V-ე და იერარქიის ზოგიერთი წარმომადგენელი მზად იყვნენ პაპის უფლების შეზღუდვაში კრებისთვის მხარი დაეჭირათ, ვინაიდან, მათი წარმოდგენით, მაშინ შესაძლო იქნებოდა რეფორმების გატარება და პროტესტანტების კათოლიკურ ეკლესიასთან შეროება.

ბოლოს იმპერატორის დაჟინებით მოთხოვნისა და რეფორმაციული მოძრაობის გაძლიერების გამო, პაპა პავლე მე-III-მემ მოიწვია საეკლესიო კრება ტიროლის ქალაქ ტრიდენტში 1545 წ. ამ კრებაზე სჭარბობდნენ იტალიელი ეპისკოპოსები პაპის ერთგულნი და მისი ინტერესების დამცველნი, რომლებიც წინააღმდეგნი იყვნენ ან პროტესტანტებისთვის რამე დაეთმოთ და ან მათთვის, ვინც ფიქრობდა, რომ საეკლესიო კრებას ეკუთვნოდა პაპზე უზენაესობა. კრებაზე პარტიათა შორის მწვავე ბრძოლა გაიმართა და ამის გამო ორჯერ შეწყვიტეს კრების მუშაობა. ბოლოს პაპის უზენაესობისა და ამბსოლიუტიზმის მომხრეებმა გაიმარჯვეს. საეკლ-



ლესიო კრებამ თავისი დადგენილებანი წარუდგინა პაპს და ამალაქისა
არა მან, რომ უმაღლესი უფლება საეკლესიო საქმეებში პაპს ეკუთვნის.
ის მოძღვრება, რომელიც საეკლესიო კრებამ შეიმუშავა, სრულიად ეწი-
ნააღმდეგებოდა პროტესტანტების სარწმუნოებას. მიუხედავად მეფე კარ-
ლოს მე-V-ის ძმის იმპერატორ ფერდინანდ პირველის წინადადებისა, რომ
ცვლიბატი, წირვის დროს ლათინური ენის აუცილებლობა და ინდულ-
გენცია დაეთმოთ. პროტესტანტების მოთხოვნისამებრ, საეკლესიო კრე-
ბამ პირიქით ისინი აუცილებელ საჭიროთსცნო და უცვლელად დასტოვა.

ამგვარათ საეკლესიო კრებამ უარყო ცვლილების შეტანა ეკლესიის
მოძღვრება-წყობილებაში, რის გამოც შეუძლებელი შეიქნა პროტესტან-
ტებთან დაახლოვება და არსებული საეკლესიო განხეთქილება პირიქით
უფრო გაღრმავდა. რადგან კრებამ პაპს მიაკუთვნა უზენაესობა, ამით სა-
უკუნოდ გაქარწყლდა იმედები იმ პირებისა, რომელთაც სურდათ,
საეკლესიო კრების ავტორიტეტი პაპის უფლებაზე მალლა ყოფილიყო
და პაპი კრებას დამორჩილებოდა და არა კრება პაპს. მეორეს მხრივ
ტრიდენტის კრებამ მიიღო მთელი რიგი ენერგიული ზომებისა ეკლესიის
დისციპლინის აღსადგენათ. შემოღებულ იქმნა მკაცრი ზომები იმათ და-
სასჯელათ, ვინც მოძღვრის მოვალეობას დაარღვევდა და ზნეობის შემ-
ბღალავ მოქმედებას ჩაიდენდა. გადასწყვიტეს, რომ ყოველ ეპარქიაში
ღირსეული სამღვდლო კანდიდატების აღსაზრდელათ სემინარია გახსნი-
ლიყო. თვით პაპები მე-XVI-ე საუკ. შუა წლებიდან იყვნენ ღირსეული
თავისი მომზადებით და ზნეობრივი ცხოვრებით. **პავლე მე-IV-ე, პიუს**
მე-IV-ე და მე-V-ე სრულებით არ წააგავდნენ უწინდელ პაპებს, რომლებიც
გატაცებული იყვნენ ან პოლიტიკით, ან ხელოვნებით, ან მეცნიერებით
— ესენი პირიქით მთელ თავის ყურადღებასა და ენერგიას ხმარობდნენ,
რომ ეკლესიის შინაური ცხოვრება გაეუმჯობესებიათ და რეფორმაციის
საწინააღმდეგო ბრძოლა საიმედოთ ეწარმოებიათ. პაპი პავლე მე-IV-ე
ჯერ კიდევ კარდინალი იყო, რომ აღადგინა ინკვიზიცია, რომლის სა-
შუალებითაც მალე ჩააქრო მწვალებლობა მთელ იტალიაში. ამას გარდა,
შემოღებულ იქმნა მკაცრი ცენზურა წიგნებზე. პავლე მე-IV-ის ბძანებით,
ინკვიზიციამ შეადგინა სია იმ წიგნებისა, რომლის გადაბეჭვდა, ყიდვა-
გაყიდვა და წაკითხვა ყოველ კათოლიკეს აკრძალული ჰქონდა. ვინც

ამ განკარგულებას დაარღვევდა, ის სასტიკათ ისჯებოდა. ტრიდენტის კრებამ შეიავსო კიდევ ეს სია, რომელიც შემდეგში რამდენჯერმე აღწერილ დამატებებით გამოიცა. ამ სიას ეწოდება „სია აკრძალული წიგნებისა“. რეაქციის უმათვრესი იარაღი, რამაც მას დიდი გამარჯვება მისცა, არც ინკვიზიცია იყო და არც ცენზურა, ეს იყო იეზუიტების ორდენი.

ეგნატე ლოიოლა და იეზუიტთა ორდენის დაარსება.

ტრიდენტის საეკლესიო კრება ჯერ კიდევ მოწვეული არ იყო, რომ კათოლიკეთა შორის რამდენიმე ახალი ორდენი გაჩნდა იმ მიზნით, რომ რელიგიური ცხოვრება და საეკლესიო დისციპლინა აღედგინათ. ყველა ასეთი ორდენები იღწვოდნენ ხალხის სულიერ განვითარებაზე, აწარმოებდნენ ბრძოლას მწვალებლებთან და ეწეოდნენ ქველმოქმედებას. მათ შორის უფრო შესანიშნავი კათოლიკური ეკლესიის ისტორიაში არის იეზუიტების ორდენი, რომლის დამაარსებელიც იყო ისპანელი აზნაური **ეგნატე ლოიოლა** (1491—1556). ისპანელები რამდენიმე საუკუნის განმავლობაში ეომებოდნენ მთავრებს, რასაც დიდი გავლენა ჰქონდა მათ ეროვნული ნებისყოფის განვითარებაზე. მებრძოლსა და მხედრულ სულისკვეთებას გარდა ისპანელებს შორის ძლიერ განვითარდა სარწმუნოებრივი გრძნობა და ეკლესიისადმი სრული მორჩილება. ეს თვისებები ცხადად დაეტყო თვით ლოიოლასაც და მის მიერ შექმნილ ორდენსაც.

პირველათ ლოიოლა სამხედრო კარიერაზე ოცნებობდა, მაგრამ მძიმე ქრილობამ, რომელიც მან ფრანგებთან ომის დროს მიიღო და რომელმაც ის საუკუნოთ დამახინჯა, აიძულა ასეთ ოცნებაზე ხელი აეღო. ავთიმყოფობის დროს პირველათ რაინდთა რომანების კითხვით იტყვევდა თავს, შემდეგ კი რელიგიური შინაარსის წიგნების კითხვას მიჰყო ხელი და მათი გავლენით გადასწყვიტა ქრისტეს სამსახური: თავის თავი ქრისტეს ღვთისმშობლისა და პეტრე მოციქულის მხედრათ აღიარა. ჯანსაღობის აღდგენისათანავე მან კრძალულებისა და უბიწოების აღთქმა დასდვა; რამდენიმე თვის განმავლობაში ნამდვილ ასკეტურ ცხოვრებას ეწეოდა, რასაც შედეგათ ის მოჰყვა, რომ მას ქრისტე და წმინდანები ეცხადებოდნენ. ამ მოჩვენებებმა ეგნატე სავსებით დაარწმუნა, რომ მას ღმერთი ახალ გზაზე აყენებდა და სულ სხვაგვარი ცხოვრებისაკენ იწოდებდა. ეგნატეს ეგონა, რომ ის მოვალე იყო პალესტინაში მისიონერათ




წასულიყო და კიდევ განიზრახა ასე მოქცეულიყო. თავისი განზრახვა
 ლოიოლამ სისრულეში მოიყვანა 1523 წ. მაგრამ მოგზაურობამ ფუჭად
 ჩაიარა, რადგან ეგნატემ არც მეცნიერება იცოდა, არც საღვთო წერილი,
 რაც ძალიან საჭირო იყო მისიონერისათვის და თანაც მას არც ადგი-
 ლობრივი ენები ესმოდა. სამშობლოში დაბრუნებისათვისავე ლოიოლა დი-
 დის ენერგიით შეუდგა მეცნიერების შესწავლას, რაც მან სულ თავიდან
 დაიწყო სკოლის პატარა ბავშვებთან ერთად. ლოიოლას საკვირველმა
 ყოფაქცევამ და არაჩვეულებრივმა სარწმუნოებრივმა აღფრთოვანებამ მი-
 იქცია ინკვიზიციის ყურადღება და ორჯერ, ექვით, ვითომ მწვალებელი
 ყოფილიყო, კიდევ დაატყვევეს. მართალია, ის მალე განათავისუფლეს,
 რადგან მისი სიმართლე გამოიჩვენა, მაგრამ მას გადაუწყვიტეს, ოთხი
 წლის განმავლობაში სულ ღვთისმეტყველება ესწავლა. ამ მიზნით ლოი-
 ოლა პარიზის უნივერსიტეტში გაემგზავრა. პარიზში ის დაუმეგობრდა
 რამდენიმე პირს, რომლებიც მის ხელმძღვანელობას დაემორჩილენ.
 ამათთან ერთად იმან დაარსა ახალი ორდენი, რომელიც პაპა პავლე მე-III-მ
 დიდი გაჭირვებით 1540 წ. დაამტკიცა. ახალ ორდენს ლოიოლამ
 „ქრისტეს მხედრობა“ უწოდა. ორდენის წევრებს იეზუიტები ერქვათ.
 ორდენის მიზანი იყო მწვალებლებთან ბრძოლა და კერპთაყვანისმცემლე-
 ბის მოქცევა. იეზუიტებმა სრული მორჩილება აღუთქვეს პაპს, როგორც
 ქრისტეს მოადგილეს ქვეყანაზე.

იეზუიტების ორდენის
 წუობილება და მათი
 მოქმედების ხასიათი.

იეზუიტები, როგორც სხვა ბერები, მორჩილე-
 ბის, უბიწოებისა და სიღარიბის აღთქმას სდებდენ;
 მათში უმთავრესი მნიშვნელობა მორჩილებას ჰქონ-

და. ლოიოლას არაერთხელ აღუნიშნავს, რომ იეზუიტები თავისი უმან-
 კობით შეიძლება ბევრზე დაბლა იყვნენ, მაგრამ თავისი სრული მორ-
 ჩილებით ისინი ყველაზე უფრო მაღლა უნდა იდგნო. იეზუიტი წინამ-
 ძღოლის წინაშე უსულო არსებას ემსგავსებოდა, რომელსაც წართმეული
 ჰქონდა ნებისყოფა და თავისუფალი მოძრაობის უნარი. თავისი ნების უარის-
 ყოფას იეზუიტები უფრო ღირსებათ სთვლიდენ, ვიდრე სასწაულებრივ მოქ-
 მედებას, მაგ. მიცვალებულის გაცოცხლებას. ამგვარად სრული მორჩი-
 ლების წესი იყო საფუძველი ამ ორდენისა. ცხადი იყო ამ მოთხოვნის




შესრულება და ისიც უცებ ყველას არ შეეძლო, ანიტომაც იეზუიტები თავის ორდენში წევრებს იღებდნენ დიდი სიფრთხილით. შემსველი წლის განმავლობაში ცდიდნენ, რომ ამ ხნის განმავლობაში სრულმორჩილებას შეჩვეოდნენ და საკუთარი ნებისყოფა უარეყოთ. მორჩილთა გასაწვრთნელათ შედგენილი იყო ეგრედწოდებული „სულიერი ვარჯიშობის“ სრული კრებული, რომელშიაც დაწვრილებით აღნიშნული იყო, როდის უნდა ელოცა, როდის რაზედ ეფიქრა, ვისთან როგორ დაეჭირა თავი და როდის როგორ ეტირა.

გარდა მორჩილებისა, იეზუიტების ორდენი მოითხოვდა ერთმანეთის კონტროლს. ყოველი იეზუიტი ვალდებული იყო, მეორესთვის თვალყური ედევნებია და, თუ რასმე შეამჩნევდა, უფროსისთვის მოეხსენებია.

ესეთი ჯაშუშური სისტემა სრულიად ბორკავდა იეზუიტს ყოველი ნაბიჯის გადადგმის დროს. ორდენის მეთაური, რომელსაც გენერალი ეწოდებოდა, თუმცა განუსაზღვრელი უფლებით იყო აღჭურვილი, მაგრამ მაინც მუდმივ კონტროლს ქვეშ იმყოფებოდა. ორდენის სრულუფლებიანი წევრების საერთო კრება, ან ეგრედწოდებული გენერალური კონგრეგაცია, ირჩევდა ოთხ მუდმივ ასისტენტს, რომლებსაც ევალდებოდათ გენერლის მოღვაწეობისათვის თვალყური ედევნებიათ. ამათ ჰქონდათ უფლება, თუ დაინახავდნენ გენერლის მიერ ორდენის წესდების დარღვევას, გენერალური კონგრეგაცია მოეწვიათ გენერლის გადასაყენებლათ.

თავისი მოღვაწეობით იეზუიტები ცდილობდნენ ახალგაზრდა თაობაზე ვავლენა მოეხდინათ. ამ მიზნით მათ დაარსეს სკოლები, ეგრედწოდებული კოლეგიები, სადაც ახალგაზრდები ნამდვილ კათოლიკურ ნიღაბზე იზრდებოდნენ. იმ დროში კოლეგიები საუკეთესო სკოლებათ ითვლებოდა, ვინაიდან იეზუიტებმა დაწვრილებით შეიმუშავეს გადაცემის მეთოდები, რომ მათი საშვალებით მოწაფეებისთვის გადაეცათ ცოდნა და კიდევ გაეადვილებიათ ყოველგვარი მეცნიერების შესწავლა. ამის გამო ბევრი პროტესტანტი და მართლმადიდებელიც კი დიდი სიამოვნებით აძლევდა თავის შვილებს იეზუიტების სკოლებში, საიდანაც ისინი გულმხურვალე კათოლიკები გამოდიოდნენ. ეს ხდებოდა უმეტესად ლიტვასა და პოლონეთში.

სკოლების საშუალებით იეზუიტები ახდენდნენ ვავლენას ახალთაობაზე და მოძღვრების საშუალებით კი მთავრობის პირებს იმორჩილებდნენ და



შათი ძალა-უფლებით პოლიტიკას თავის სასარგებლოთ ატრიალებდნენ მეფეებსა და მათთან დაახლოებულ მოხელეებს მუდამ კათოლიკურ აქციისაკენ უთითებდნენ და მის სასარგებლო მოქმედებას ურჩევდნენ.

ხშირათ ისინი ხელმძღვანელობდნენ დებულებით, რომ მიზანი ამართლებს საშვალებასო. ასე მაგ., როდესაც მეფეები კათოლიკური ეკლესიის წინააღმდეგ მოქმედებდნენ, იეზუიტები განზრახ ასე ქადაგებდნენ, რომ სახელმწიფოში უზენაესი უფლება მეფეს კი არა, ხალხს ეკუთვნისო. ზოგიერთი მწერალი იეზუიტთაგანი ასეთ შემთხვევაში მეფის მკვლელობასაც ნებადართულათ სთვლიდა. ზოგიერთ შემთხვევაში იეზუიტები ნებას აძლევდნენ ორდენის წევრებს თავისი ვინაობაც დაემალათ, თუ კი ეს საჭირო იქნებოდა საიდუმლო აგიტაციის საწარმოოთ.

მე-XVI-ე საუკუნეში ორდენს დიდი წარმატება ჰქონდა და კიდევაც შეიქმნა საგულისხმო ძალათ, რომლის გავლენასაც დაემორჩილა თვით პაპიც და მთელი კათოლიკური ეკლესიაც; განსაკუთრებით ორდენმა ფეხი მოიდგა ისპანიასა, იტალიასა, ბეარიასა, გაბსბურგთა ავსტრიის მიწებზე და პოლონეთში. ეს ორდენი ყველგან, სადაც კი გაჩნდა, გაცხარებით ებრძოდა რეფორმაციას და კათოლიკურ რეაქციას აძლიერებდა.

მეორე თავი.

ისპანია და ნიდერლანდი კათოლიკური რეაქციის დროს.

ისპანია
ფილიპე მე-II-ის
მეფობის დროს
(1556—1598).

კათოლიკური რეაქცია ისე არსად არ გაძლიერებულა, როგორც ისპანიაში ფილიპე მე-II-ის მეფობის დროს. როცა ფილიპე მე-II-ე ტახტზე ავიდა, ისპანიას პირველი ადგილი ეჭირა ევროპაში. მას ჰყავდა იმ დროში დიდი ფლოტი, საუკეთესოდ გაწვრთნილი და ომებზე გამოცდილი ჯარი და დაუღვევლი წყარო შემოსავლისა ამერიკული ახალმყენებისაგან. ფილიპე მე-II-მ მეფობის დაწყებისათანავე დაასრულა ომი ფრანგების მეფეს ჰენრიხ მე-II-თან და კატოკამბრეში ხელსაყრელი ზავით შეეკრა (1559). საფრანგეთს უნდა დაეთმო ისპანიისათვის ასიოდე ქალაქი და სოფელი.




სულ მალე ამ ზავის შემდეგ საფრანგეთში დაიწყო საშინელი საქმე-
 ლაქოში პროტესტანტებსა და კათოლიკებს შორის, რამაც ¹² რამდენიმე
 ხნის განმავლობაში ფილიპე მე-II-ს საშვალეზამის ცა საფრანგეთისთვის ან-
 გარიში აღარ გაეწია.

ფილიპე მე-II-ს შინაურ მართვა-გამგეობაში ორი მიზანი ჰქონდა
 და შეურყევლათ დასახული: I, მეფის აბსოლიუტიზმის განმტკიცება
 და II, ერეტიკების მოსპობა და მათზე კათოლიკური სარწმუნოე-
 ბის ბრწყინვალე გამარჯვება.

კასტილიაში მღვწე უკვე საცესებით დამოუკიდებლათ განაგებდა სახელ-
 მწიფოს საქმეებს, რადგან არისტოკრატია ფერდინანდ კათოლიკის დროს
 დამარცხდა და ურჩი ქალაქების თავხედობა კი კარლოს მე-V-ის დროს
 მოიხსო 1520 წელს, როცა მათ ამბოხება მოახდინეს. თუმცა უმთავრეს-
 მა ქალაქებმა შეირჩინეს უფლება ორ-ორი დეპუტატი გაეგზავნათ სეიმ-
 ში, რომელსაც „კორტესი“ ეწოდებოდა და რომელიც ყოველგვარ საჩი-
 ვარს მეფეს უდგენდა და გადასახადებს აწესებდა. მაგრამ ფილიპე მე-II-ე
 ხშირათ არღვევდა მათ უფლებებს და საერთოთ ცდილობდა ქალაქების
 თვითმართველობის შევიწროვებას მათ შინაურ საქმეებში მულმივი ჩარევით.

არაგონიაში მეფის უფლება უფრო მეტად შეზღუდული იყო, ვიდ-
 რე კასტილიაში, მაგრამ აქაც ზეილიპე მე-II-მ თავის მეფობის უკანასკნელ
 წლებში ისარგებლა შემთხვევით მომხდარი არეულობით და თითქმის
 მთლად მოუსპო მათ უწინდელი თავისუფლება. იყო მთელი პარტია,
 რომელიც მეფის აბსოლიუტიზმს ეწინააღმდეგებოდა, მაგრამ ფილიპე მე-II-მ
 პარტიის ყველა მეთაურები სიკვდილით დასაჯა.

ფილიპე II ბაძავდა თავის პაპს ფერდინანდ კათოლიკს და ურჩი
 ქვეშევრდამების წინააღმდეგ სარგებლობდა ინკვიზიციით, რომლის და-
 ნიშნულებაც იყო კათოლიკური სარწმუნოების დაცვა და არა პოლიტი-
 კური მიზნის სამსახური. თუმცა ფილიპემ ინკვიზიცია პოლიტიკურ ია-
 რალად გაიხადა, მაგრამ, მიუხედავად ამისა, ინკვიზიციამ ერეტიკობაც აღ-
 მოფხრა ისპანიაში. ინკვიზიციამ მრავალი ხალხი დასწვა კოკონზე. მწვა-
 ლებლების დაწვა ანუ აუტო-დაფე (სარწმუნოების საქმე) დღესასწაულს
 ემსგავსებოდა: მას ესწრებოდა მეფე, მთელი სასახლე, სამღვდლოება და
 მრავალი ხალხი. მწვალებლების წამება თითქმის სახალხო დღესასწაულად



იყო გადაქცეული. სახელმწიფოს ყოველ კუთხეში ჯაშუშები იყენებდნენ, რომ თვალყური ედევნებიათ ყველასათვის და შეენიშნათ ყოველი წინდაუხედავი სიტყვა ვისზედაც ექვს მიიტანდნენ, დაატყვევებდნენ, ჩასამდნენ ბნელ ოთახში და დიდი წვალეების შემდეგ იძულებულს გახდიდნენ, რომ ყველაფერში გამოტეხილიყო. ინკვიზიციის სასამართლოსაგან დამნაშავეს ვერ იხსნიდა ვერც წარჩინებულობა, ვერც სიმდიდრე და ვერც მაღალი თანამდებობა. წამებულთა შორის იყვნენ ერთი ისპანელი მიტროპოლიტი, საზოგადოებაში ცნობილი მეცნიერები, კარისკაცები, მეფის ყოფილი მოძღვარი და სხვა. ინკვიზიციამ მიაღწია თავის მიზანს: **ისპანია მთლად გაიწმინდა მწვალებლებისაგან.** მეფისა და ეკლესიის ფანატიზმი ამით არ დაკმაყოფილდა. მწვალებლების შემდეგ მისდგენ მავრების შთამომავლობას, რომელთაც მორისკებს უწოდებდნენ. ფილიპე მე-II-ემ განსაკუთრებული კანონით მოსთხოვა მათ სამი წლის განმავლობაში თავისი სამშობლო არაბული ენა უარეყოთ, ძველი ეროვნული ტანისამოსი აღარ ეხმარათ და თავისი ჩვეულებრივი გასართობები მოესპოთ. ვინც მეფის ბრძანებას არ დაემორჩილებოდა, სასტიკათ ისჯებოდა — ხშირად სიკვდილითაც. ასეთმა შეევიწროებამ გამოიწვია ამ საცოდავი ხალხის ამბოხება, რაც მეფემ სისხლის ღვრით ჩააქრო. ვინც ამბოხების დროს მომხდარ ქლევას გადარჩა, ის ინკვიზიციამ გაასამართლა და აწამა. მორისკების დევნამ ძალიან ცუდი გავლენა იქონია ისპანიის ქონებრივ მხარეზე და ძლიერ დასცა ისპანიის მეურნეობა, რადგან მორისკები მუყაითი მიწის მუშები და ნაყოფიერი მწარმოებლები იყვნენ. თუმცა ფილიპე გულმოდგინეთ იცავდა კათოლიკურ ეკლესიას და ენერგიულათ ამარცხებდა მის მოწინააღმდეგეებს, მაგრამ თავისი სახელმწიფოს ფარგლებში ეკლესიის ბატონ-პატრონობა მაინც თვითონ უნდოდა — და საქმეში პაპის ჩარევას არ ითმენდა. თუ, ვინიცობაა, მას რამეში პაპი წინააღმდეგობას გაუწევდა, ის მაშინვე ძალას მიმართავდა. პაპები, ფილიპეს აზრით, ყველაფერში ხელიხელჩაკიდებული უნდა მიჰყოლოდნენ ისპანელ მეფეს, რომელიც კათოლიკური რეაქციის უმთავრესი წინამძღოლი იყო.

ფილიპეს აბსოლუტიზმსა და კათოლიკურ ფანატიზმს ისპანელები შეჩვეული იყვნენ და ამიტომ მათ მეფისთვის სერიოზული წინააღმდეგობა არ გაუწევიათ, მაგრამ სამაგიეროთ ნიდერლანდში მეფის მოქმედებამ საშინელი ამბოხება გამოიწვია.



ნიდერლანდის
ამბოხება.

ნიდერლანდს დაახლოებით დღევანდელი ნიდერლანდების ტერიტორია და ჰოლანდიის სივრცე ეჭირა, რომელიც ბურგუნდიის სამეფვიდრო მამულის ერთ საუკეთესო ნაწილს შეადგენდა და წილათ ხვდა იმპერატორ კარლოს მე-V-ს. ეს ქვეყანა ძალიან მდიდარი იყო; მრეწველობამ განსაკუთრებით მაუდის ქსოვამ და ვაჭრობამ იქ უმაღლეს წერტილს მიაღწია. ანტვერპენი ევროპის ვაჭრობის ცენტრით გადაიქცა, მისი ბირჟა ხელმძღვანელობდა ვაჭრობას მთელ ევროპასა და ახალშენებს შორის. კარლოს მე-V-ს ნიდერლანდიდგან ხუთჯერ მეტი სიმდიდრე გამოჰქონდა, ვიდრე ამერიკიდან (დაახლოვებით 5 მილიონი ოქროს დუკატი). ნიდერლანდი 17 პროვინციისგან (ოლქისგან) შესდგებოდა და ყოველივე მათგანი შინაურ მართვა-გამგეობაში დამოუკიდებელი იყო. ყოველ ოლქს თავისი განსაკუთრებული პრივილეგიები (უპირატესობა) ჰქონდა, რაც ცალკე ხარტიებში (სიგელი) იყო აღნიშნული. უფრო შესანიშნავი იყო ბრაბანტის ოლქის ხარტია, რომლის ძალითაც მეფეს არ ჰქონდა უფლება შტატების (წოდებათა წარმომადგენლების) დაუკითხავათ თავის სახელმწიფოს ჯარი ჰყოლოდა, უცხოელები ამა თუ იმ თანამდებობაზე დაენიშნა, რაიმე გადასახადი დაეწესებია და სახელმწიფო წყობილებაში ცვლილება შეეტანა. სხვა ოლქების პრივილეგიები უმთავრესათ ისეთივე იყო, როგორც ბრაბანტის ხარტია. კარლოს მე-V-ე ცდილობდა ამ ოლქების უფრო მჭიდროდ შეკავშირებას. ხშირათ იწვევდა ყველა ოლქების წოდებათა წარმომადგენლებს ე. ი. გენერალურ შტატებს და კიდევაც დააწერა ყველასათვის საერთო მართველობა და უმაღლესი სასამართლო. 1548 წ. კარლოსის მოხერხებით ოფიციალურათ იცნეს ამ ქვეყნის მთლიანობა და მისი იმპერიისაგან დამოუკიდებლობა.

ჩრდილოეთ ოლქებში უმთავრესათ გერმანელი შთამომავლობის ხალხი (ფლამანდიები) ესახლა, სამხრეთით კი რომანელთა შთამომავლობის (ვალონები), ჩრდილოეთ ნაწილში უმთავრეს როლს მდიდარი ბურჟუაზია ასრულებდა, სამხრეთ ნაწილში კი ბურჟუაზიასთან ერთად დიდი გავლენა ჰქონდა ფეოდალურ არისტოკრატის. მიუხედავად კარლოს მე-V-ის მიერ მიღებულ ენერგიული ზომებისა, ჩრდილოეთ ნაწილებში მაინც გავრცელდა პროტესტანტიზმი კალვინიზმის ფორმით; სამხრეთ ნაწილში კი შედარებით არც ერთ ახალ სარწმუნოებრივ მიმდინარეობას გავლენა არა ჰქონდა.



საერთოდ ნიდერლანდელები კმაყოფილი იყვნენ კარლოს მე-V-ის მმართველობით; ის მათ უყვარდათ, როგორც მეფე, მათ შორის აღზრდილი, თანაც მკოდნე მათი ენისა და იქაური ზნე-ჩვეულებისა. ამიტომაც კარლოსი ყოველთვის ერიდებოდა მათთან შეტაკებას. სულ სხვა სურათი შეიქნა, როცა სამეფო ტახტი ფილიპე მე-II-ემ დაიჭირა. ფილიპე ხასიათითა და მიდრეკილებით ნამდვილი ისპანელი იყო. მას არ უყვარდა ნიდერლანდელები, რადგან დაახლოვებით არ იცნობდა და მათ ქვეყანასაც ისე უყურებდა, როგორც ისპანიის პროვინციას. ნიდერლანდის მართველათ მან თავისი და — **მარგარიტა პარმელი** დანიშნა, რომლის უმთავრესი მრჩეველიც იყო ისპანიის ინტერესების საუკეთესო დამცველი **გრანველა**. მიუხედავად მცხოვრებთა დიდი სურვილისა, ფილიპემ იქიდან ისპანელი ჯარი არ გამოიყვანა, თანამდებობის პირებათ იქ უცხოელებს ნიშნავდა და მწვალებლებთან საბრძოლველად ინკვიზიცია გააჩაღა ისე, როგორც ეს ისპანიაში იყო მოწყობილი. უკმაყოფილო არისტოკრატია შეჯგუფდა პრინცი **ვილჰელმ ორანელის**, **გრანფ. ეგმონტის** და **ადმირალ ვორნის** გარშემო. მათი შემწევობით მართლაც შესძლეს გრანველის გაძევება, მხოლოდ პროტესტანტების უღმობელი წამება ხალხში შაინც დიდ მღელვარებას იწვევდა. ახალ მოძრაობას მეთაურობდნენ საშუალო და პატარა ქონების მქონე აზნაურები, რომლებმაც ინკვიზიციასთან საბრძოლველათ კავშირი შეადგინეს. ამ კავშირს მიემხრო დიდძალი ხალხი, მათ შორის აზნაურებიც, მოქალაქეებიც, კათოლიკეებიც და პროტესტანტებიც. 1566 წლის აპრილში კავშირმა ბრიუსელში დებუტაცია გაგზავნა და სთხოვა მარგარიტა პარმელს, რომ მწვალებელთა მდგომარეობა, რამდენათმე შეემსუბუქებია. მან აღუთქვა თხოვნის შესრულება, მაგრამ მალე პროტესტანტთა ბრბომ ეკლესიების დარბევა მოახდინა და ამან მარგარიტა აიძულა ისევ მკაცრი ზომები მიეღო, რასაც არეულობით შეშინებულმა აზნაურებმაც მხარი დაუჭირეს. წესიერება აღდგა, მაგრამ ფილიპე მე-II, რომელმაც იცოდა, რომ მარგარიტა, როგორც სუსტი ბუნების ადამიანი, ნიდერლანდელებს ვერ დაიმორჩილებდა, გადააყენა და მის ადგილას მართველათ სიმკაცრით ცნობილი **ჰერცოგი ალბა** დანიშნა.



აღბა ისპანელი ჯარით მოვიდა ნიდერლანდში და მიზნად ისახა სრულიად მოესპო ამ ქვეყნის თავისუფლება და შეუწყნარებლობა უცვლელა ის, ვინც მარგარიტა პარმელის დროს ფილიპე მე-II-ს დესპოტიზმის წინააღმდეგ გაბედა ბრძოლა. წინანდელი ვილჰელმ-ორანელი აღბას მოსვლამდე წავიდა გერმანიაში. აღბამ მართველობის ჩაბარებისთანავე შემოიღო განსაკუთრებული სასამართლო, რომელსაც თვითონ „ამბოხების საბჭო“ უწოდა, ხალხმა კი „მოსისხლე საბჭო“ დაარქვა. გაჩაღდა საჯარო წამება. პირველ რიგში აწამეს ეგმონტი, გორნი და უმეტესი ნაწილი აზნაურთა კავშირის წევრებისა. აწამეს რამდენიმე ათასი პროტესტანტიც. ვილჰელმ-ორანელის და მისი ძმების მიერ ამ ნიადაგზე მოწყობილი ამბოხება დამარცხებით გათავდა. ბოლოს აღბამ მთელ ნიდერლანდს მძიმე გადასახადი დაადო უძრავი და მოძრავი ქონების გაყიდვებზე. აღბას ასეთმა მოქმედებამ ხალხი სასოწარკვეთილებამდე მიიყვანა და ბოლოს ამბოხება მოხდა. ამბოხება დაიწყო გოლანდიელმა კორსარებმა, ანუ ეგრეთ-წოდებულმა „**ლარიზმა მეზღვაურებმა**“, რომლებმაც ზღვის ერთი განაპირა ციხე აიღეს.

აქედან ამბოხების ალი მთელ მხარეს მოედვა. ამბოხების მეთაური ვილჰელმ-ორანელი იყო. ისპანელების გამხცვლებული მოქმედება უნაყოფო იყო. ხალხი იქამდის მივიდა, რომ ის დამბეზი გაარღვია, რომელიც მთელ ნიდერლანდს ზღვისაგან იკავდა. დამბეზის აშლის მიზანი იყო ისპანელთა ჯარის განდევნა. აღბას მოქმედება პროტესტს იწვევდა მეფის ერთგულ თანამდებობის პირთა შორისაც. ფილიპემ, როგორც იქნა, ბოლოს დაუთმო ამხედრებულ ხალხს და აღბა გაიწვია (1573). მის მოადგილეთა შორის უფრო საყუროდღებოა **ალექსანდრე პარმელი**, მარგარიტას შვილი. ბრძოლა მის დროსაც სწარმოებდა ისე, რომ ხან ერთი მხარე გაიმარჯვებდა და ხან მეორე. ბოლოს ალექსანდრემ შესძლო და სამხრეთი ოლქები, სადაც კათოლიკური მოსახლეობა სქარბობდა, ისპანიას შეუერთა. ჩრდილოეთის ოლქები, სადაც პროტესტანტიზმს მეტი ძალა ჰქონდა, ბრძოლას განაგრძობდა. 1579 წ. 5 ოლქმა შეადგინა კავშირი ანუ უნია უტრეხტში და ისპანიისაგან თავისი სრული დამოუკიდებლობა გამოაცხადა. მათ მალე კიდევ ორი ოლქი მიემატა. უმაღლესი უფლება უნიაში ყველა ოლქების საერთო წარმომადგენლობას ჰქონდა,



რასაც გენერალური შტატები დაერქვა. ისინი არჩევდნ ომის დასრულების
საკითხებს, ახალი გადასახადების შემოღებას და სახელმწიფოებრივი წეს-
ბილების შეცვლას. მართველობა და სამხედრო ძალების წინამძღოლობა
გადასცეს ვილჰელმ ორანელს. ფილიპე მე-II სურდა მოწინააღმდეგე პრინ-
ცი თავიდან მოეშორებია, ამიტომ განსაკუთრებული მანიფესტით განაც-
ხადა, რომ ვინც ვილჰელმს მოკლავდა, ის საჩუქრათ დიდ ფულსაც მიი-
ღებდა და აზნაურობის ღირსებასაც. რამდენიმე უნაყოფო ცდის შემდეგ
ერთმა ფანატიკოსმა მოჰკლა პრინცი 1584 წ.. უნიამ მალე იპოვა მისი
ღირსეული მემკვიდრე, ეს იყო მისი შვილი **მორიცი**. ომებმა თითქმის
1648 წლამდე გასტანა, როცა ისპანიამ ჩრდილო ნიდერლანდის დამოუ-
კიდებლობა იცნო. ამ ბრძოლის დროს ჩრდილო ნიდერლანდელებმა ინგ-
ლისთან ერთად პირველი ადგილი დაიკავეს ზღვაზე და ინგლისელებთან
შეერთებული ძალით დაუწყეს ისპანიასა და პორტუგალიას ახალშენების
წართმევა.

**ფილიპე მე-II საგარეო
პოლიტიკა და მისი
მართველობის შედე-
გები.**

ნიდერლანდთან ხანგრძლივმა და მძიმე ომებმა
არ შეუშალეს ხელი ფილიპე მე-II-ს, რომ გაბე-
დული საგარეო პოლიტიკა ეწარმოებია და სხვა
ქვეყნების შინაურ ცხოვრებაში ჩარეულიყო. ფი-
ლიპე თავის მოვალეობათ სთვლიდა როგორც ისპანიაში, ისე მთელ ევ-
როპაში კათოლიკური ეკლესია დაეცვა და მასთან თავისი დინასტიის გა-
ბატონებაზე ეზრუნა. იმ დროს მთელი საქრისტიანო ქვეყნის უძლიერესი
გარეგანი მტერი იყო ოსმალეთი, რომელიც უმაღლესათ აყვავდა და ძლიერ
გაფართოვდა **სულეიმან II დიდებულის** მეფობაში (1520 — 66). მის დროს
თურქებმა დაიპყრეს უნგრეთის უმთავრესი ნაწილი დალმაცია, განდევნეს
იოანიტების ორდენი როდოსის კუნძულიდან, წაართვეს სპარსეთს მესო-
პოტამია და აფრიკის ჩრდილო ნაპირებზე გაბატონდნ. ოსმალეთის და
ჩრდილო აფრიკის კორსარები (ზღვის ავაზაკები) ცარცვავდნ ხმელთაშუა
ზღვის ნაპირებზე მცხოვრებ ქრისტიანებსა, მეტადრე იტალიელებს. ფი-
ლიპე მე-II-მ გადაწყვიტა მიეღო ყოველგვარი ზომა, რომ ოსმალეთის
ზრდა შეეჩერებია. 1565 წ. მან აიძულა თათრები მოეხსნათ ალყა კუნ-
ძულ მალტასთვის, სადაც როდოსიდან გამოქცეული იოანიტები იყვნენ



თავშეფარებული; 1571 წელს კი ოსმალეთის ფლოტი ლეპანტოსთან ისპანიის ფლოტმა სრულიად დაამარცხა. ამ ბრძოლაში თათრებმა მათი მთელი ძალისხმევით თვისო ჯარი დაიღუპა და ამგვარად ქრისტიანებმა სძლიეს თათრებს და ხელახლა გაბატონდნენ ზღვაზე.

ფილიპე მე-11-მ ოსმალეთთან ბრძოლით დიდი სამსახური გაუწია არა მარტო ისპანიას, არამედ მთელ საქრისტიანო ევროპას. ვარდა ამისა, მისი საგარეო პოლიტიკის ნაყოფი იყო, რომ 1580 წელს პორტუგალიც ისპანიას შემოუერთდა.

ვინაიდან პორტუგალიელები მტრულათ უყურებდნენ ისპანელების ბატონობის, ამიტომ ფილიპე იძულებული იყო აქ საკმაო ჯარი ჰყოლოდა, რაც დიდ ხარჯს მოითხოვდა. კიდევ უფრო ძვირათ დაუჯდა ისპანიის მეფის ჩარევა საფრანგეთის, ინგლისის და შოტლანდიის საქმეებში. სამივე სახელმწიფოში ფილიპე მხარს უჭერდა უკიდურეს კათოლიკეთა პარტიას, რომ ხელი შეეშალა პროტესტანტიზმის დარეფორმაციის გავრცელებისთვის. ამ ნაბიჯებმა ისპანიის დიდი ხარჯი მიაყენა და სარგებლობა კი არაფერი მისცა. საფრანგეთიდან ისპანიის ჯარი იძულებით გამოვიდა; ინგლისის წინააღმდეგ გაგზავნილი ფლოტი, რომელსაც მან „დიდი ჯარი“ უწოდა, შეებრძოლა ინგლისის ფლოტს ოკენეზე და ერთი მხრით ქარიშხლით დაზარალებული და მეორე მხრით მტრისაგან სასტიკათ დამარცხებული სამარცხენოთ დაბრუნდა ისპანიაში 1588 წელს. შოტლანდიაში კი, მიუხედავად ფილიპეს მიერ მიღებული ენერგიული ზომებისა, კალვინისტური ეკლესია დაფუძნდა.

კატოლიციზმის დასაცავათ წარმოებულმა განუწყვეტელმა ომებმა ისპანია წივითიერათ ძლიერ დაასუსტა, რაც ფილიპეს მეფობის დასასრულს სახელმწიფოს აშკარათ დაეტყო. სახელმწიფოს წივითიერ დაქვეითებას ხელი შეუწყო მორისკების დევნამ, რადგან ისინი შრომის მოყვარენი და ვაჭრობა-მრეწველობაში დახელოვნებულნი იყვნენ. ისპანიის მთავრობა, რომელსაც აუარებელი შემოსავალი ქონდა ამერიკელ ახალშენებისგან, თავის მოვალეობად არ სთვლიდა ეზრუნა თვით ისპანიის შემოქმედებითი ძალების განვითარებაზე, ხალხი კი ისპანიაში უმეტესად შეძლებული წრე უგულოდ ეკიდებოდა ვაჭრობა-მრეწველობას. ერთი ხნის შემდეგ ამერიკიდან ოქროს და ვერცხლის შემოსვლამ თანდათან იკლო, რადგან მად-



ნები მალაროებში შემცირდა და გზებში რაც იყო, ინგლისელებმა და პოლანდიელებმა გაიტაცეს.

ფილიპე მე-II-ს მემკვიდრეების (ფილიპე მე-III და მე-IV) მეფობაში სახელმწიფო ქონებრივად კიდევ უფრო დაეცა, უმთავრესათ მის შემდეგ, როცა ფილიპე მე-III-მ 800000 მორისკი განდევნა. მე-XVII-ე საუკ. პირველ ნახევარში ისპანიამ თავისი წინანდელი მნიშვნელობა დაკარგა და დაიკავა მეორე ხარისხოვანი ადგილი, პირველობა დარჩა საფრანგეთს, ინგლისსა და შოტლანდიას.

მესამე თავი.

ინგლისი და შოტლანდია კათოლიკური რეაქციის დროს.

კათოლიკურ რეაქციის ცდა ინგლისში დედოფალ მარიამ მონისხლეს დროს (1553—58).

მღუარდ მე-VI-ს სიკვდილის შემდეგ სასახლის პროტესტანტების პარტია შეეცადა ტახტზე მეფის შორეული ნათესავი აეყვანა და გვერდი აეგლო ედუარდის უფროსი დის მარიამისთვის, რომელიც

ჰენრის მე-VIII-ს ეკატერინე არაგონელისაგან შეეძინა. ხალხის უმეტესობა კი მარიამის მხარეზე იყო და მისი შემწეობით მან კიდევ დაიქირა მამის ტახტი. მარიამი გულმოდგინე კათოლიკე იყო და გადასწყვიტა ინგლისში ისევ კათოლიკური ეკლესია აღედგინა. ამასვე ურჩევდა მას მისი ქმარი ფილიპე მე-II-ე. დადგა ხანა პროტესტანტების ულმობელი დევნისა, 300-მდე კაცი კოკონზე დასწვეს, მათ შორის იყო კენტერბერის მთავარეპისკოპოსი კრანმერიც. ინგლისში აღადგინეს კათოლიკური ღვთის მსახურება და პაპის უზენაესობა ინგლისის ეკლესიაზე ხელახლა აღიარეს. დედოფალს უნდოდა ჰენრის მე-VIII-ს მიერ ჩამორთმეული სამონასტრო მიწებიც ისევ ეკლესიისთვის დაებრუნებია, მაგრამ მას წინააღმდეგ თავდაზნაურობა, რადგან უმეტესი ნაწილი ჩამორთმეულ მიწებისა მის ხელში იყო. დედოფლის ასეთმა განზრახვამ თავდაზნაურობა სამუდამოთ ჩამოაშორა კათოლიკურ რეაქციას და მიაკვლია რეფორმაციას. მასთან დიდძალი პროტესტანტების წამებამ ხალხზე მძიმე შთაბეჭდილება მოახდინა. ხალხი დევნულებს თანაუგრძნობდა, დედოფალს კი აუგებდა. პროტეს-



ტანტიზმი ხალხში თანდათან ნიადაგს პოულობდა; ხალხი იმეფეთა უფლებებდა მარიამის მემკვიდრეს — ელისაბედს, რომელიც ჰენრი მე-VII-ის შეეძინა ანა ბოლენისაგან. მარიამს არ უყვარდა თავისი და, რადგან ამხნევდა, რომ მას სურდა მისი ტახტის დაკავება და ამიტომ ცდილობდა მის დაღუპვას. ელისაბედი დის მართველობის დროს მუდამ შიშში იყო და ფრთხილად ცხოვრობდა, რომ დისაგან მარცხიარ შეხვედროდა; ასეთმა ცხოვრებამ ის შეაჩვია თავის შეკავებას ღმრთივე მდგომარეობის ატანას. თავისუფალ დროს ელისაბედი სწავლობდა მეცნიერებას ღ ღიდი ცოდნაც შეიძინა. ელისაბედი ყოველგვარ ხიფათს ვადარჩა თავისი წინდახედულობით ღ ფილიპე მე-VI-ის მფარველობით, რადგან მას უნდოდა სნეული მარიამის სიკვდილის შემდეგ ის ცოლათ შეერთო. 1558 წ. მარიამი, რომელსაც სიმკაცრისათვის „**მოსისხლე**“ უწოდეს, გარდაიცვალა და ელისაბედი, ყველა ინგლისელების სასიამოვნოთ, ტახტზე ავიდა.

ელისაბედის მართველობა.
რელიგიური პოლიტიკა.
ბრძოლა მარიამ სტიუარტთან
ვაჭრობა-მრეწველობის გან-
ვითარება.

ელისაბედი გამეფებისთანავე რეფორმაციას მიემხრო, ვინაიდან იცოდა, რომ მარიამის ცდამ კათოლიციზმის აღსადგენათ უნაყოფოთ ჩაიარა. კათოლიკენი ელისაბედს ჰენრი მე-VIII კანონიერ შეილათ არ ცნობდნენ,

რადგან პაპიმ მამა მისის განქორწინება არ იცნოდა ანა ბოლენთან ქორწინება არ დააკანონა.

ანგლიკანურმა ეკლესიამ ელისაბედის დროს დამთავრებული სახე მიიღო. რაც შეეხება რეფორმაციის უკიდურეს მიმდინარეობას, მაგ. კალვინისტებს, მათ დედოფალი არ აძლევდა ნებას ღვთისმსახურება აესრულებიათ, სისტემატიურად კი არ სდევნიდა, თუ ამჟამა პროპაგანდაში არ შენიშნავდა. ელისაბედი პირველათ კათოლიკებსაც ღმობიერათ ეპყრობოდა, მხოლოდ მათთან დამოკიდებულობა ჩაიშალა მის შემდეგ, როცა იმას შეტაკება მოუხდა შოტლანდიის დედოფალ მარიამ სტიუარტთან.

მარიამ სტიუარტი გულმოდგინე კათოლიკე იყო და ამიტომ მას არ შეეძლო შოტლანდიელ კალვინისტებთან (ანუ პრესვიტერიანები) განწყობილებაში ყოფილიყო და მათთან თანხმობით ეცხოვრა. პარკით მდგომარეობა ისე გამწვავდა, რომ კალვინისტებმა ის შოტლანდიიდან გააძევეს. დევნილმა მარიამმა თავი ინგლისში შეაფარა (1568). ელისაბედის-



თვის სასიამოვნო არ იყო მარიამის იქ ყოფნა, ვინაიდან მარიამი ^{მეფის} ^{წინაშე} ^{მყოფი} ^{არსებდა} გორც შორეული ნათესავი ჰენრიხ მე-VIII-ისა, კათოლიკეთა ინგლისის სამეფო ტახტის ნამდვილ მემკვიდრეთ ითვლებოდა, ამიტომ ელისაბედმა მარიამის დატყვევება გადასწყვიტა. ამ საქმეში ელისაბედს რჩევას აძლევდა გამოჩენილი მინისტრი ლორდი ბერლეი, რომელიც ელისაბედის ერთგულიც იყო და რეფორმაციის გულითადი დამცველიც. მარიამის დატყვევებამ ინგლისის ჩრდილო ნაწილებში კათოლიკე არისტოკრატის ამბოხება გამოიწვია, რაც მკაცრი ზომებით ჩააქრეს. მაშინ პაპი პიუს მე-V-მ 1570 წ. განსაკუთრებული ბული გამოსცა და გამოაცხადა, რომ ელისაბედი ეკლესიიდან განშორებულია და ტახტიდან გადაყენებულია, ხალხს კი ქვეშევრდომობის ფიცი ახსნილი აქვსო. ამ დროიდან ელისაბედსა და კათოლიციზმის მომხრეთა შორის იწყება დაუტბრომელი ბრძოლა. კათოლიკეები სახელმწიფო სამსახურიდან დაითხოვეს, პაპისთან საიდუმლო კავშირი სახელმწიფო ღალატით გამოაცხადეს და, ვინც ამაში შეინიშნებოდა, სიკვდილით ისჯებოდა; კათოლიკე მღვდლების წინააღმდეგ განსაკუთრებით იეზუიტებით, რომლებიც ფარულათ ინგლისში მოდიოდნენ, მკაცრი ზომები იყო მიღებული.

კათოლიკეები თავის მხრივ აწყობდნენ შეთქმულობას ელისაბედის წინააღმდეგ ფილიპე მე-II-ის შემწეობით, რომელმაც უკვე შესწყვიტა წინანდელი მეგობრული დამოკიდებულება ელისაბედთან. ამ შეთქმულებებში მონაწილეობას იღებდა დატყვევებული მარიამიც. ყოველი შეთქმულობა დაუღალავი ბერლეის მიერ გამოაშკარავებული დიდს უკმაყოფილებას იწვევდა კათოლიკეების და მარიამის წინააღმდეგ. ხალხი მოითხოვდა შოტლანდიის დედოფლის წაშებას. ცოტა რყევის შემდეგ ელისაბედმა მარიამი სამართალში მისცა; სასამართლომ სიკვდილით დასჯა გადაუწყვიტა; მცირე რყევის შემდეგ ელისაბედმა დაამტკიცა სასამართლოს განაჩენი, და ბერლეიმ კი დააჩქარა მისი სისრულეში მოყვანა 1587 წ. მარიამი მამაცურად შეხვდა სიკვდილს, უკანასკნელ წუთამდე თავის რწმენაზე დარჩა. კათოლიკეებთან ბრძოლამ ელისაბედი პროტესტანტურ ევროპის მეთაურათ გახადა. მან კარგად იცოდა, რომ კათოლიციზმის გამარჯვება ნიდერლანდსა და საფრანგეთში მას საფრთხეში ჩააგდებდა და ამიტომ ენერგიულათ დაუწყო დახმარება საფრანგეთის პროტესტანტებს და



ნიდერლანდის ოლქებს, საქმის მიმდინარეობა პირისპირ მოწინააღმდეგე
 აყენებდა ელისაბედს და კათოლიკურ რეაქციის სულის ჩამდგმულს
 ლიპე მე-II-ს. ფილიპემ გადასწყვიტა დაეპყრო ინგლისი და ამით უკანა-
 სკნელი ლახვარი ჩაეცა პროტესტანტიზმისათვის, მაგრამ მის მიერ ინ-
 გლისის წინააღმდეგ 1588 წ. „დიდი ჯარი“, დამარცხებული უკან დაბ-
 რუნდა, რასაც ისპანიის სამხედრო ძლიერების დაცემაც მოჰყვა.

ელისაბედის მოქმედება მარიამ სტიუარტის და კათოლიკეთა საწი-
 ნააღმდეგოთ ხალხს ძლიერ მოსწონდა. განსაკუთრებით ის მოსწონდათ
 ვაჭარ-მრეწველებს, რომლებმაც მის მეფობაში დიდი გავლენა და მნიშ-
 ვნელობა მოიპოვეს. ინგლისში უფრო შალეულობის კეთება გავრცელ-
 და, რამაც მატყლის მოთხოვნილება საკმაოთ გაზარდა. ამიტომ ბევრი
 მიწის მფლობელი მიწის იჯარით ვაკემის მაგიერ შეუდგა ცხვრის ფარის
 მოშენებას, ამის გამო მიწის მოიჯარადრები ძალიან ცუდ მდგომარეობაში
 ჩავარდნენ, დაღარიბდნენ და მიემატნენ ღარიბთა ანუ პაუპერების კლასს,
 რომელიც მუდამ მზათ იყო ამბოხება მოეხდინა და ბოროტმოქმედება ჩაე-
 დინა. ამ ბოროტებას დედოფალი ებრძოდა, მან აიძულა სოფლის და ქა-
 ლაქის თემები, რომ ღარიბებისთვის თავშესაფარი სახლები აეგოთ და და-
 რიბები იქ შეენახათ.

როგორც ვაჭრობა-მრეწველობის მხრივ, ისე გონებრივადაც ინგლისი
 ძლიერ დაწინაურდა. ელისაბედის დროს მოღვაწეობდა ინგლისის უდი-
 დესი პოეტი და ევროპის დრამატიული მწერალი **შექსპირი** და ფილო-
 სოფოსი **ფრენსის ბეკონი**. დედოფალი არა მარტო მფარველობდა მეც-
 ნიერებს და ლიტერატორებს, არამედ თვითონ იყო იმ დროის განათლენ-
 ბულ ქალთაგანი. ინგლისის ცხოვრების ყოველმხრივმა განვითარებამ ელი-
 საბედის მეფობას მშვენიერი სახე მისცა. შთამომავლობის ხსოვნაში ელი-
 საბედის მეფობა საუკეთესო ხანათ არის აღბეჭდილი.

მეო. თხე თ ა ვ ი.



საფრანგეთი კათოლიკური რეაქციის დროს

სარწმუნოებრივ—პო-
ლიტიკური ომები საფ-
რანგეთში „ბართლო-
მეს დამემძლი“.

ჰენრიხ მე-II-ის მიერ მიღებულმა მკაცრმა ზო-
მებმა რეფორმაციის წინააღმდეგ საფრანგეთში ვერ
შესძლო პროტესტანტების ძალების შესუსტება:
კალვინიზმი თანდათან ძლიერდებოდა მსხვილ ბურ-

ჟუაზიისა და არისტოკრატის შორის. იტალიური ომების გათავების შემ-
დეგ არისტოკრატთა მთელი თავისი სამხედრო ძალა სარწმუნოებრივ ბრძო-
ლას მოახმარა. რეფორმაციაში ფეოდალური სენიორები ხედავდნენ საუ-
კეთესო საშუალებას, რომ მეფის განუსაზღვრელი უფლება შეეზღუდათ.
რელიგიური ომების დროს სურვილი მეფის აბსოლუტიზმის განსაზღვ-
რის შესახებ კათოლიკეებმაც გაიზიარეს, ასე რომ ამ ომებს რელი-
გიური ხასიათის გარდა პოლიტიკურიც მიეცა აშკარა მტრობა პროტეს-
ტანტებსა და კათოლიკებს შორის დაიწყო ჰენრიხ მე-II-ის შვილების მე-
ფობაში.

პროტესტანტებს მეთაურობდნენ ბურბონები, უმცროსი შტო სამეფო სახ-
ლობისა, კათოლიკეთა პარტიას კი ხელმძღვანელობდნენ ჰერცოგი გიზე-
ბი, ნათესავები მარიამ სტიუარტისა, რომელიც ცოლათ გაჰყვა ჰენრიხ
მე-II-ს შვილს ფრანცისკ მე II-ს. ფრანცისკის დროს გიზებს დიდი გავლენა
ჰქონდათ და ნიადაგს ამზადებდნენ პროტესტანტების გასაჟლეტათ. ფრა-
ნცისკ მე-II-ე მალე გარდაიცვალა, სულ ერთი წელიწადი იმეფა. მის შემ-
დეგ გამეფდა მისი ძმა კარლოს მე-IX. ახალ მეფეზე დიდი გავლენა
ჰქონდა მის დედას ეკატერინე მედიჩის ასულს. მას ძლიერ ეშინოდა
გიზების გაძლიერების და ამიტომ პროტესტანტების წრეში ეძებდა და-
ხმარებას. ეკატერინე მედიჩი უფრო მეტათ მეფის უფლების უზენაესო-
ბაზე და სახელმწიფოში მშვიდობიანობის დამყარებაზე ზრუნავდა და ამი-
ტომ ის პირველ ხანებში ყველა სარწმუნოებრივ მიდინარეობას შეწყნა-
რების თვალთ უქცერდა. 1562 წელს ეკატერინემ თავისი თანაშემწის
კანცლერ ლოპიტალის რჩევით გამოაცხადიკტი, რომლითაც გაანთავი-
სუფლა ყველა, ვინც სარწმუნოებრივი დამნაშაობისათვის დატყვევებული




იყო და თანაც ნება მისცა პროტესტანტებს თავისუფლათ აღსარებულნი
 ბიათ ღვთისმსახურება ქალაქს გარეთ მინდორში. კათოლიკეებს
 პროტესტანტების შესათანხმებლათ ეკატერინემ მოაწყო მათ წარმომად-
 გენელ ღვთისმეტყველთა შორის მოლაპარაკება და სარწმუნოებრივი სა-
 უბარო, მაგრამ ელიტმაც და ამ მოლაპარაკებამაც უნაყოფოთ ჩაიარა. გი-
 ზების მეთაურმა ფრანცისკმა შეაკავშირა კათოლიკეები და სოფელ ვასა-
 ში — შამპანიაში 1562 წელს პროტესტანტების ჟღერა მოახდინა, რაც
 ნამდვილ ომით გადაიქცა. სამჯერ გამოვრდა ეს ომი და კიდევ არ გა-
 მოიჩქვა ვინ გაიმარჯვა. ერთი შეტაკების დროს თვით ფრანცისკი დაი-
 ლუბა და მისი ადგილი მისმა შვილმა ჰენრიხმა დაიჭირა. პროტესტანტებს
 შორის პირველი ადგილი ეჭირათ ახალგაზრდა **ჰენრიხ ბურბონს**, რომელ-
 მაც დედისაგან მემკვიდრეობით ნავარიის სამეფო მიიღო და აღმირალ
 კოლინიის. ამ ორ პარტიათა ბრძოლის დროს ეკატერინე კათოლიკური
 პარტიის მხარეზე გადავიდა. ენერგიულმა პროტესტანტების წინააღმდე-
 გობამ, ქალაქების უკმაყოფილებამ და მასთან ხაზინის შესუსტებამ ეკა-
 ტერინე აიძულა, რომ პროტესტანტებს* ზავით შეეკროდა ს. — ეერმენში
 1570 წ. ამ ზავით პროტესტანტებს ნება მიეცათ მთელ სამეფოში თავისუფ-
 ლათ გაეგრცელებიათ თავისი სარწმუნოება, დაუფარავათ აესრულებიათ
 ღვთისმსახურება არისტოკრატის კოშკებში და ყოველი ოლქის (საფრანგეთი
 ოლქებათ იყო დაყოფილი) 2 ქალაქში. ზავი რომ არ დარღვეულიყო და
 კიდევ ომი არ ატეხილიყო, პროტესტანტებს მისცეს 4 ციხე სიმაგრე 2
 წლით და ნათესავური კავშირის გასამტკიცებლათ — გადასწყვიტეს მეფის
 და — მარგარიტა ჰენრიხ ბურბონისთვის ცოლათ შეერთოთ.

ბართლომეს ღამე.
 გაგრძელება და დაბო-
 ლოვება რელიგიურ-
 პოლიტიკური ომებისა.

ჰენრიხ ნავარელის და მარგარიტას ქორწილზე
 1572 წ. პარიზში თავი მოიყარეს გუგენოტების
 გავლენიანმა წინამძღოლებმა, მათ შორის აღმირა-
 ლი კოლინიიც იყო. ეკატერინე მედიჩი ძალი-
 ან შეწუხდა და თანაც შეშინდა, როცა გაიგო, აღმირალ კოლინიიმ მე-
 ფეზე დიდი გავლენა მოიპოვაო. განიზრახა აღმირალის მოსპობა და კიდევ
 მიაგზავნა საიდუმლოთ მკვლელი, მაგრამ მიზანს ვერ მიაღწია; შემდეგ

* პროტესტანტებს საფრანგეთში ჰუგენოტებს უწოდებდნენ (დამახინჯებული
 სიტყვა „eidgenosse“ ე. ი. შვეიცარიის კავშირის წევრები).



ეკატერინემ გადასწყვიტა შეთანხმებულიყო ჰენრიხ გიზთან, რომელიც გუგენოტების თავმოყრით უნდოდა ესარგებლა და ერთიანად ამხანაგებოდა ისინი. პარიზელების სულის კვეთება, როგორც კათოლიკური ეკლესიის ფანატიკოსების და ჰენრიხის მიერ დასახული გეგმის შესრულებას ხელს უწყობდა. მეფეს არ უნდოდა გაეცა კოლინი და მისი ამხანაგები, მაგრამ, როცა მეფეს უთხრეს, რომ გუგენოტები მის წინააღმდეგ შეთქმულებას აწყობენო, ის დათანხმდა, რომ გუგენოტები გაეულიტათ. წმ. ბართლომეს ღამეს 24 აგვისტოს ბრბო შედგენილი გიზის მიერ პარიზის ხელოსნების და ვაჭრებისგან, აზნაური კათოლიკენი თავისი ხლებულებით და მეფის გვარდია დანიშნულ დროს წინასწარ საიდუმლოთ შეთანხმებულნი თავს დაესხენ გუგენოტებს, რომლებიც საფრთხეს არსაიდან არ მოელოდნენ. ჟღერა—ხოცვის დროს დაიღუპა კოლინი, მისთან ერთად ყველა გამოჩენილი ბელადები და რამდენიმე ათასი რეფორმაციის მომხრე პირი. ხოცდნენ განურჩევლათ სქესისა და ხნოვანობისა. სამეფო სასახლეში, ეგრედ წოდებულ ლუვრში, ყველა კიბეები და დერეფნები სისხლით იყო დასვრილი. ჰენრიხ ნავარელმა კათოლიკობა მიიღო და ამით თავი გადაირჩინა. გუგენოტების ხოცვა შემდეგ დღეებშიც განახლდა და პარიზიდან გადავიდა პროვინციაში, სადაც რამდენიმე ათასი ადამიანი იმსხვერპლა. ამ საშინელმა სურათმა განცვიფრებაში მოიყვანა მთელი ევროპის პროტესტანტობა. პაპიმ ბრძანება გასცა, რომ კათოლიკების ასეთი გამარჯვების გამო სამადლობელი პარაკლისი გადაეხადათ. კათოლიკეებს გამარჯვება ხანგრძლივი არ ყოფილა. თავზარდაცემული გუგენოტები გონს მოვიდნენ და ხელახლა იარაღს მოჰკიდეს ხელი. ძალე სამხრეთ საფრანგეთში იფეთქა ამბოხებამ. ამბოხების ცენტრათ გახდა გამაგრებული ქალაქი ლიაროშელი. კარლოს მე-IX სინიღისის ქეჯნით ძალიან შეწუხებული ორი წლის შემდეგ გარდაიცვალა. მის შემდეგ ტახტი დაიკავა მისმა ძმამ ჰენრიხ მე-III-მ, რომელიც მეტათ ფუქსავატი და გარყვნილი ადამიანი იყო. მისი მეფობის პირველ წლებში პროტესტანტებმა რამდენჯერმე გაიმარჯვეს და მეფე აიძულეს მათთვის ბევრი რამ დაეთმო. ეს არ მოეწონათ უკიდურეს კათოლიკეთ, რომლებიც ჰენრიხ გიზის მეთაურობით შეუდგნენ განსაკუთრებული კავშირის შედგენას მწვალებლებთან საბრძოლველათ. ამ კავშირს ეწოდებოდა „კათოლიკური ლიგა“.



1585 წ. მან მიიღო სრული სახე. ლიგამ დაიკავა კავშირი მე-II-თან, რომელიც ფულით და ჯარით დახმარებას უწევდა მას. ლიგა ისე გაძლიერდა, რომ მისმა მეთაურმა ჰენრიხ გიზმა მეფის სახელი სრულიად დაზარდოდა, მით უმეტეს, რომ ხალხს ის მაინც არ უყვარდა სამარცხვინო ყოფაქცევისა და ცუდი მართველობისათვის. 1588 წ. გიზის შემწეობით მეფეს აუძხედრდა ქალ. პარიზი. უცებ მეფემ ველარ მოახერხა თავის დაცვა და ამიტომ ყველაფერი დაუთმო ლიგას, მაგრამ გიზისადმი შურისძიებით კი აიფსო. იმავე წელს ბლუაში შეიკრიბა გენერალური შტატები, სადაც დიდი უმეტესობა ლიგისტები იყვნენ. აქ მეფის ბრძანებით ჰენრიხ გიზი მოკლეს მეფის საძილო ოთახის წინ. ამის შემდეგ ლიგა აშკარათ გამოვიდა ჰენრიხ მე-III წინააღმდეგ და გამოაცხადა, რომ მეფე ტახტიდან გადაყენებულიაო. მეფემ დაიხმარა გუგენოტები და მათი ბელადი ჰენრიხ ნავარელი, რომელიც ხელმეორეთ პროტესტანტების მხარეზე გადავიდა. მას მიემხრენ ზომიერი კათოლიკენი, რომლებმაც ცალკე შეადგინეს ევრეთ წოდებული პოლიტიკების პარტია. ამათი სურვილი იყო სახელმწიფოში წესიერება აღედგინათ და სარწმუნოებრივი ბრძოლა მოესპოთ. ლიგისტების ამბოხებას ისინი კიცხავდნენ. ამ დროს მეფემ და ჰენრიხ ნავარელმა პარიზს ალყა შემოარტყეს. ალყის შემორტყმის დროს ერთმა ფანატიკოსმა ბერმა ეაკ. კლემანმა მოჰკლა ჰენრიხ მე-III-ე. მისი სიკვდილით დასრულდა ვალუას სახლის გვარეულობა და ტახტზე კანონიერათა ვიდა ბურბონის სახლის წარმომადგენელი ჰენრიხ ნავარელი — ჰენრიხ მე-IV-ის სახელწოდებით. ახალმა მეფემ მხოლოდ მაშინ შესძლო პარიზის დაბრუნება, როცა ისევ კათოლიკობა მიიღო. ამის შემდეგ ომი მალე გათავდა. გუგენოტები ჰენრიხ მე-IV-მ დაამწვინა ნანსის ედიქტით, რომელიც 1598 წელს გამოცა. ამ ედიქტით გუგენოტებმა მიიღეს: I. სარწმუნოების სრული თავისუფლება, II. ღვთისმსახურების აღსრულების უფლება არისტოკრატების კოშკებში, სასამართლო ოლქის ყოველ ქალაქში და იქაც, სადაც უწინ სარგებლობდნენ ამ უფლებით. III. სრული გათანასწორება კათოლიკებთან; IV უფლება სინოდის მოწვევისა სარწმუნოებრივი საკითხების გასარჩევად, და ცალკე ყრილობების პოლიტიკური საკითხებისთვის გადა-



საწყვეტათ; V. ასამდე ციხე რვა წლის ვადით, რომ მოპოვებული
ვისუფლება უზრუნველყოფილიყო.

ნანსის ედიკტი გუგენოტებს ისეთ უპირატესობას ანიჭებდა, პო-
ლიტიკური ყრილობების მოწვევით და ციხე-კოშკების გადაცემით,
რომ იმათ შეადგინეს ცალკე სახელმწიფო სახელმწიფოში. აღრე თუ
გვიან ფრანგების მეფეებს ეს უფლებები უნდა წაერთმიათ მათთვის,
ვინაიდან ეს მოვლენა სრულიად არ ეთანხმებოდა მეფის სრულუფ-
ლებიანობას..

მეხუთე თავი.

უკანასკნელი ბრძოლა კათოლიკებსა და პროტესტებს შორის
გერმანიაში. შვეციის ამალღება.

გერმანია მე-XVI საუკ.
ბოლოს და მე-XVII-ე
საუკ. დასაწყისში.
ოცდაათწლიანი ომი.

აუსბურგის ზავმა (1555 წ.) სამუდამოთ ვერ
გადაწყვიტა სარწმუნოებრივი საკითხი პროტესტან-
ტებსა და კათოლიკებს შორის. ამ ხელშეკრულე-
ბაში კალვინისტებზე არაფერი იყო ნათქვამი მაშინ,


როდესაც კალვინიზმი სამხრეთსა და შუა გერმანიაში ძლიერ გავრცელებული
იყო. გარდა ამისა; აუსბურგის დადგენილება (cujus regio, ejus religio),
რომელიც ყოველ მთავარს უფლებას აძლევდა ყოველი ქვეშევრდომისთვის
თავისი სარწმუნოება ძალით თავზე მოეხვია, ამწვავებდა მოპირდაპირე პარტი-
თა დამოკიდებულებას, ვინაიდან პროტესტანტი მთავრები ავიწროვებდნენ და
სდევნიდნენ ქვეშევრდომ კათოლიკებს და კათოლიკე მთავრები კი პრო-
ტესტანტ ქვეშევრდომებს. ამიტომ ახალი ბრძოლა მოსალოდნელი იყო
და კიდევ უნდა დაწყებულიყო, მაგრამ კარლოს მე-V მემკვიდრეების
ფერდინანდ I და მაქსიმილიანე მე-II-ს შემარჩევებელმა მართველობამ
ეს ბრძოლა შეანელო და რამდენიმე ხნით ვადასდო. საქმის გარემოება
შეიცვალა, როდესაც გამეფდა მაქსიმილიანე მე-II შვილი რუდოლფ მე-II,
რომელიც გულმხურვალე კათოლიკე იყო და ოცნებობდა პროტესტან-
ტები მოესპო იმპერიაშიც და თავის სამემკვიდრო მამულეშიაც. ამ დროს



კათოლიკურ რეაქციას სათავეში ჩაუდგა ორი გამოჩენილი პირი —
 რელი ერცჰერცოგი **ფერდინანდი** და ბავარიის ჰერცოგი **მაქსიმილიანე**.
 ორივე თავიანთ მამულებში პროტესტანტიზმს საშინელი დევნა დაუწყეს.
 მათ საპასუხოთ პროტესტანტების მთავრებმა ურთიერთ დასაცავად 1608
 წელს შეადგინეს ცალკე კავშირი ანუ უნია, რომელსაც მეთაურობდა
 პფალცელი კურფიურსტი **ფრიდრიხი**. მაშინ მაქსიმილიანე ბავარელმა შე-
 მდეგ (1609 წ.) ზოგიერთ კათოლიკ მთავრებისაგან შეადგინა კავშირი
 ანუ ლიგა, რომელიც კათოლიციზმს უნდა დახმარებოდა. ამ დროს რუ-
 დოლფ მე-II-მ, რომელმაც სრული უნიჰობა გამოიჩინა სახელმწიფო მ-
 თვა-გამგეობაში, თავისი სამემკვიდრო მიწები, გარდა ჩეხიისა, თავისძმას
მათეს გადასცა. ჩეხია შეირჩინა იმ გარემოებით, რომ გამოსცა ცალკე
 კანონი ეგრეთ წოდებული „სიგელი მისი უდიდესობისა“, რომელიც ჩე-
 ხელებს სარწმუნოების და ღვთისმსახურების სრულ თავისუფლებას ანი-
 ჰებდა. მიუხედავთ ამისა, რუდოლფი მალე წაეკიდა ჩეხელებს, რომლე-
 ბმაც უარპყვეს მისი მეფობა და მეფეთ მათე გამოაცხადეს. რუდოლფი
 შემდეგ წელში გარდაიცვალა და მათემ კანონიერათ ტახტი დაიკავა.
 კათოლიკობაში მათე სჭარბობდა რუდოლფს, ამიტომაც მან მალე და-
 არღვია „სიგელი მისი უდიდესობისა“ და ამით ხალხში დიდი ამბოხება
 გამოიწვია, რაც დასაწყისი იყო ოცდაათ წლიანი ომისა.

ოცდაათწლიანი ომი
 (1618—1648) **ვალენ-**
შტეინის სიკვდილამდი
 (1634)

იმპერატორი მათე ჩეხების ამბოხების დაწყები-
 სას გარდაიცვალა. მის მოადგილეთ კურფიურს-
 ტებმა აირჩიეს გულმხურვალე კათოლიკობით ცნო-
 ბილი შტირელი ერცჰერცოგი **ფერდინანდი**. ჩე-
 ხებმა ფერდინანდი თავის მეფეთ არ იცნეს და თავის მხრივ აირჩიეს პრო-
 ტესტანტების უნიის მეთაური პფალცელი **ფრიდრიხი**. ამ შემთხვევამ აი-
 ძულა კათოლიკეთა ლიგა მაქსიმილიანე ბავარელის მეთაურობით, რომ
 დახმარებოდა იმპერატორ ფერდინანდს. ამგვარად კერძო ხასიათის უთანხ-
 მოება ჩეხებსა და ფერდინანდს შორის მთელ გერმანიის საერთო უთანხ-
 მოებათ გადაიქცა. ლიგის შემწეობით, რომლის ლაშქარსაც წინამძღო-
 ლობდა უნიჭიერესი ბავარელი გენერალი **ტილლი**. იმპერატორმა ჩეხთა
 ამბოხებაც ჩააქრო და ჩეხიაშიაც კათოლიკური რეაქცია გაატარა, რამაც



ჩეხების ეროვნული თავმოყვარეობა დამტკიცდა. ჩეხების დაწყნარების შემდეგ ტილი გაგზავნეს ფრიდრიხ პფალცელის სამემკვიდრო მამულს საპატივით, რაც მან კიდევ შეასრულა, ფრიდრიხის თავის სამფლობელოდან განდევნეს, კურფიურსტის ღირსება წაართვეს და მაქსიმილიანე ბავარელს გადასცეს. პფალციდან ტილი ჩრდილო გერმანიისკენ წავიდა, რამაც გამოიწვია დანიის მეფის ქრისტიანე მე-IV-ის ომში ჩაბრუნება პროტესტანტების დასახმარებლათ. ამის გამო იმპერატორმა ერთ თავის სარდალს ალბრეხტ ვალენშტეინს ახალი ჯარის შეკრება მიანდო. ვალენშტეინმა სწრაფად შეასრულა იმპერატორის დავალება და დიდძალ ჯარს მოუყარა თავი. ქრისტიანე მე-VI-ე ძალიან სუსტი გამოდგა, რომ კათოლიკების ორივე სარდლებს შებრძოლებოდა. რამდენჯერმე დამარცხებულმა ქრისტიანემ ითხოვა ზავი, ამასობაში ვალენშტეინმა დაიპყრო მეკლენბურგი, რომელიც იმპერატორმა მასვე უთავაზა, როგორც საიმპერიო ლენი და კიდევ დანიშნა „ოკენსა და ბალტიის ზღვის გენერლათი“. ტილის და ვალენშტეინის გამარჯვების გამო იმპერატორმა 1629 წ. გამოსცა ეგრეთ წოდებული „რესტიტუციონური ედიქტი“ (ბრძანება აღდგენაზე), რომლის ძალით პროტესტანტებს კათოლიკებისთვის უნდა დაებრუნებიათ ის მიწები, რომელნიც 1552 წლიდან ჰქონდათ ჩამორთმეული. ეს ედიქტი პირდაპირ ანადგურებდა პროტესტანტებს, თვით ვალენშტეინი წინააღმდეგი იყო ასეთი მკაცრი ზომისა, ვინაიდან მას უფრო აინტერესებდა მთავრების დამოუკიდებლობის მოსპობა და არა კათოლიკობის გამარჯვება და პროტესტანტობის დამარცხება. რესტიტუციონური ედიქტი მეფის დიდი გამარჯვების ნიშანი იყო. მალე სამხედრო ბედიც შეიცვალა და სულ სხვა გარეშობა შეიქნა. ამის მიზეზი იყო ორი: ერთი — რომ ვალენშტეინის გაძლიერებამ მთავრები მეტათ შეაშინა და მათ მეფე აიძულეს ვალენშტეინი სამსახურიდან დაეთხოვა და ჯარიც გაეშვა; მეორე — ისა, რომ ომში ჩაერთა შვეციის მეფე გუსტავ ადოლფი.

გუსტავ ადოლფმა პროტესტანტების დახმარება გადაწყვიტა, რელიგიური და პოლიტიკური მოტივებით. ერთი მხრით ის პროტესტანტიზმის მიმდევარი იყო და მის შეურაცხყოფას ვერ მოითმენდა; მეორე მხრივ იმპერატორის გამარჯვება, განსაკუთრებით მეკლენბურგის დაპყრობა, საფრთხეს უმზადებდა ბალტიის ზღვაზე შვედების ბატონობას, მითუმეტეს,



რომ იმპერატორი დაუახლოვდა პოლონეთს, რომელსაც შვედეთმა დაპყრობა დაიწყო. გუსტავ ადოლფის ომში ჩარევამ სამხედრო საქმეების მსვლელობა სრულიად შესცვალა. ტილოლი, რომელმაც წინათ მაგდებურ-გი აიღო და დააქცია, გუსტავ ადოლფმა ლეიპციგთან სასტიკად დაამარცხა, და გერმანიის მთელი შუა ნაწილი თავისუფლად დაიკავა. შემდეგ გუსტავი ბავარიის შვეიდა და ქ. მიუნხენი აიღო. იმპერატორის მდგომარეობა ძალიან ცუდი შეიქმნა, ჯარი მას არ გააჩნდა, ვენას კი შვედების შემოსვლა მოელოდა. ასეთმა მდგომარეობამ აიძულა იმპერატორი ხელიხელა ვალენშტეინისთვის მიემართა. ვალენშტეინმა კი ძალიან მძიმე პირობები წამოაყენა. ის მოითხოვდა: სიკვდილამდი მთავარსარდლად დანიშნვას, ყველა სამხედრო პირების, გარდა გენერლებისა, განწყობის უფლებას და გერმანელ მთავრებთან საზავო მოლაპარაკების ნებას. იმპერატორი იძულებული იყო, რომ ეს პირობები მიეღო, ვალენშტეინმა კი რამდენიმე კვირის განმავლობაში ყოველი ეროვნებისაგან შემდგარი დიდძალი ჯარი შეაგროვა. გუსტავ-ადოლფს ვალენშტეინი ლუცენთან (საქსონიაში) შეხვდა. ბრძოლა შვედების გამარჯვებით გათავდა, მაგრამ თვით გუსტავ-ადოლფი ბრძოლის ველზე დაეცა (1632 წ.).

გუსტავის სიკვდილის შემდეგ ვალენშტეინს შეეძლო მტრების სრული დამარცხება, მაგრამ მან შეჩერება არჩია და პროტესტანტების მთავრებთან სამშვიდობო მოლაპარაკება გამართა და შვედებს თითქმის კიდეც შეუტკავშირდა. ამან დიდი შიში გამოიწვია ვენაში და ამიტომ იმპერატორმა ვალენშტეინი სამსახურიდან დაითხოვა. მაშინ ვალენშტეინი აშკარათ შვედების მხარეზე გადავიდა, მაგრამ 1634 წ. ეგერის კოშკში ვიღაც მოლაღატე ჯარის კაცმა მოჰკლა.

**ოცდაათწლიანი ომის
გათავება ვესტფალიის
ზავი (1648 წ.).**

ვალენშტეინის მოკვლის შემდეგ იმპერატორის გენერლებმა საშინლად დაამარცხეს შვედები ნერდ-ლინგენთან. ამ შემთხვევამ აიძულა საფრანგეთი, რომ ომში ჩარეულიყო, ვინაიდან მას არ სურდა გაბსბურგების გაძლიერება. მასთან ამ დროს ომმა სრულიად დაჰკარგა სარწმუნოებრივი ხასიათი და პირველი ადგილი პოლიტიკურმა ინტერესებმა დაიჭირა. საფრანგეთი, შვეცია და გერმანელი მთავრები იბრძოდნენ თავისი ძალა-უფლების გასაძლიერებლად და ახალი მამულების შესაძენად. მხოლოდ ერთად-ერთს იმპერატორ ფერდინანდ მე-III-ს, ფერდინანდ მე-II-ის შვილს სახეში ჰქონ-



და, გარდა პოლიტიკური ინტერესებისა, კათოლიციზმის გამარჯვებას შინა-რი იყო ისეთი შემთხვევაც, რომ პროტესტანტების ოფიცრებში და მისი დათები იბრძოდნენ მეფისა და კათოლიკე მთავრების რაზმებში, კათოლიკეები კი პროტესტანტების მხარეზე. სარწმუნოებრივი ფანატიზმის შესუსტებამ სრულიად არ შეანელა ომის სისასტიკე. პირიქით თავაშვებული ჯარის კაცები მართო გამდიდრებაზე ფიქრობდნენ, არბევდნენ და ცარცვაუდნენ ყველას, ვინც კი შეხვდებოდათ. ბოლოს გერმანია ისე განადგურდა და გაიცარცვა, რომ ბევრი მჭიდროთ დასახლებული ადგილი უდაბნოთ იქცა და საერთო რიცხვი ხალხისა მთელ სახელმწიფოში განახევრდა. საერთოდ ორივე მხარე საკმაოთ მოიქანცა და ზავის პირობებზე დაიწყეს ფიქრი; დიდი მოლაპარაკების შემდეგ ვესტფალიის ქ. მიუნსტერში ფრანგებს შეეკვრნენ ზავით და ქ. ოსნაბრიუკში შევდგნენ. ხელშეკრულობის პირობები ასეთი იყო:

ა) ტერიტორიის დათმობანი და შექმნა: საფრანგეთს დაუდასტურეს მისი უფლება 1552 წ. დათმობილ ქალაქებზე მეტცზე, ტულზე, ვერდენზე და ელზასის უმეტეს ნაწილზე სტრასბურგის გამოკლებით.

შვეციამ მიიღო დასავლეთ პომერანია მდინარე ოდერის დასაწყისით, ქ. შტეტინი და ზოგიერთი მიწები გერმანელების ზღვაზე, უმთავრესათ ბრემენის საეპისკოპოსოს მიწები.

ბრანდებურგმა მიიღო აღმოსავლეთ პომერანია, მაგდებურგის, გალბერშტატის და მინდენის საეპისკოპოსო.

ბავარიამ შეინარჩუნა ნაწილი ტილლის მიერ დაპყრობილი პფალცისა და კურფიურსტის უფლება; პფალცის მეორე ნაწილი მიაკუთნეს ფრიდრიხის შვილს, რომელიც კურფიურსტის უფლებებით დასტავეს.

ბ) იმპერიის საერო საქმეები: მთავრები და საიმპერიო ქალაქები იცვენეს იმპერატორისაგან დამოუკიდებლათ, მათ მიეცათ უფლება ერთმანეთ შორისაც და უცხო სახელმწიფოებთანაც კავშირები შეეკრათ, მხოლოდ ეს კავშირები იმპერატორის და იმპერიის საწინააღმდეგო არ უნდა ყოფილიყო.

გ) იმპერიის სასულიერო საქმენი: ხელმეორეთ დაადასტურეს აუსბურგის რელიგიური ზავი იმ დამატებით, რომ ის კალვინისტურ ეკ-



ლესიაზედაც გავრცელდებოდა. კათოლიკების და პროტესტანტების მხარეები და ქალაქები გათანასწორდნენ უფლების მხრივ. თუ ქვემოთსაბრწინებისთვის იქნებოდა განდევნილი, მას შეეძლო წინასწარ მთელი თავისი მამული გაეყიდნა. სასულიერო მიწები, რომლებიც 1624 წ. პირველ იანვარს პროტესტანტების ხელში იყო, მათზე მტკიცდებოდა.

ვესტფალიის ზავი ერთი დიდმნიშვნელოვანი მომენტია გერმანიის და ევროპის ისტორიაში. დიდი ხნის უთანხმოება მთავრებდა და იმპერატორს შორის სამუდამოთ გადაწყვედა მთავრების სასარგებლოდ. გერმანია დანაწილდა 300 პატარა სახელმწიფოთ, რომელთაც თითქმის არაფერი არ აერთებდათ და სიტყვა გერმანია გეოგრაფიულ ცნებათ გადაიქცა. ხანგრძლივი ბრძოლა საფრანგეთსა და გაბსბურგების სახელმწიფოებთან საფრანგეთის სასარგებლოდ დასრულდა და, რადგან გერმანია და ისპანია ვანადგურდა, მთელ ევროპაში პირველობაც საფრანგეთს დარჩა. რადგან შვეიცია ბალტიის ზღვის სამხრეთ ნაწილზე გამაგრდა, მთელ ზღვაზედაც გაბატონდა და ჩრდილო-აღმოსავლეთ ევროპაში პირველ ხარისხოვან სახელმწიფოთ გადაიქცა.

აბსოლიუტიზმის განვითარების ეპოქა და საფრანგეთის პირველობა ევროპაში. თ ა ვ ი პ ი რ ვ ე ლ ი.

აბსოლიუტიზმის განვითარება საფრანგეთში.

ჰენრიმ მე-IV-ის მართველობა. წესრიგის აღდგენა და მეფის უფლების გაძლიერება.

სარწმუნოებრივი ომების გათავების შემდეგ ჰენრიმ მე-IV-მ ძალიან ცუდ პირობებში დაიჭირა ტახტი. სახელმწიფო სრულიად ვანადგურებული იყო, ყოველგან თვითნებობა და უსამართლობა მეფობდა, კარისკაცები და აზნაურები მეფეს უწინდულადაა აღარ ემორჩილებოდნენ, ხაზინა ცარიელი იყო.

ყოველივე ამას ისიც დაემატა, რომ ახალი მეფე იძულებული გახდა პროტესტანტებისთვის ფართო უფლებები მიეცა, ასე რომ ისინი სახელმწიფოში წარმოადგენდნენ განსაკუთრებულ, თითქმის დამოუკიდებელ ძალას.



ამგვარად ჰენრიხ მე-IV-ს წინაშე ორი საკითხი იდგა: I, მეფის უფლების გაძლიერება და მე-II-ე სახელმწიფოში კეთილდღეობისა და წესიერების აღდგენა. ჰენრიხ მე-IV-მ მართლაც შესძლო მეფის უფლების კვლავ აღდგენა და გაძლიერება. ამ მიზნის განსახორციელებლათ ის ხმა-რობდა მკაცრ ზომებს: მაგ. მან სიკვდილით დასაჯა თავისი ყოფილი მეგობარი ჰერცოგი ბირონი, რომელიც მოღალატე აღმოჩნდა; ზოგიერთი გამოჩენილი არისტოკრატები სამშობლოდან გააძევა, ზოგს თანამდებობა ჩამოართვა.

მეფის უფლების გაძლიერებასთან ერთად ხდებოდა ქვეყნის დამშვიდება და გამანადგურებელი სარწმუნოებრივი ომის ნაშთების მოსპობა. დიდი ხნის შემდეგ საფრანგეთს ეღირსა შინაური მშვიდობიანი ცხოვრება, რამაც ხელი შეუწყო სახელმწიფოს ქონებრივ აღორძინებას. ჰენრიხ მე-IV-მ განსაკუთრებით ყურადღება გლეხების მდგომარეობას მიაქცია, მიიღო მთელი რიგი ზომებისა, რომ გლეხი დაეფარა სენიორის თვითნებობისაგან; ვალად დარჩენილი გადასახადი აპატივა და ახალი გადასახადი შეამცირა. ამ საქმეში მას ეხმარებოდა ენერგიული და პატიოსანი თანაშემწე მთავარი მინისტრი სიული. სიულმა თავისი მომჭირნეობით და პატიოსნებით მეფის ხაზინა მოაწესა, გამოიყიდა ნაწილი დაგირავებული სახელმწიფო მამულებისა, შეამოკლა გასავალი და მისცა მეფეს საშვალეობა, რომ სამხედრო საქმეებში საჭირო რეფორმები მოეხდინა. სიული სახელმწიფოს კეთილდღეობის უმთავრეს წყაროთ სთვლიდა მიწის მუშაობას და ვაჭრობა-მრეწველობას თანაგრძნობით არ ეპყრობოდა. ჰენრიხ მე-IV-ე ამ საკითხს უფრო ფართოდ უყურებდა. თუმცა მიწის მუშაობას ისიც დიდ ყურადღებას აქცევდა, მაგრამ მას თანაც ვაჭრობა-მრეწველობის განვითარებაც აუცილებლათ მიაჩნდა, რომ ქარხანაში დამზადებული საქონლის ბაზარზედ გატანით სახელმწიფოში ფული შემოსულიყო. ამ მიზნით მან განიზრახა რამდენიმე ფაბრიკის გახსნა, უმთავრესად ფუფუნების საგნების დასამზადებლათ, როგორც იყო მაგ. აბრეშუმეულობა, ოქრომკედი, გათლილი შუშები და სხვა... თუმცა ასეთ განზრახვას დიდი ნაყოფი არ მოუტანია.

სახელმწიფოში რომ მშვიდობიანობა დაცულიყო, ჰენრიხ მე-IV-ე ცდილობდა კათოლიკებსა და პროტესტანტებს შორის კარგი განწყო-



ბილგება დაემყარებია და სარწმუნოებრივ ნიადაგზე ბრძოლა არ მომდინარეობდა რიყო. თუმცა თვითონ კათოლიკობა მიიღო, მაგრამ გუგენოტების მოიმაღლიერა, რომ ნანსის ედიკტს ასრულებდა, რაც მათთვის დიდათ სასარგებლო იყო. საერთოდ მეფის ცდამ ნაყოფიერათ ჩაიარა, მაგრამ უკიდურესი კათოლიკები ვერ ურიგდებოდენ გუგენოტებისადმი ლობიერებას. და აშკარათ გამოდიოდენ მის წინააღმდეგ. ბოლოს ერთმა ფანატიკოსმა რავალიაკმა გადასწყვიტა მეფის მოკვლა, რაც სისრულეში მოიყვანა 1610 წ. ჰენრიხ მე-IV-ე დაიღუპა სწორეთ იმ დროს, როცა ის აპირებდა გამსბურგებთან ბრძოლა განეახლებია და კიდევ მოემზადა გერმანიასთან საბრძოლველათ. მეფის სიკვდილმა ძლიერ გააოცა ფრანგები, ცოტა ხნის შემდეგ ყველა დარწმუნდა, რომ მეფის ნაყოფიერმა მუშაობამ სახელმწიფოში მშვიდობა და წესიერება დაამყარა. ხალხი კიდევ დიდხანს იხსენიებდა მას, როგორც საუკეთესო მეფეს და მმართველს.

**ლიუდოვიკ მე-XIII-ს მართვლობა (1610—1643).
კარდინალი რიშელიე.**

ჰენრიხ მე-IV-ეს დარჩა მცირეწლოვანი ვაჟიშვილი **ლიუდოვიკ მე-XIII-ე**, რომლის მაგიერ პირველად სახელმწიფოს განაგებდა მისი დედა მარიამ მედიჩი. დედოფალი სახელმწიფოს მართვა-გამგეობაში სუსტი გამოდგა. სასახლეში კვლავ ასტყდა პარტიათა ბრძოლა; მსხვილმა კარისკაცებმა, რომლებსაც დედოფალი პენსიებითა და საჩუქრებით იმზრობდა, ერთმანეთს დევნა დაუწყეს. ამის შედეგი იყო ხაზინის გაკოტრება და ფინანსების არეუ-დარევა, მით უმეტეს, რომ სიუღიცი სამსახურიდან გავიდა. 1614 წ. სახელმწიფოს მდგომარეობა ისეთი იყო, რომ დედოფალი იძულებული შეიქნა გენერალური შტატები მოეწვია, თუმცა ვერც შტატების მოწვევამ გამოაკეთა საქმე, წოდებათა წარმომადგენლები ერთხმად აღიარებდენ სახელმწიფოს ფინანსების მოწესებას და სასახლის კარისკაცების საზიზლარი მტაცებლობის სამუდამოდ მოსპობას, მტკიცე კანტროლის დაწესებას და სახელმწიფო ხარჯების შემცირებას, მაგრამ დანარჩენ საკითხებში მათში არ არსებობდა თანხმობა, პირიქით ხშირად ერთმანეთს უნდობლად ეპყრობოდნენ და ერთი მეორისაგან ითიშებოდნენ. შტატები მალე დაითხოვეს და სახელმწიფოს საქმეები კი ძველებურად მიდიოდა, სანამ მას სათავეში არ ჩაუდგა ენერგიული და გონიერი



კარდინალი **რიშელიე (1624 წ.)**. რიშელიე განაგებდა საფრანგეთის საგარეო დიპლომატიას, მან სავესებით დაიმორჩილა სუსტი ნებისყოფის მეფე. რიშელიეს ხალხის კეთილდღეობა იმდენად არ აინტერესებდა, რამდენადაც სახელმწიფოს შინაგანი და გარეგანი გაძლიერება. რიშელიემ სრულიად მოსპო ის ძალები, რომლებიც ეწინააღმდეგებოდა მეფის განუსაზღვრელ უფლებას და ამიტომ მას სამართლიანად ეწოდება საფრანგეთის აბსოლუტიზმის შემქმნელი. მის დროს უმთავრესად მაღალი არისტოკრატია დაზარალდა. რიშელიეს სრულიად არ უნდოდა მისთვის პირველობა წაერთმია სახელმწიფოში; პირიქით, თვითონ ის, როგორც აზნაური, მომხრე იყო წოდებრივი უპირატესობისა, მაგრამ მოითხოვდა, რომ არისტოკრატია სრულიად დამორჩილებოდა მეფესა და მის მინისტრს. ვინც მას არ დაემორჩილა, სასტიკად დასაჯა. თვით მეფის დედა და ძმაც არ დაზოგა, ორივე სახელმწიფოდან გააძევა. ცნობილი კარის კაცები აწამა, ხშირად ეჭვიც საკმარისი იყო, რომ ვინმე დაესაჯა. მასთან დაახლოვებული პირებისაგან მოაწყო არაჩვეულებრივი სასამართლოები, რომ მათ სასწრაფოდ გამოეტანათ ხოლმე მკაცრი განჩინება ყოველი ბრალდებული-სათვის, თვით სიკვდილის წინ აწამა მეფის საყვარელი გრაფი **სენ-მარსი**, რომელმაც განიძრახა თურმე მას წინ დადგომოდა, უჩრჩი პირების მკაცრად დასაჯად და მორჩილი პირების უხვად დაჯილდოვებამ დაქსაქსა არისტოკრატია და იძულებული შეიქნა სავესებით დამორჩილებოდა მეფის განუსაზღვრელ უფლებას.

გუგენოტებმაც იგივე ბედი ეწია, როგორც არისტოკრატის; ისინი იძულებულნი გახდნენ, რომ უარი ეთქვათ თავის პოლიტიკურ უპირატესობაზე და უნდა გამოსალმებოდნენ თავიანთ ციხე-სიმაგრეებს, რადგან ულმობელ მინისტრთან ომი წააგეს. 1628 წ. დაცა მათი ციხე ლაროშელი, შემდეგ წელს რიშელიემ საზავო ხელშეკრულების ძალით გააბათილა მათი უპირატესობანი, მხოლოდ დაუტოვა მათ სარწმუნოების და ღვთისმსახურების თავისუფლება იმ ადგილებში, სადაც ასეთი უფლებები წინათაც სარგებლობდნენ.

როცა რიშელიე სპობდა აბსოლუტიზმის ხელშემშლელ ძალებს, იმავე დროს ჰქმნიდა სახელმწიფოს მართვა-გამგეობის ახალ სისტემას ცენტრალიზაციის სახით (ე. ი. სახელმწიფოს მართვა ცენტრიდან, ანუ ცენტ-



რალური მთავრობის მიერ დანიშნული მოხელეებისაგან). ცენტრალური
 ციის უმთავრეს ორგანოებათ ითვლებოდენ ის მოხელენი, რომელთაც გან-
 საკუთრებული უფლებები ჰქონდათ მინიჭებული; რიშელიე მათ აგზავნი-
 და პროვინციაში, რომ კანტროლი გაეწიათ იქ არსებულ დაწესებულე-
 ბათა და გუბერნატორთა მოქმედებისთვის. ამ მოხელეებს ეწოდებოდა
სახამართლოს, პოლიციის და ფინანსების ინტენდანტები. რიშელიეს
 დროს მათ მოვალეობას მუდმივი ხასიათი არ ჰქონდა, ინტენდანტებმა ჯერ
 კიდევ ვერ მოასწრეს ადგილობრივ მართველათ გამხდარიყვენ, მაგრამ მა-
 თი შემწეობით რიშელიემ გუბერნატორებს მაინც დაუკარგა მნიშვნელო-
 ბა და ეს მისთვის საჭირო იყო, რადგან გუბერნატორები არისტოკრატის
 წრიდან ინიშნებოდენ და მთელი გამგეობა მათ ხელში იყო.

საგარეო პოლიტიკა რიშელიესი გამოიხატებოდა გასბზურგებთან ბრძო-
 ლაში, რაც მას ნაანდერძევი ჰქონდა ჰენრიხ მე-IV-სგან. ის ჩაერია ოცდაათ-
 წლიან ომში შვედების და პროტესტანტების მთავრების სასარგებლოთ,
 რითაც მან ძალზე დაასუსტა იმპერატორი და გასბზურგები. ომი ძალიან
 ძვირათ დაუჯდა საფრანგეთს, რიშელიე, მიუხედავათ თავისი დიდი ნი-
 კისა და სხვა ღირსებებისა, არ იყო გამოჩენილი ფინანსისტი, ამიტომაც
 მისი სიკვდილის შემდეგ სახელმწიფო მეურნეობა სრულიად აშლილი იყო
 და ხალხი მძიმე გადასახადებით შეწუხებული. რიშელიემ კარგათ იცოდა
 ეს, მაგრამ არ შეეძლო თუ არ სურდა, ხალხის მდგომარეობა მან ვერ
 გააუმჯობესა და თავს მითი იმართლებდა, რომ ის უფრო საჭირო საგნე-
 ბზე ზრუნავდა. თანაც რიშელიე ფიქრობდა, რომ ხალხი ძან განებივ-
 რებულათ არ უნდა ცხოვრობდეს, თორემ მსჯელობას დაიწყებს და მუ-
 დამ მთავრობის კრიტიკაში იქნებაო.

რიშელიე გარდაიცვალა 1624 წ. რამდენიმე თვის შემდეგ მას მიჰყვა
 მეფე, რომელმაც მცირეწლოვანი ვაჟიშვილი ლიუდოვიკ მე-XIV-ე და-
 სტოვა. მემკვიდრის მცირეწლოვანობამ ხელი შეუწყო სახელმწიფოში
 ამბოხებისა და არეულობის დაწყებას.

ფრონდა (1648) ახალგაზრდა მეფის მაგიერ სახელმწიფოს განაგებდა
 და მაზარინი. მისი დედა ანა ავსტრიელი, პირველათ მინისტრათ იყო
 კარდინალი მაზარინი, რომელიც რიშელიემ დააწინაურა და შემდეგ დე-



დოფლის საყვარელი ადამიანი შეიქნა. მაზარინი, როგორც უცხოელი პრემიერ-მინისტრი უყვარდათ და მის მდგომარეობას შურის თვალთ უყურებდნენ. ჯერჯერობით იგილოთა სათავეში იდგა პარლამენტათ წოდებული უმაღლესი სასამართლოს პალატა, რომელშიაც მოსამართლეების თანამდებობა მემკვიდრეობით გადადიოდა.

პარლამენტს დიდი ხნიდგან მითვისებული ჰქონდა უფლება, მეფისთვის მოხსენება წარედგინა ხოლმე მის მიერ გამოცემული ბრძანებების და განკარგულებების შესახებ. ახლა ის უცდიდა შესაფერ შემთხვევას, რომ არა სასურველი მინისტრი თავიდან მოეშორებია და სახელმწიფოში თავისი პირვანდელი გავლენა აღედგინა. ასეთი შემთხვევაც დადგა, როცა ოცდაათწლიან ომებმა მთავრობა საკმაოდ დაავალიანა და პარიზში დიდი უკმაყოფილება შეიქნა. პარლამენტიც ძლიერ უკმაყოფილო იყო მთავრობის და ამიტომაც უარი მოახსენა მთავრობას ახალი საფინანსო განკარგულების თავის სიაში შეტანაზე. მთავრობა სასტიკათ დაემუქრა პარლამენტს. მაშინ პარლამენტი შეუერთდა სხვა ფინანსიურ და სასამართლო პალატებს, სადაც ადგილები, როგორც თვით პარლამენტში მემკვიდრეობით გადადიოდა, და დააპირა მთავრობისთვის წინააღმდეგობა გაეწია. შეერთებულმა პალატებმა მოითხოვეს, რომ არც ერთი გადასახადი არ შემოეღოთ მათ ნებადაურთველად და არავინ არ დაეტუსადებიათ, სანამ სასამართლოს კანონიერი განაჩენი არ იქნებოდა გამოტანილი. სხვა სიტყვებით რომ ვსთქვათ, იმ პირებმა, რომელთაც თანამდებობა მემკვიდრეობით ჰქონდათ მიღებული, მოისურვეს სახალხო წარმომადგენლების როლი ეთამაშათ, მაგრამ ეს მათთვის ძალიან სამძიმო იყო. პარლამენტსა და მაზარინ შორის ატეხილ ბრძოლაში ჩაერია სასახლის არისტოკრატია, რომელსაც არავითარი პროგრამა არ ჰქონდა. ზოგიერთი მათგანი ხელმძღვანელობდა მხოლოდ პირადი ინტერესებით და გამდიდრების სურვილით, ასე რომ ვინც მათ მეტს შეპირდებოდა ან მისცემდა, ისინი მას მიემხრობოდნენ. ამბობება ისე დაწვრიმალდა, რომ ბრძოლას პირადობისა და ხრიკების ხასიათი დაეტყო. იყვნენ ისეთი კარისკაცები, მაგ. პრინცი კონდე, რომლებიც დახმარებას თხოვდნენ გარეშე მეტერს—ისპანიას. რასაკვირველია, ხალხი თანაგრძნობით ვერ შეხვდებოდა ასეთს შფოთს, რადგან მისთვის ეს დიდათ საზიანო და ხელის შემშლელი იყო. თანა-




მედროვე ხალხმა ამ ამბობებს ბურთის თამაში ანუ „ფრონდა“ და ამ სახელწოდებაში გამოხატა მისი ქარაფშუტობა. ფრონდას ყოფობამ ფრანგებს მეფის უფლების შეზღუდვის იმედი სრულიად დაუკარგა, პირიქით ფრონდამ ფრანგებში ისეთი რწმენა შექმნა, რომ ყოველგვარი არეულობისაგან თავის დამხსნელათ ერთად ერთი საშუალება მეფის ძლიერი და განუსაზღვრელი უფლება ყოფილაო. ამგვარად ფრონდამ ხელი შეუწყო მეფის აბსოლიუტიზმის გამარჯვებას. ასეთი პირობების გამო ფრონდას არ შეეძლო კარგი შედეგები ჰქონებოდა. მართალია კარდინალი მაზარინი დროებით იძულებული გახდა მართვა გამგეობას ჩამოშორებოდა, მაგრამ ცოტა ხნის შემდეგ კიდევ მეტი უფლებით აღჭურვილი დაუბრუნდა თავის თანამდებობას. ფრონდას დამარცხების შემდეგ მაზარინი თავისუფლათ განაგებდა საფრანგეთს სიკვდილის წუთამდე (1661 წ.). 1659 წ. მან დაასრულა ხანგრძლივი ომი ისპანიასთან ეგრედ წოდებული პირინეს ზავით. ისპანიამ დაუთმო საფრანგეთს სამხრეთ საზღვარზე მდებარე ადგილები და ისპანიის მეფის ფილიპე მე-IV-ის ასული მარიამ-ტერეზია, მითხოვდა ახალგაზრდა ლიუდოვიკ მე-XIV-ს.

ლიუდოვიკ მე-XIV.
შინაური მართველობა.
წოდებები. სასახლე.

ლიუდოვიკ მე-XIV-ს ბავშობა და ახალგაზრდობა იმ დროს იყო, როცა მთელ საფრანგეთში ფრონდას შთაბეჭდილების გამო მეფის უფლების წინაშე ყველა ქედს იხრიდა. ჯაბუკი მეფე აღიზარდა ისეთ წრეში, რომელიც მას ემონებოდა, მუდამ ელოჭუცებოდა და აღმერთებდა. ამიტომაც მან მეფის უფლებაზე რაღაც არაჩვეულებრივი, უმაღლესი წარმოდგენა შეადგინა. მას ეგონა, რომ ყველა ის, რაც მეფეს დიდებასა და ძალას უმატებდა, იმავე დროს ერისა და ქვეყნის სასარგებლოც იყო. ლიუდოვიკ მე-XIV-ე ვერ არჩევდა თავის პირად ინტერესებსა და სარგებლობას ერისა და ქვეყნის ინტერესებისაგან.

ლიუდოვიკ მე-XIV-ის დროს აბსოლიუტიზმი უაღრესათ განვითარდა. ჰენრიხ მე-IV-ის დროს, რომელმაც ერის საკეთილდღეოთ ბევრი რამ გააკეთა და რიშელიეს დროს, რომლისთვისაც სახელმწიფოს სახელი და ძლიერება მეფის პირად ინტერესებზე განშორებით



მალლა იდგა, აბსოლიუტიზმი პატრიარქალური, სახელმწიფოებრივი იყო, ლიუდოვიკის აბსოლიუტიზმი კი პირადული იყო, რადგან ხელმწიფოებრივი ინტერესები პირადულს ემორჩილებოდა.

ასეთი მისი შეხედულება მეფის ძალა-უფლებაზე გატარებული იყო ყოველგან მართველობასა, საოჯახო ნაწილსა, კარწმუნობასა, წოდებათა ურთიერთობასა, სამხედრო მოქმედებასა და იმ მფარველობაშიც, რომელსაც ის უწევდა ხელოვნებასა და მეცნიერებას.

მართავამეგობაში ლიუდოვიკ მე-XIV-ე კარდინალ რიშელიეს ნაკარანგვი გზით მიდიოდა და თანდათან ცენტრალიზაციისკენ მიიწევდა. ინტენდანტები, რომლებიც მის დროს დაბალი წოდებიდან ინიშნებოდნენ გარდიქცენ სამეფოს ცალკე ნაწილების (ოლქების) მუდმივ მართველად; უმთავრეს შემთხვევაში ეს (ოლქები) ნაწილები უდრიდნენ ძველ ოლქებს (გენერალიტეტს — რიცხვით 23 იყო). მთელ სამეურნეო, საზოგადო, სასამართლო და ფინანსიურ მხარეს ასეთი ოლქისას განაგებდა და ყველაფერს კანტროლს უწევდა ინტენდანტი. ინტენდანტები კრებდნენ გადასახადებს, აწარმოებდნენ სამართალს, ზრუნავდნენ სოფლის მეურნეობაზე, ვაჭრობა მრეწველობაზე, გზებზე, თავდაცვით ადვენებდნენ ქალაქის და სოფლის თვითმართველობებს, იცავდნენ წესიერებას და მშვიდობიანობას. მათი გავლენა და უფლება დიდი იყო. იმათ სრულიად დაუკარგეს მნიშვნელობა გუბერნატორებს, რომლის თანამდებობას მხოლოდ საპატიო ხასიათი შერჩა. ინტენდანტები ემორჩილებოდნენ მეფის საბჭოს და მინისტრებს, რომლებიც სტატ-სეკრეტარების სახელწოდებას ატარებდნენ (სამხედრო საქმის, ფლოტის, საგარეო საქმეების, მეფის სასახლის და სარწმუნოების). განსაკუთრებით უფრო მჭიდრო კავშირი იყო ინტენდანტებსა და ფინანსების მინისტრის შორის, რომელიც ფინანსების გენერალური მეთვალყურის სახელწოდებას ატარებდა.

მეფის საბჭოს, მინისტრებს და მეფის მოხელეებს უნდა დამორჩილებოდნენ ყველანი. ისეთი დაწესებულება კი, როგორც იყო პარლამენტი, ძალიან მიჩვეული თავისუფლებას, მეფის ბრძანების წინააღმდეგ ხმას ვერ იმალდებდა. გენერალური შტატები არ იკრიბებოდნენ, ცალკე პროვინციის შტატები ინარჩუნებდნენ თავის უფლებას მეფის მოთხოვნების დაუყოვნებლივ შესრულებით; მათ შორის უფრო მოზრდილი და ძლიერი



ლანგოდეკის შტატიც იძულებული შეიქნა, რომ თავის ბედს შერეოდა და და მორჩილება აღეარებია. ქალაქის და სოფლის თვითმართველობებში ინტენდანტების ფხიზელ მეთვალყურეობის ხელქვეით მოექცა, უწინდელი ნამდვილი თავისუფლება წაართვეს, დაუტოვეს მხოლოდ გარეგნული ძველი ფორმები, ტანისამოსი, ადათები და სხვა. საერთო მდგომარეობას დაემორჩილა ერთ დროს ამაყი ფეოდალური არისტოკრატიაც. სუყველა ვისაც კი შეეძლო მათი წრიდგან, ცდილობდნენ მიახლოებოდნენ სასახლეს, რომელიც მეფის წყალობებისა და საჩუქრების წყარო იყო. ძველათ უმეტესი ამაყი და ურჩი კარისკაცების შთამამავლობაც ბედნიერებათ სთვლიდა, რომ სასახლეში მეფის ამალაში ყოფილიყო და სხვადასხვა მონღობილობა აესრულებია, ისეთიც კი როგორცაა: ტანისამოსის ჩაცმა, გახდა, სადილის მირთმევა და სხვა. სასახლეში მყოფ აზნაურს მეფე კმაყოფილების თვალთ უყურებდა, როგორც ერთგულ ადამიანს, მხოლოდ ეჭვი ჰქონდა იმ ცოტაოდენ არისტოკრატიაზე, რომელიც თავის მამულში ცხოვრებას არჩევდა მეფის სასახლეს და კარიერას. ერთი სიტყვით, თავადაზნაურობა უწინდელი ფეოდალური დამოუკიდებელი წოდება მეფის გამგონე და მორჩილ არისტოკრატიათ გადაიქცა. სამაგიეროთ მეფე აძლევდა მათ საუკეთესო შემოსავლიან (ადგილებს) თანამდებობებს, პენსიებს, საჩუქრებს და სხვა, იცავდა მათ სოციალურ უპირატესობას, მაგ. ისინი თავისუფალი იყვნენ ზოგიერთ გადასახადებისაგან; თვით მეფე თავის თავს პირველ აზნაურათ სთვლიდა სახელმწიფოში.

ამგვარათ ლუდოვიკ მე-XIV-მ მოსპო სახელმწიფოში დამოუკიდებელი ძალები, როგორიც იყო თავადაზნაურობა, პარლამენტები, პროვინციალური შტატები და ქალაქის თვითმართველობა. ამის შემდეგ საფრანგეთის ბედი პარიზში უნდა გადაწყვეტილიყო, მეფის საბჭოში და სამინისტროებში; საბჭო და მინისტრები იკრიბებოდნენ და ყველა საქმეებს სასახლეში სწყვეტდნენ. აქ თავს იყრიდა ყველა სამოძრავო ძალები, ასე რომ სასახლე იყო რაღაც დიდი ჩარჩო, სადაც მოთავსებული იყო მეფის პიროვნება. შემდეგში ერთმა გამოჩენილმა ფრანგების მწერალმა მონტესკიემ ლიუდოვიკ მე-XIV-ს შესახებ სთქვა, რომ პარიზმა საფრანგეთი ჩაყლაპა, სასახლემ პარიზი და მეფემ სასახლეო.



მეფის სასახლეები ბრწყინვალეთ იყო მორთული. უფრო შესამჩნევია იყო ვერსალის სასახლე.

საუკეთესო მხატვრების და პოეტების ნაწარმოებები ბრწყინვალე გლფერს აძლევდა ყოველ დღესასწაულს, რომელიც სასახლეში გაიმართებოდა.

ლიუდოვიკ მე-XIV-ე მფარველობას უწევდა ხელოვნებასა და მეცნიერებას, მათზე დიდს ფულს ხარჯავდა; სამაგიეროთ მოითხოვდა, რომ მეცნიერებას და ხელოვნებას სახელი გაეთქვა მისი პიროვნებისა და მეფობისათვის. ამიტომ თავისუფალი შემოქმედება შეუძლებელი შეიქმნა. სწავლეულები და მხატვრები უნდა დამორჩილებოდნენ იმ წესებს, რომელსაც შეიმუშავებდა უმაღლესი დაწესებულებები ეგრეთ წოდებული აკადემიები. უმთავრესი როლი ეკუთვნოდა საფრანგეთის აკადემიას, რომელსაც ჰქონდა დავალებული ფრანგული ენის შესწავლა და განვითარება.

ამგვარათ ლიუდოვიკ მე-XIV-ის პიროვნება ყველაფრის ცენტრი იყო. მის გარშემო ტრიალებდა სასახლის ცხოვრება, მეცნიერებისა და მხატვრობის მიმდინარეობა და სხვა; ის იყო მაცოცხლებელი ნაკადი, რომელიც ყველას ანიჭებდა სიცოცხლეს და აძლევდა შნოს. სასახლეში არსებული განსხვავებული წესები, რომელიც ცხადათ უმტკიცებდა ყველას, თუ რა დიდი განსხვავება იყო მეფესა და დანარჩენ ხალხს შორის და აგრეთვე თავისი ღირსებების გამოჩენის უნარი და მედიდური გამომეტყველება ხელს უწყობდა ლიუდოვიკს, რომ ხალხის თვალში ამაღლებულიყო. ის ეჩვენებოდათ მათ რაღაც კერპათ, თითქმის ღმერთად და მზეთ, რომელიც იძლევა სინათლესა და ცხოვრებას და ამიტომაც მზე მეფის სახელწოდება ღარჩა მისი ისტორიაში. დიდება და სახელი ლიუდოვიკისა და მის სასახლისა ძვირათ დაუჯდა საფრანგეთს. ამან დაშალა სახელმწიფოს მეურნეობა და შთანთქა ნივთიერი ძალა ერისა, მიუხედავათ იმისა, რომ მას გენიოსი მეურნე მინისტრი გვერდით ჰყავდა. ეს იყო კოლბერი.

ეკონომიური საშუალებანი. კოლბერი და მერკანტილიზმი.

კოლბერი საშუალო ვაჭრის ოჯახის შვილი იყო (დაიბადა 1614 წ.) და საშუალო განათლება ჰქონდა მიღებული. კარიერა მან დაიწყო მაზარინის პირადი მდივნის თანამდებობიდან, რომელსაც ფულების საქმე ძლიერ არეული ჰქონდა. კოლბერმა მალე მოაგვარა ეს ანგარიშები და ამიტომ მა-

კოლბერი საშუალო ვაჭრის ოჯახის შვილი იყო (დაიბადა 1614 წ.) და საშუალო განათლება ჰქონდა მიღებული. კარიერა მან დაიწყო მაზარინის პირადი მდივნის თანამდებობიდან, რომელსაც ფულების საქმე ძლიერ არეული ჰქონდა. კოლბერმა მალე მოაგვარა ეს ანგარიშები და ამიტომ მა-



ზარინმა მეფეს წარუდგინა ის, როგორც სასარგებლო და დაუფრთხილებელი საქმიანობის მქონე. კარდინალის სიკვდილის შემდეგ კოლბერი საფინანსო საქმეებში მეფის მარჯვენა ხელი შეიქნა და 1665 წ. კიდევ მიიღო ბასუსსაგები თანამდებობა ფინანსების მინისტრისა, რომელსაც მაშინ გენერალური მეთვალყურე ეწოდებოდა. სიკვდილამდე ე. ი. 1683 წ. კოლბერი დაუღალავად მოღვაწეობდა, მისი მოღვაწეობა თავისი სიდიდით და სხვადასხვაობით საყოველთაო ყურადღებას იპყრობდა. დღეში თუთხმეტე საათის მუშაობით მან შესძლო რამდენიმე სხვადასხვა უწყების რთული საქმეების გაძლოლა; გარდა ფინანსებისა ის განაგებდა საზღვაო სამინისტროს, ხელმძღვანელობდა გზათუ ყველა საქმეებს, ერეოდა შინაურ მართველობაში, ზრუნავდა მეცნიერების და ხელოვნების აყვავებაზე და მოუსვენრად განაგრძობდა მუშაობას საფრანგეთის ვაჭრობა-მრეწველობის განვითარებაზე.

კოლბერს მეტად ეჯავრებოდა ყველა ის ძველი ჩვეულებანი, რომელნიც ძლიერ უშლიდა ხელს საფრანგეთის განვითარებას, მაგალითად: ადგილობრივი და წოდებათა უპირატესობა, სახელმწიფო თანამდებობის ანგარიშებით გაცემა, რაც უმეტესად გავრცელებული იყო სასამართლოებში, გაუგებრობა კანონებში, უსწორ-მასწორობა გადასახადების განაწილებაში, ბოროტება მათი მოკრების დროს და სხ. მას კი წარმოდგენილი ჰქონდა საფრანგეთი, როგორც საუკეთესო წესწყობილების სახელმწიფო, რომელსაც ექნებოდა საერთო სისხლის და სამოქალაქო კანონმდებლობა; ერთგვარი წესი გადასახადების მოკრებისა, რაც ხალხისთვის სამძიმო არ იქნებოდა, მხოლოდ სახელმწიფოს საჭირო ხარჯებს კი დაფარავდა; ფართოდ დაყენებული ვაჭრობა-მრეწველობა; ნამდვილი ცენტრალისტური მართველობა, რომელსაც აწარმოებენ მოხელეები განსაზღვრული ჯამაგირით და არა უწყესთ ადებულები ჯილდოთი.

ყველა ამ საკითხებზე კოლბერმა ფართო რეფორმის პროექტები შეადგინა, მაგრამ მეფის სასახლის ფუფუნებაზე გაწეულმა ზედმეტმა ხარჯებმა და ხანგრძლივმა ომებმა მას არ მისცა საშუალება, რომ ნახევარი მაინც განეხორციელებია. მეფის მიერ მუდმივ ფულის მოთხოვნამ კოლბერის უმთავრესი ყურადღება ხაზინის შემოსავლის გადიდებას მიაქცია.



კოლბერმა მოახერხა სახელმწიფოს შემოსავლის საკმაოდ გადამსახურებულ მან უმთავრესად, გაადიდა არაპირდაპირი გადასახადები, რომ ამით შემსუბუქებია მდაბიო ხალხის ტვირთი, რომელიც უმთავრესად პირდაპირ გადასახადებს იხდიდა. ამას გარდა, მან შესძლო სახელმწიფო მიწების უმეტესი ნაწილის გამოყიდვა, რაც წინანდელი მინისტრების დროს დაგირავებული იყო და სახელმწიფო ვალების ნაწილის გასტუმრება. ამასთანავე კოლბერი სასტიკად ებრძოდა ბოროტმოქმედებს სამეურნეო ნაწილში.

მთავრობის ხარჯები თანდათან იზრდებოდა, რაც სახელმწიფოს ანადგურებდა და სრულ ვაკოტრებასაც უქადდა. კოლბერის წინაშე ცხადდებოდა საკითხი საფრანგეთის სიმდიდრის და კეთილდღეობის საშუალებების გამონახვანზე, რომ შესძლებოდათ მთავრობის მოთხოვნილება ისე დაეკმაყოფილებიათ, რომ სახელმწიფო არ ვაკოტრებულიყო.


კოლბერის სამეურნეო პოლიტიკის უმთავრესი აზრი იყო, რომ სახელმწიფოს სიმდიდრის მაჩვენებელია ლითონის ფულის (ოქრო-ვერცხლის) რაოდენობა. ამიტომ ის ზრუნავდა ოქროს ფულის თანხის გადიდებაზე. ასეთ პოლიტიკას შერკანტილიზმი ეწოდება. ამ მიზნის განსახორციელებლად საჭირო იყო, რომ სახელმწიფოდგან მეტი საქონელი გაეტანათ, ვიდრე შემოეტანათ; ამისათვის კი აუცილებელი იყო ვაჭრობა-მრეწველობის განვითარება. ფულები რომ საზღვარ გარეთ არ გასულიყო, სახელმწიფოს უნდა დაეკმაყოფილებია ყველა მოთხოვნილებები ადგილობრივი ნაწარმოების საშუალებით; ამისთვის კოლბერი შეეცადა, რომ საფრანგეთში ყოველი დარგის მრეწველობა გაეგრძელებია და საზღვარგარეთელი შემოზიდული საქონლიდან ერთი ნაწილი სულ აეკრძალა და ნაწილი გადიდებული გადასახადის საშუალებით შეეზღუდა. პირიქით ნედლი მასალის გარედან შემოტანას კი ხელს უწყობდა, რომ ამით წარმოება უფრო იაფად დამჯდარიყო და ნაწარმოებს უცხო ბაზარზედაც მყიდველი ჰყოლოდა. აი ამ მიზნით ნედლი დასამუშავებელი მასალის გატანა სასტიკად აკრძალული იყო. ამგვარად შევიწროებული იყო დამზადებული ნივთების შემოზიდვა და ნედლი მასალის გატანა; ნება დართული იყო ნედლი მასალის შემოტანა და დამზადებული ნივთების გატანა. მექარხნეებსა და მწარმოებლებს კოლბერი ფულითაც ეხმარებოდა (სუბსიდია), უპირატესო-



ბასაც (პრივილეგია) აძლევდა, და საჩუქარსაც (პრემია) ურიგებდა. სწავლა-მეცნიერებას და განათლებას მან დააარსა სავაჭრო ამხანაგობები, რომელთა შორის უმთავრესი აღვლით ეკავა აღმოსავლეთ ინდოეთის ამხანაგობას. ეს ამხანაგობებიც იღებდა მთავრობისაგან ნივთიერ დახმარებას. ასეთ წესს, რომელიც ხელოვნურად ცდილობდა ვაჭრობა-მრეწველობის განვითარებას, ეწოდებოდა **პროტექციონიზმი**. პროტექციონიზმი არის მერკანტილიზმის ერთი თვისება და მეორე თვისებას კი **რეგლამენტაცია** ეწოდება, რომ საფრანგეთის მრეწველობას თვით ფრანგების გულიც მოეგო და უცხოელების ბაზარიც დაეპყრო, მთავრობას უნდოდა, რომ საფრანგეთის საქონელი საუკეთესო ღირსების გამომდგარიყო. ამიტომ მთელი ვაჭრობა-მრეწველობა ექვემდებარებოდა განსაკუთრებულ მეთვალყურეს და მტკიცე წესებს ანუ რეგლამენტებს (ამიტომაც დაერქვა რეგლამენტაცია), რომელიც მთავრობისაგან იყო გამოცემული. ასე მაგ., სისწორით იყო აღნიშნული სიგანე, სიგძე და სისქე სხვადასხვა შალეულობისა და ნაქსოვებისა. ამისთვის კოლბერმა 200-დღე სხვადასხვა წესი და ბრძანება გამოსცა. ლიუდოვიკ მე-XIV-ის მთავრობას სურდა ქვეშევრდომთა სამეურნეო ცხოვრებაზედაც განუსაზღვრელი ბატონობა ჰქონოდა.

მერკანტილური სისტემა ძალიან გამოსადეგი შეიქნა. სახელმწიფო ხაზინისთვის, ვინაიდან ფულის გამრავლებამ გაძლიერა ვაჭარ-მრეწველთა კლასები და ამან კი საშუალება მისცა მათ, რომ თავის დროზე გადასახადები შეეტანა. ამას გარდა, თვით მთავრობა აარსებდა ფაბრიკებს, რომელთა შემოსავალი ხაზინაში შედიოდა. ხაზინა ფულით ივსებოდა და იქიდან მეფეს გაჰქონდა სამხედრო და სასახლის საჭიროებისათვის. მერკანტილიზმის უმთავრესი დანიშნულება ხაზინის გავსება იყო და ვინაიდან საფრანგეთის ხაზინა სავსებით მეფის განკარგულებაში იყო, ამიტომ მერკანტილიზმა სამეურნეო ნაწილი ლიუდოვიკ მე-XIV პირად აბსოლიუტიზმს დაუქვემდებარა.

ცალკე დარგები, რომლებიც ამ დროს განვითარდა საყურადღებო იყო მაუდისა და აბრეშუმის ქსოვა, მინის კეთება და ფუფუნების საგნების მზადება. იმ დროის შესანიშნავი გობელენის ნახ-ფარდავის ფაბრიკა დღესაც მთელ ქვეყანაზე სახელგანთქმულია თავისი საუკეთესო ნაქარები და ნაქსოვი ნივთებით.



ვაჭრობა-მრეწველობაზე ზრუნვას თან მოჰყვა ახალი გზების გახსნა და მათი გაუმჯობესება. კოლბერის დროს რამდენიმე დიდი გზატკეცილი იყო გაყვანილი, უმთავრესად მოაწყეს მდინარეებზე გემებით მიმოსვლა, მის დროს გაიყვანეს შესანიშნავი ლანგედოკის არხი, რომელმაც შეაერთა ბისკაიის და ლიონის უბეები.

საფრანგეთს რომ ზღვაზე ვაჭრობა კარგათ დაეცვა, ამისათვის კოლბერმა გააწყო ფლოტი, რიცხვით სამას ხომალდამდი, ფლოტის თავშესაფრათ გააშენა მთელი რიგი გამაგრებული ნავთსადგურებისა ტულონში, ბრესტში, გაერში, ლუნკირხენში, კალეში და სხვა.

თუმცა კოლბერის სისტემას ვაჭრობა-მრეწველობაში ნაყოფიერი შედეგი ჰქონდა, მაგრამ მიწათმოქმედებაზე და სოფლის მცხოვრებლებზე საზარალო გავლენა იქონია მასალის საზღვარგარეთ გატანის აკრძალვამ, კერძოთ პურისამ, რომელიც საფრანგეთში ზედმეტი მოდიოდა, ძალიან დასცა პურის ფასები, მასთან ერთად სამუშაო ქირაც დაეცა, რაც საზიანო იყო მიწის მუშისთვის და დიდათ სასარგებლო ფაბრიკანტისთვის. კიდევ უფრო ცუდი გავლენა ჰქონდა პურით ვაჭრობის შევიწროებას სახელმწიფოს შიგნი, აუარებელი ხორბალი ხელოვნურათ თავს იყრიდა სამრეწველო ცენტრებში, სადაც მისი ღირებულება საკმაოთ ეცემოდა. ხშირათ კოლბერი ცდილობდა პურის ფასების განსაზღვრას მრეწველთა სასარგებლოთ.

ყველა ცუდი მხარეები მერკანტილიზმისა ჯონიშვნელოთ ჩაივლიდა, რომ კოლბერს მოეხერხებია და მის მიერ განზრახული მიწის მომუშავეზე მიწის გადასახადები შემცირებია, მაგრამ ომებმა და სუსხლის ხარჯებმა შეუშალეს ხელი და შემცირების მაგიერ იძულებული გახადეს, რომ გადასახადები გაედიდებია. ასეთი მოქმედების შედეგი იყო მდამიო ხალხის სიღარიბე და განადგურება, განსაკუთრებით გლეხებისა.

გამოუსწორებელი ზიანი მიაყენა საფრანგეთის მეურნეობას მეფის რელიგიურმა პოლიტიკამაც.

ლიუდოვიკ მე-XIV-ის რელიგიური და საეკლესიო პოლიტიკა.

ბუნებით ლიუდოვიკ მე-XIV-ე არც ფანატიკოსი იყო და არც მღვინელი. მხოლოდ გადამეტებულ წარმოდგენას ღვთისგან მინიჭებულ მეფის ძალა-უფლებაზე იქამდის მიჰყავდა ის, რომ თუ მისი ქვეშევრდომი



სარწმუნოებრივ სხვანაირათ აზროვნებდა, ეს მეფის ღირსების დამცემი იქნებოდა. ის ღრმად დარწმუნებული იყო, რომ ქვეშევრდომნი, როგორც სხვა მხრივ, ისე სარწმუნოების მხრივ სრულიად უნდა დამორჩილებოდნენ მეფის ნებას, ყველას მეფესავით უნდა სწამებოდა და მასავით ელოცა. აქიდგან ნათლად ჩანს, რომ იმას, როგორც კათოლიკეს, არ შეეძლო მეგობრულათ მოპყრობილა ფრანგ პროტესტანტებს. მართალია, პირველათ მას ფიქრადაც არ ჰქონდა მათი შევიწროება, მაგრამ სურდა, რომ მეფის წყალობას იგინი მოკლებული ყოფილიყვნენ. შემდეგ ფრანგების კათოლიკური სამღვდლოების ზეგავლენით მან შესცვალა თავისი პირვანდელი პოლიტიკა და დაუწყო გუგენოტებს სხვა სახით შევიწროება და დევნა. ამგვარი შევიწროება ყოველწლივ თანდათან მატულობდა: პროტესტანტებს სახელმწიფო სამსახურიდან ითხოვდნენ, უკრძალავდნენ მათ თავისუფალი პროფესიით მეცადინობას, როგორცაა: ადვოკატობა, ექიმობა, ბეჭედითი საქმე და სხვა, ამა თუ იმ მიზეზით ხან დროებით კეტავდნენ, ხან სულ ანგრევდნენ მათ ეკლესიებს, უკრძალავდნენ მათ სინოდის მოწვევას და სხვა. 1680 წლიდან შევიწროებამ უფრო მწვავე ხასიათი მიიღო. გუგენოტების გასაკათოლიკებლათ საფრანგეთის მთავრობა საუკეთესო საშვალეობათ სთვლიდა ეგრეთ წოდებულ სამხედრო ბინადრობას ე. ი. „დრაგონადას“. ეს იმაში მდგომარეობდა, რომ გუგენოტების ოჯახში თვითოულათ ჩააყენებდნენ ჯარისკაცებს, რომლებსაც არამც თუ ნება ჰქონდათ, კიდევ ევალეობდათ, რომ ოჯახის წევრები შეევიწროებიათ, ელანძლათ, ეწვალეებიათ, რომ ამის გამო მათ მწვალეობლობაზე უარი ეთქვათ. მართლაც „ბოტფორტებში გამოწყობილმა მისიონერებმა“ ისე დააშინეს საბრალო გუგენოტები, რომ რამოდენიმე ათასმა უარყო თავისი სარწმუნოება და ბევრმაც სარწმუნოების გამოცვლას არჩია სამშობლო ქვეყნის დატოვება და გაქცევა. პროტესტანტების გადასახლება სახელმწიფოსთვის სასარგებლო არ იყო, ვინაიდან პროტესტანტების უმეტესობა კარგი მექარხნეები და მოხელეები იყვნენ და თავისი წასვლით დიდი ზიანი მიაყენეს საფრანგეთის მრეწველობას; იქ კი, სადაც სახლდებოდნენ, ავრცელებდნენ თავის ცოდნას, მრეწველობას და ამით იმ ქვეყნისთვის დიდი სარგებლობა მოჰქონდათ. განსაკუთრებით ბევრი პროტესტანტი გადასახლდა ინგლისსა, გოლანდიასა და გერმანიაში, უფრო კი ბრანდენ-



ბურგის ოლქში. როცა მთავრობა ჩახვდა ამ გარემოებას, სასწრაფოდ მოსწავლა განკარგულება და სასტიკი სასჯელით აკრძალა გადასახლება, რამ გვიანდა იყო, რამდენიმე ათასი ოჯახი უკვე გადასახლებული იყო.

პროტესტანტების გადასახლებამ მეფე საკმაოდ ვერ ჩააფიქრა. პირიქით მას ეგონა, რომ „დრაგონადების“ მუშაობამ ნიადაგი მოამზადა და ნანტის ედიქტის (1685) გასაუქმებლათ ბრძანება გამოსცა. ამ ბრძანებით პროტესტანტების ეკლესიები უნდა დაენგრიათ, დაეხურათ მათი სკოლები, აეკრძალათ მათთვის — ღვთისმსახურება, კათოლიკურ მღვდლებს უნდა მოენათლათ მათი ბავშვები, პასტორები უნდა გაეძევებიათ და ვინც საზღვარ გარეთ დააპირებდა გაქცევას, კატორღაში გაეგზავნათ.

ამ ბრძანებას დიდი აღფრთოვანებით შეხვდა კათოლიკეთა უმეტესობა. საუკეთესო ორატორები და მწერლები მიუსალმებოდნენ მეფის ასეთ ნაბიჯს და სთვლიდნენ მას უდიდეს ბრძნულ და კეთილსაინო აქტათ.

მეფემ ამით მაინც ვერ მიადრწია თავის მიზანს საფრანგეთში პროტესტანტები, მიუხედავად ყოველმხრივი შევიწროებისა, მაინც ბლომათ დარჩნენ, ასე რომ მათი წინააღმდეგობის ჩაკვლა შეუძლებელი გახდა. იმათ ლიუდოვიკ მე-XIV-ს მეფობის ქუანასკნელ წლებში საიღუმლოთ მოაწყვეს თავისი საეკლესიო ცხოვრება ენევიდან მოსული მქადაგებლების შემწეობით. ეს მქადაგებლები თავგანწირულად მოდიოდნენ საფრანგეთში და მუდამ სიკვდილის წინ იღგნენ, რადგან თუ მათ მთავრობა დაიჭერდა, შეუწყნარებლათ სიკვდილით დასჯიდა.

კათოლიციზმის ბრწყინვალე გამარჯვებით და გუვენოტების დამარცხებით ლიუდოვიკ მე-XIV-ს უნდოდა საფრანგეთის კათოლიკური ეკლესიის სრულუფლებიანი ბატონი გამხდარიყო. ამ ნიადაგზე მას პაპებთანაც მოუხდა შეტაკება. ხაბაბი ამისა იყო საკითხი რევალიების შესახებ, ე. ი. მეფეს უფლება ჰქონდა ესარგებლნა შემოსავლით იმ ეპარქიებში, სადაც შემთხვევით ეპისკოპოსები არ იყვნენ. სანამ საეპისკოპოსო კათედრა თავისუფალი იყო. პაპები უარყრდნენ მეფის ამგვარ უფლებას, თუმცა საფრანგეთის ეპისკოპოსების დიდი უმეტესობა მეფის მხარეზე იყო, ვინაიდან ისინი მომხრენი იყვნენ პაპის უფლებების შეზღუდვისა საფრანგეთის ეკლესიაზე. ამ მიმართულებას, რომელიც ცდილობდა პაპის უფ-



ლება საფრანგეთის ეკლესიაზე შეესუსტებია, ისტორიაში ეწოდებოდა „**ლიკანიზმი**“. ეს გალიკანიზმი განსაკუთრებით აშკარა შეიქნა საფრანგეთის ეკლესიის საეკლესიო კრებაზე 1682 წ. მთავარმოქმედ პირათ ამ კრებაზე გამოვიდა იმ ეპოქის საუკეთესო მქადაგებელი — ეპისკოპოსი ბონიუეტი, რომლის საკათედრო ქალაქი მო იყო.

კრებამ შემდეგი ოთხი დადგენილება გამოიტანა: 1. მეფეები საერო საკითხებში არ ექვემდებარებიან სასულიერო მთავრობას, და მას არ შეუძლიან არავითარ შემთხვევაში მათი ტახტიდგან გადაყენება; 2. აღიარა საეკლესიო კრების უმაღლესობა პაპზე (რაც კონსტანციის საეკლესიო კრებაზე აღიარებულ იქმნა), 3. საეკლესიო კანონები, წესები და ჩვეულებანი მიღებული საფრანგეთში უცვლელად უნდა დარჩენილიყო; 4. პაპის მიერ გადაწყვეტილი ესა თუ ის სარწმუნოებრივი საკითხი, თუ ის ეკლესიისგან არ იქნებოდა მოწონებული, უნდა შეცვლილიყო; ამ „დეკლარაციის“ სასტიკ მოწინააღმდეგეთ გამოვიდნენ პაპები, რომლებმაც კრების მონაწილენი მწვალებლებათ გამოაცხადეს. ბრძოლა ათ წელს გაგრძელდა და პაპების სრული გამარჯვებით დასრულდა. ლიუდოვიკ მე-XIV-ე იძულებული შეიქნა, რომ ოთხივე მუხლი უარეყო. ამგვარათ მზემფეთის საეკლესიო კრებაზე შეიქმნა რომის ეკლესიის ძლიერება.

ლიუდოვიკ მე-XIV-ს ხაზარეთ პოლიტიკა და მისი სამხედრო რეფორმები.

ლიუდოვიკ მე-XIV-ე თავის საგარეო პოლიტიკაში ცდილობდა ორი მიზნის განხორციელებას. პირველი ნაკარნახევი ჰქონდა წინამოადგილეები საგან და შესდგებოდა საფრანგეთის ჩრდილო-აღმოსავლეთის საზღვრების გაფართოვება-შემორგვალებაში ისპანიის (ბელგია და ფრანშკონტე) და საიმპერიო მამულების (გერმანიის სამთავროები რენის მარცხენა ნაპირზე) შემოერთებით. მეორე მიზანი იყო მეფის პირადი თავმოყვარეობის დაკმაყოფილება, რაც ენებათ ჰქონდა გადაქცეული. გაფართოვება და შემოზღუდვა გაშლილ ჩრდილო-აღმოსავლეთ საზღვარსა, განსაკუთრებით ბელგიის და ფრანშკონტეს მხრივ, სადაც მოსახლეობდნენ ფრანგების მონათესავე რომაელები, საფრანგეთისთვის აუცილებელ საჭიროებას შეადგენდა. ამ მიზნის განხორციელების დროს მისთვის წინააღმდეგობა უნდა გაეწია ერთის მხრივ ისპანიას და იმპერიას*),

*) იმპერია ეწოდებოდა რენის მარცხენა ნაპირზე მდებარე გერმანიის სამთავროებს.



მეორეს მხრივ ჰოლანდიას, რომლისთვის ძლიერ ხელსაყრელი ზობლით ჰყოლოდა სუსტი ისპანია, რომელიც ვერც თავს დაესხმო ხედრო ძალების სისუსტის გამო და ვერც ვაჭრობა მრეწველობაში გაუწევდა მეტოქეობას, და ყოველ მხრივ ძლიერი საფრანგეთის მეზობლით ყოლა კი სახიფათო იყო. ამგვარათ ბრძოლა ზემო აღნიშნულ სამ სახელმწიფოთა შორის აუცილებელი იყო. საფრანგეთის საუბედუროთ, ლიუდოვიკ მე-XIV-ს მედიდურობა და თავმოყვარეობა არ დააკმაყოფილა სახელმწიფოს ჩრდილო-აღმოსავლეთ საზღვრების გაფართოვებამ. გამსბურგთა დინასტიის შეწყვეტის შემდეგ ისპანიაში, ლიუდოვიკემ გადასწყვიტა მთელი ისპანიის მიწა-წყლის შემოერთება. ამ განზრახვამ და მასთან არაჩვეულებრივმა ამაყობამ და სხვა მეფეების ღირსებისა და უფლების ათვალისწინებამ, ლიუდოვიკე ყველას შეაძულა და ბოლოს საფრანგეთის წინააღმდეგ დაირაზმენ ყველა ევროპის სახელმწიფოანი, რამაც საფრანგეთი კინაღამ სრულიად არ დაღუპა. დაპყრობითი პოლიტიკის საწარმოებლით ლიუდოვიკს საუკეთესო და მრავალრიცხოვანი ლაშქარი სჭირდებოდა. სამხედრო საქმეებში მისი უმთავრესი თანაშემწეები იყვნენ მინისტრი **ლუვუა** და მარშალი **ვობანი**. ლუვუამ სამხედრო საქმეში, ბევრი რამ გააკეთა: ჯარი გაადიდა, დისციპლინა დაამყარა, ომში გამოსადეგი ოფიცრები მოამზადა. იარაღი და სურსათი გააუმჯობესა. მანვე შემოიღო ჯარში განსხვავებული ფორმა, რომელიც ცალკე ნაწილებს ფართაირ წესიერ სახეს აძლევდა. ვობანი შესანიშნავია, როგორც საინჟინერო ნაწილის გარდაშქნელი.

განსაკუთრებული ყურადღება მიაქცია მან ქალაქების ხელოვნურათ გამაგრებას და ალყის შემორტყმას. მისი ნიჭის წყალობით ლიუდოვიკმა ბევრი ისეთი ციხე ქალაქი აიღო, რომელიც მიუდგომლით ითვლებოდა. იმ დროის სარდლებ შორის განსაკუთრებით ყურადღებას იქცევენ მარშალი **ტიურენი** და პრინცი **კონდე**, რომლებმაც სახელი გაითქვეს ცხენოსანთა რაზმების შეტევით.

ლიუდოვიკ მე-XIV-ე აწარმოებდა ოთხ ომს:

პირველი (1667—1668) მან დაიწყო ისპანიასთან იმ შიზნით, რომ ბელგია დაეპყრო. მაგრამ რადგან ისპანიას დაეხმარა გოლანდია, ინგლისი და შვეიცია, ლიუდოვიკე იძულებული შეიქნა ახენში ზავი შეეკრა და



ისპანიისაგან ბელგიის საზღვარზე მხოლოდ 12 ციხე მიეღო. მეფე ლეოპოლდი (1672 — 1678) ლიუდოვიკს უნდოდა პოლანდიის სრული დამცირება იმ საქციელისთვის, რომელიც მან პირველი ომის დროს ჩაიდინა.

ამ შემთხვევაში მან მოახერხა და მიიმხრო შვეცია და ინგლისი. საფრანგეთის ჯარმა მალე პოლანდიის უმეტესი ნაწილი დაიპყრო, მაგრამ თვით პოლანდიელებმა გახსნეს წყლის საგუბრები (შლიუზები) შემოაღწევს წყალი და შეაჩერეს მტრის წინსვლა. ამ წინააღმდეგობის მეთაური იყო შტატალანტერი ორანელი პრინცი ვილჰელმი, რომელმაც ის იყო დაამხო არისტოკრატიულ ვაჭართა პარტიის ბატონობა, რომელსაც ხელმძღვანელობდნენ ძმები დე-ვიტი, მალე პოლანდიას მიემხრნენ იმპერია და ისპანია. ბოლოს ლიუდოვიკე იძულებული გახდა უარი ეთქვა პოლანდიის დაპყრობაზე, მაგრამ სურდა სამაგიერო აენახლაურებია ისპანიის მხრივ, რომელსაც უნდა დაეთმო მისთვის ფრანკონტე და კიდეც (12) თორმეტი მოსახლდრე ქალაქი. პოლანდიამ დაიბრუნა უკან მტრისგან დაპყრობილი მიწა-წყალი. ზავი შეიკრა ქ. ნიმევენში 1678 წელს.

ნიმევენის ზავი არის უმაღლესი წერტილი საფრანგეთის გაძლიერებისა, ვინაიდან იმპერია დასუსტებული იყო და თანაც ოსმალებთან ომს აწარმოებდა, ისპანია და პოლანდია კი ძალა გამოლევული იყვნენ, ლიუდოვიკ მე-XIV-მ გადასწყვიტა სრული მშვიდობიანობის დროსაც კი დაპყრობითი პოლიტიკა ეწარმოებო. საფრანგეთის აღმოსავლეთის ზოგიერთ ქალაქებში დააწესა განსაკუთრებული სასამართლოები, ეგრედწოდებული „შემოერთების პალატები“, რომლებსაც უნდა განეხილა, რომელი მიწები ეკუთვნოდა საფრანგეთს იმპერიის საზღვარზე. ასეთი სასამართლოების დადგენილებით მან შემოიერთა რამდენიმე საიმპერიო მიწები, მათ შორის ქ. სტრასბურგი.

ასე დაურიდებლათ მიწების მითვისებამ ევროპის საზოგადოება საშინლათ ააღელვა. ლიუდოვიკს უსახლვრო უფლებების მოყვარეობას წინ გადაუდგა ვილჰელმ ორანელი, რომელიც 1688 წელს ინგლისში გამეფდა. საფრანგეთის წინააღმდეგ შესდგა კოალიცია, რომელშიაც შედიოდნენ იმპერია, ისპანია, შვეცია, ინგლისი, პოლანდია და სავოია. რამი წარმოებდა ცხრა წლის განმავლობაში (1688 — 1697), ხან ერთი მხარე იმარჯვებდა ხან მეორე, განსაკუთრებით სიმკაცრეს იჩენდა საფრანგეთი, რო-



და იმპერატორათ კარლოს მე-VI-ის სახელით. თითქოს განგებამ დაიწყო —
 ლა მას კარლოს მე-V-ის ყოფილი იმპერიის აღდგენა, მაგრამ საკმარისა-
 რეებს — ჰოლანდიასა და ინგლისს სრულიადაც არა სურდათ ავსტრიის
 ჰაბსბურგების ზედმეტი გაძლიერება. 2. ინგლისში გადადგა ომის მომხრე
 სამინისტრო და ძალა-უფლება გადავიდა უფრო მშვიდობიანობის მომხრე
 პარტიის ხელში; ამის გამო ინგლისმა და ჰოლანდიამ დიდათ ხელსაყრელი
 ზავის პირობები წაუყენეს საფრანგეთს. ამ სახელმწიფოთა შორის ზავი
 ჩამოგდებულ იქმნა უტრეხტში 1713 წ. საფრანგეთმა დაუთმო ინგლისს
 ზოგიერთი მიწები ჩრდილოეთ ამერიკაში (ნიუ-ფაუნდლენდი, ახალი შოტ-
 ლანდია და სხვა), ისპანია — გიბრალტარი, ჰოლანდიამ მიიღო უფლება
 დაეკავებია თავის ჯარით ნიდერლანდის საზღვარზე მდებარე ზოგიერთი
 ციხე, ისპანია ახალშენებით ფილიპე ანჟუელს დარჩა. იტალია, ნიდერ-
 ლანდი, მილანი, ნეაპოლი და სარდინია უნდა გადასულიყო კარლოს მე-VI-ს
 ხელში, რომელმაც საფრანგეთს ზავი შეუკრა ერთი წლის შემდეგ ქ. რაშ-
 ტატში (1714).

სავოიამ სიცილია მიიღო, რომელიც შემდეგ გასცვალა სარდინიაზე.
 ისპანიის მემკვიდრეობაზე აღძრულმა ომმა ძლიერ დაზარალა საფ-
 რანგეთი და ძალიან დასცა მისი მნიშვნელობა ევროპაში.

ამნაირათ კარლოს მე-V-ის და ფილიპე მე-II-ის დროს ჰაბსბურ-
 გების უფროსობის და საფრანგეთში ლიუდოვიკ მე-XIV-ის ბატონო-
 ბის შემდეგ ევროპაში დამყარდა პოლიტიკური სწორწონაობა.

რაშტატის ზავის ერთი წლის შემდეგ ლიუდოვიკ მე-XIV-ე გარდაი-
 ცვალა, სახელმწიფო კი დაზარალებული დარჩა, ხაზინა ცარიელი იყო,
 მეურნეობა დაცემული და ვალი დიდი.

იმ დროს, როცა საფრანგეთში ლიუდოვიკ მე-XIV-ის აბსოლიუტიზ-
 მი ვითარდებოდა და უმაღლეს განვითარებას მიიღწია, ინგლისი მკაცრ ბრძო-
 ლას განიცდიდა, რომლის შემდეგ სრულიად დამარცხდა.



მეორე თავი.

ბრძოლა აბსოლიუტიზმსა და პარლამენტ შორის ინგლისში

სტიუარტების დინასტია. მათი ბრძოლა პარლამენტთან.

ინგლისის პარლამენტი საკმაოდ დასუსტებული ტიუდორების დინასტიის მეფობის დასაწყისში, ხელახლა გაძლიერდა ელისაბედის მეფობის დროს

ვაჟი-მრეწველ კლასთა აღორძინების გამო. იმავე დროს მიუხედავად სასტიკი დევნისა, ინგლისში უფრო და უფრო გავრცელდა კალვინიზმი თავისი წმინდა სახით, რომელსაც ეწოდებოდა პურიტანიზმი. მე-XVII-ე საუკუნის დასაწყისში კალვინისტებს ანუ, როგორც მათ უწოდებდნენ „პრესვიტერიანებს“ დიდი უმეტესობა ჰყავდათ თემთა პალატაში. პრესვიტერიანები და პურიტანები ძლიერ მტრულათ უყურებდნენ ანგლიკანურ ეკლესიას, რადგან ის ბევრში მოაგონებდა მათ კათოლიციზმს. ამგვარათ თემთა პალატაში მე-XVII-ე საუკუნის დასაწყისში ორი უმთავრესი მისწრაფება ჩამოყალიბდა: 1. პოლიტიკურ სფეროში პარლამენტს უნდა ჰქონოდა მუდმივი და გადაწყვეტი გავლენა; 2. სარწმუნოებრივ სფეროში უნდა გაეფუძეულიყო პრესვიტერიანთა ეკლესია.

სტიუარტების დინასტიას, რომელიც ელისაბედის სიკვდილის შემდეგ იაკობ I ტახტზე ასვლით ინგლისში გაიშეფა (1603—1625), სრულებით არ უნდოდა სათემო პალატის მისწრაფებისთვის ანგარიში გაეწია. მეფეები სტიუარტების გვარისა პოლიტიკურათ აბსოლიუტიზმის მომხრენი იყვნენ და რელიგიურათ ანგლიკანიზმისა, თანაც ყოველთვის ჰქონდათ მიდრეკილება კათოლიკურ ეკლესიასთან დაახლოვებისა.

ცხადია, რომ სტიუარტებსა და პარლამენტს შორის ბრძოლა აუცილებელი იყო. ეს ბრძოლა რთულდებოდა იმიტ, რომ ანგლისში არ იყო მარტივი და სრული კანონი. თუ არ ვიგულისხმებთ უკვე მოძველებულ თავისუფლების დიდს სიგელს (1215), რომელსაც უნდა განესაზღვრა მეფისა და პარლამენტის უფლება. ასეთი კანონის უქონლობა ართულებდა სადამო საკითხებს და აიძულებდა მათ საკითხები გადაეწყვიტათ ჩვეულებრივ წინანდელი შემთხვევების მიხედვით, ანუ, როგორც ამბობდნენ უნდა მიემართათ „პრეცედენტისთვის“. მაგრამ პრეცედენტებიც სხვადასხვა ხასიათისა იყო: ხან მეფის სასარგებლოთ იყო, ხან პარლამენტის.



ბრძოლა მეფესა და პარლამენტს შორის დაიწყო იაკობ I-ის მფარველობის მისი მეფობის დასაწყისში კათოლიკეებმა მოაწყეს ეგრეთ წოდებული „ასაფეთქებელი შეთქმულება“ და სურდათ მთელი პარლამენტის შეფითურთ აფეთქება, ამ სურვილმა ყველანი გააერთიანა საერთო მტრის კათოლიციზმის საწინააღმდეგოთ. მაგრამ სულ მალე იაკობ I-ის ანგლიკანური ხასიათის განცხადებამ: „არ არსებობს მეფე უეპისკოპოსოთა“, ძლიერ წაახდინა საქმე. გარდა სარწმუნოებრივი წინააღმდეგობისა, პარლამენტს დიდათ აღეფეგებდა მეფის შემდეგი მოქმედებანი: 1. თავის ნებით გადასახადების გაწერა და მოკრება; (პალატების ნებადაურთველათ); 2. ფართო მფარველობა უღირსი ნათესავისა, რომელსაც დანაშაულობის დროს იაკობი ყველას უწყევდა ხოლმე. 3. თვითნებურ სასამართლოს განაჩენის გამოტანა, რის განსახორციელებლათ ის სარგებლობდა ორი უმაღლესი სასამართლოთი „ვარსკვლავთ პალატ“-ით სახელმწიფო საქმეებისთვის და „უმაღლესი კომისიით“ სარწმუნოებრივ საკითხებში; 4. საგარეო პოლიტიკაში გადადგმული ნაბიჯი, როცა ის ერთ დროს აპირებდა დაახლოვებას ისპანიისას, რომლის გახსენებაც კი ეზიზღებოდათ ინგლისის პროტესტანტებს. ამას ისიც დაემატა, რომ იაკობი აწარმოებდა საფრანგეთთან საზარალო ომს და ოცდაათწლიან ომში სუსტ დახმარებას უწყევდა თავის სიძეს ფრიდრიხ პფალცელს, რომელიც პროტესტანტების უნიის მეთაური იყო.

ყველა ზემოაღნიშნული გარემოებანი, რაც მეფესა და პარლამენტს შორის ბუნებრივ უკმაყოფილებას იწვევდა, ძალაში დარჩა იაკობის მემკვიდრის კარლოს I-ის მეფობაში (1625—1649).

ბრძოლა მეფისა პარლამენტთან კარლოს I დროს რევოლუციის დაწყებამდე.

კარლოს I გარეგნულათ გაცილებით სჯობდა თავის უხეშ და უბატონსო მამას. მას თავისი იმეოთი სილაშხით, თავაზიანი მოქცევით და საუცხოვო მიხრა-მოხრით ვაოცებაში მოჰყავდა ხალხი. თავის კერძო ცხოვრებაში ის იყო საუკეთესო მამა ოჯახისა, პატროსანი და ერთგული ამხანაგი და მუდამ დამცველი თავისი სიტყვისა. საუბედუროთ სახელმწიფო მოღვაწეობაში ის შესაძლოთ და თითქმის აუცილებლათაც სთვლიდა მოტყუებასა და დალატს, რადგან მათი საშე-



ლებით მტრებს უფრო ადვილათ დაამარცხებდა. ამ საშვალეებში მან უაღრესათ ისარგებლა, მაგრამ ამით მან თავისი დაღუპვის ნიადაგი ამზადა.

მეფობის პირველ ხანებში კარლოს I-ს გავლენიან მრჩეულათ ჰყავდა ბოროტი გენიოსი ჰერცოგი ბეკინგენი, რომელიც მამა მისის იაკობ I საყვარელი პიროვნება იყო. ბეკინგენი თვითონ არაჩვეულებრივი ფულის მფლანგველი და მექრთამე იყო და მეფეც ამ გზით მიჰყავდა. პარლამენტი ამაზე მეტათ გაჯავრებული იყო. როცა მეფემ საფრანგეთთან ომი წაავთ, პარლამენტს მოთმინების ფილაც აევსო. 1628 წ. მოწვეულმა პარლამენტმა გამოუცხადა მეფეს, რომ ის ფულით დახმარებას ომის საჭიროებისთვის მანამდე ვერ მიიღებს, სანამ არ დაამტკიცებს ქვედა პალატის მიერ შემუშავებულ „პეტციას უფლებათა შესახებ“ (1628).

პეტიცია შესდგებოდა სამი მუხლისაგან: 1. ვერც ერთ მოქალაქეს ვერ დაძალებენ ისეთი გადასახადის გადახდას, რომელიც პარლამენტის მიერ არ იქნებოდა დამტკიცებული. 2. არც ერთი მოქალაქის დატყვევება არ შეიძლებოდა ისე, თუ დატყვევების მიზეზს სასამართლო არ დაადსტურებდა. 3. სამხედრო სასამართლოს მოქმედება და სამხედრო ბინადრობა მშვიდობიანობის დროს შეჩერებული უნდა ყოფილიყო.

„პეტიცია უფლებათა შესახებ“ არის ერთი უმთავრესი კანონთაგანი, რომელიც დღესაც ინგლისის სახელმწიფო წყობილების საფუძვლათ ითვლებოდა. ამ „პეტციით“ პარლამენტს სურდა ინგლისის სახელმწიფოებრივ ცხოვრებაში ორი დიდი აქტის განმტკიცება. I პარლამენტის განსაკუთრებული უფლება გადასახადების შეკრების შესახებ; და მე-II-ე მოქალაქეთა პიროვნების უზრუნველყოფა.

მეფემ ძალიან გაკვირვებით დაამტკიცა პეტიცია, მაგრამ იმედი ჰქონდა, რომ მოხერხებულ დროს ის უარყოფდა მას.

ერთი წლის შემდეგ თვით ბეკინგენი მოკლეს, მაგრამ მეფის დამოკიდებულება პარლამენტთან არამც თუ არ გაუმჯობესდა, პირობით კიდევ გაუარესდა იმის გამო, რომ პარლამენტმა კრიტიკის ქარცეცხლში გაატარა მთავრობის რელიგიური პოლიტიკა, რომელიც ნაკარნახევი იყო გადაქარბებული ანგლიკანური სიმპატიებით. აშფოთებულმა კარლოს I დაითხოვა პარლამენტი, დაატუსაღა ქვედა პალატის მეთაური ელიოტი — და




უპარლამენტოთ დააპირა სახელმწიფოს მართვა-გამგეობა: ამგვარად დადგა კარლოს I-ის თერთმეტწლოვანი უპარლამენტო მეფობის წინააღმდეგ.

მეფემ გამოახაზა ორი ენერგიული დანაშემწე: **თომა ვენტვორტი**, რომელიც შემდეგ გრაფის ხარისხზე აიყვანა **სტრაფფორდის** სახელწოდებით და ლონდონის მთავარ ეპისკოპოსი **ლოუდა**.

სტრაფფორდი გულგრილათ ეპყრობოდა რელიგიურსაკითხებს, იმას მარტო მეფის უფლებების გაძლიერება აინტერესებდა. ის ჰბაძავდა კარდინალ რიშელიეს, რომელიმაც სარწმუნოება გამოიყენა აბსოლუტიზმის განსავითარებლათ. სტრაფფორდი დაინიშნა ირლანდიის მართველათ და აქ საუკეთესო მართველობა შემოიღო, მოამზადა მეფისთვის ერთგული ჯარი, ვინაიდან ის დარწმუნებული იყო, რომ აღრე თუ გვიან მეფეს ის დასკირდება ურჩი ქვეშევრდომების დასამორჩილებლათ. ლოუდი კი სულ სხვა გზას დაადგა; მან პირველ რიგში საეკლესიო საკითხები წამოაყენა, როგორც დიდი მოტრფიალე ანგლიკანური ეკლესიისა, ის ოცნებობდა ინგლისში არსებული სხვადასხვა რელიგიური პარტიების მოსპობას და ამისთვის ის სარგებლობდა იმ უკიდურესი საშუალებით, რომელსაც სახელდახელოთ აძლევდა მას უმაღლესი კომისია თავისი განაჩენებით. ლოუდის ანგლიკანიზმი ისე უახლოვდებოდა კათოლიციზმს, რომ საზოგადოებასა და ხალხში დადიოდა ხმები, თითქოს მთავარ ეპისკოპოსს ინგლისის რომთან შერიგება ნდომოდეს. ეს ხმები კიდევ უფრო ამწვავებდა მთავარ ეპისკოპოსის მდგომარეობას და საზავიეროთ აძლიერებდა პრესვიტერიანელების პარტიას.

მეფეს რომ ფული გამოენახა იძულებული იყო უკანონო მოქმედებისთვის მიეპართა. 1634 წ. მან გამოაცხადა ეგრეთ წოდებულ „**საფლოტო გადასახადი**“. ზოგიერთ შემთხვევაში მეფეები ასეთ გადასახადს პარლამენტის დაუკითხავად კრებდენ განსაკუთრებით ახლო მდებარე საგრაფოებიდან და ქალაქებიდან, ისიც ფლოტის სასარგებლოდ, როცა გარეშე მტრისაგან მარცხს მოელოდენ. კარლოს I-მა მოისურვა ამ გადასახადის მოკრება მშვიდობიანობის დროს ხალხისგან და არა ფლოტისთვის, არამედ სხვა საჭიროებისთვის ამის გამო ერთმა ახნაურმა **გეშადენმა** უარი სთქვა მასზედ შეწერილი 20 შილინგის გადახდაზე. მთავრობამ ის სამართალში მისცა და მოსამართლეებმა მეფის შიშით დამნაშავეთ იცვენეს. ეს



სასიკვდილო განაჩენი იმავე დროს ინგლისის თავისუფლებისთვის სიკვდილო იყო. სულ მალე შეიცვალა გარემოება ლოუდმა განაჩენი ანგლიკანიზმის შემოღება შოტლანდიაში, სადაც პრესვიტერიანული ეკლესია საკმაოდ ძლიერი იყო. ამის საპასუხოდ შოტლანდიელებმა განაჩენს კოვენანტი ე. ი. კავშირი პრესვიტერიანულ ეკლესიის დაცვისა და ამხობების დროშა აღმართეს. მეფის ჯარი დამარცხდა, ინგლისში ხალხის სულის კვეთება შეიცვალა მეფის საწინააღმდეგოდ, მეფეს კი ფული არ გააჩნდა. ყველა ამან აიძულა მეფე, რომ პარლამენტი მოეწვია, რომელთანაც მას რამდენიმე კვირის შემდეგ უთანხმოება მოუვიდა და კიდევ დაითხოვა. თუმცა, ახალმა დამარცხებებმა აიძულა მეფე, რომ ახალი პარლამენტი მოეწვია (1640). ამ ხნიდან იწყება ნამდვილი ბრძოლა მათ შორის.

ხანგრძლივი პარლამენტი. განხეთქილება მეფესა და პარლამენტს შორის.

1640 წ. კარლოს I მიერ მოწვეულ მეორე პარლამენტს ისტორიაში ეწოდება „ხანგრძლივი“, ვინაიდან ის განაგებდა სახელმწიფოს 12 წლის განმავლობაში (1640 — 1653). ხანგრძლივი პარლამენტის თითქმის ყველა წევრები, როგორც ზედა, ისე ქვედა პალატის, ერთხმად ჰკიცხავდნენ მეფისა და მისი მთავრობის უკანონო მოქმედებას იმ ხნის განმავლობაში, როცა პარლამენტი დათხოვნილი იყო. პარლამენტის წევრთა ასეთმა ერთსულოვნებამ აიძულა მეფე, რომ დათხოვის გზას დადგომოდა. მიღებულ იქნა კანონი, რომლის ძალით პარლამენტი ყოველ სამ წელში ერთხელ მაინც უნდა მოწვეულიყო. საფლოტო გადასახადი უკანონოდ აღიარეს და განაჩენი გემპლენის შესახებ გააბათილეს აგრეთვე გააუქმეს ვარსკვლავთა პალატა და უმაღლესი კომისია. გადასახადების შეკრება უნდა მომხდარიყო მხოლოდ პარლამენტის ნებადართვით. ხანგრძლივი პარლამენტი ბოლოს იქამდე მივიდა, რომ მოითხოვა, მეფეს არ ჰქონოდა უფლება პარლამენტი დაეთხოვა ისე, თუ თვით პარლამენტი ამის თანახმა არ იქნებოდა. მეფე ყველაფერზე დასთანხმდა, რადგან ეშინოდა, რომ უარისთვის იმას აწამებდნენ. სხვათა შორის მან იმის ნებაც კი მისცა პარლამენტს, რომ მისი უფროსი თანაშემწე და მოსამსახურე — გრაფი სტრაფფორდი გაესამართლებიათ და სიკვდილით დაე-

დასჯათ. ხანგრძლივი პარლამენტი ბოლოს იქამდე მივიდა, რომ მოითხოვა, მეფეს არ ჰქონოდა უფლება პარლამენტი დაეთხოვა ისე, თუ თვით პარლამენტი ამის თანახმა არ იქნებოდა. მეფე ყველაფერზე დასთანხმდა, რადგან ეშინოდა, რომ უარისთვის იმას აწამებდნენ. სხვათა შორის მან იმის ნებაც კი მისცა პარლამენტს, რომ მისი უფროსი თანაშემწე და მოსამსახურე — გრაფი სტრაფფორდი გაესამართლებიათ და სიკვდილით დაე-



საჯათ. ლოუდიც დაიჭირეს, მაგრამ გასამართლება და წამება მესამე მას შემდეგ, როცა მეფესა და პარლამენტს შორის განხეთქილება

ყველა ზემო აღნიშნულ საკითხებს პარლამენტი ერთსულოვნათ შეხვდა, თუმცა მალე ეს ერთსულოვნება დაირღვა. ირლანდიაში მოხდა კათოლიკეთა ამბოხებამ და შეუბრალებლათ დახოცეს საბრალო პროტესტანტები, რომლებიც სრულიად მოუშხადებელი იყვნენ, რადგან არაფერს ამის მზგავსს არ მოელოდნენ. აუცილებელი იყო ირლანდიაში ჯარის გაგზავნა, მაგრამ სათემო პალატის უმეტესობას არ სურდა წინამძღოლობა მეფისთვის მიენდოთ, ვინაიდან ეშინოდათ, რომ მეფემ ამ ჯარს პარლამენტის საწინააღმდეგოთ მოიხმარდა. ბევრი ლორდი კი ამტკიცებდა, რომ სახელმწიფოში ჯარის უმაღლესი ხელმძღვანელობა მეფის უფლებაა და ეს მის პრეროგატივას შეადგენს.

ამ საკითხმა პარლამენტი ორ დიდ პარტიათ დაჰყო: ერთს უწოდებდნენ კავალერებს და მეორეს თავმრგვალებს. პირველი სჭარბობდა ლორდთა პალატაში, ემხრობოდა ანგლიკანურ ეკლესიას და სურდა პარლამენტსა და მეფეს შორის განწყობილება დაეცვა. მეორე ბატონობდა თემთა პალატაში (თავმრგვალი ეწოდებოდათ იმიტომ, რომ თმას მრგვალათ იკრებდნენ). თავმრგვალებს წინამძღოლობდა პიმი და გემპდენი, რომლებიც პრესვიტერიანული ეკლესიის მხარეზე იყვნენ, სახელმწიფო საქმეების გადაწყვეტაში მათ სურდათ, რომ უპირატესობა ჰქონოდა საერთოთ პარლამენტს, კერძოთ კი თემთა პალატას. თავმრგვალები უკიდურეს შემთხვევაში მზათ იყვნენ მეფესთან ბრძოლაში გასულიყვნენ, კავალერები კი, როგორც მეფესთან უფრო ახლო მდგომნი, მასთან ბრძოლას უკანონოთ და შეუძლებლათ სთვლიდნენ. გარდა ამისა თავმრგვალები მოითხოვდნენ ეპისკოპოსების დათხოვას ლორდთა პალატიდან, რასაც კავალერები, თუნდა უნაყოფოთ, მაგრამ მაინც ეწინააღმდეგებოდნენ.

მეფე ძლიერ გაჯავრებული იყო თავმრგვალების მეთაურებზე და რომ მათგან თავი დაეხსნა, გადასწყვიტა მათთვის სახელმწიფოს დალატი დაებრალებია და უკანონოთ დაეტყვევებია. ამ განზრახვით თუმცა თვითონ მეფე მივიდა შეიარაღებული ძალებით თემთა პალატაში, რომ დაეტყვევებია პიმი, გემპდენი და კიდევ სამი მეთაური, მაგრამ ეს განზრახვა მაინც არ აღსრულდა. ამ ნაბიჯმა ისეთი მტრული განწყობილება შექმნა



ლონდონში, რომ მეფემ გადასწყვიტა ლონდონიდან გასვლა, მღვე პარლამენტსა და მის შორის ყოველივე დამოკიდებულება შეწყდა. ორივე პარტია მეფის და პარლამენტისა, დიდი ფაცა-ფუცით შეუდგა ომისთვის მზადებას. მეფეს დახმარებინა იმედი ქონდა ჩრდილო და დასავლეთ ინგლისისა, სადაც იმ დროს მსხვილი შემამულეთა არისტოკრატია სჭარბობდა, პარლამენტი კა ემყარებოდა სახელმწიფოს აღმოსავლეთ და სამხრეთ ნაწილებს, სადაც მსხვილი სამრეწველო და სავაჭრო ადგილები იყო. ბრძოლაში მონაწილეობას იღებდენ არისტოკრატია და საშუალო კლასი, წვრილი გლეხობა კი ამ ბრძოლაში არავითარ ინტერესს არ იჩენდა. საგულისხმოა ისიც, რომ პარლამენტს დიდხანს ჰქონდა იმედი მეფესთან შერიგებისა და სრულიადაც არ ფიქრობდა თუ მონარქია დაინგრეოდა.

სამოქალაქო ომი. ინ-
დენებენდენტების გამო-
სვლა. მეფის წამება.

ბრძოლა მეფესა და პარლამენტს შორის გაჭი-
ანურდა, ხან ერთი მხარე იმარჯვებდა, ხან მეორე.
ამას ხელს უწყობდა გაუბეღავი მოქმედება პარლა-

მენტის არმიის ბელადებისა — **გრაფ ესეკსისა და ლორდ მანჩესტერისა**. მათ მუდამ სახეში ჰქონდათ მშვიდობიანათ საქმის მოგვარება კარლოს I-თან და ამიტომ არც ისე ენერგიულათ მოქმედებდენ, რადგან მეფე ნამდვილ მტრათ არ მიაჩნდათ. ომის ხასიათი არსებითად შეიცვალა, როცა ჯარში უმთავრესი გავლენა ე. წ. „**ინდენებენდენტების**“ პარტიამ მოიპოვა. ინდენებენდენტები უკიდურესი მიმართულებისა იყვნენ სახელმწიფო და საეკლესიო საკითხებში, ანგლიკანებსა და პრესვიტერიანებს სურდათ ხალხისთვის თავზე მოეხვიათ სახელმწიფოს დახმარებით თავისი სარწმუნოება და საეკლესიო წესწყობილება, ინდენებენდენტები კი ფიქრობდენ, რომ თემება სარწმუნოებრივ ცხოვრებაში სრული დამოუკიდებელნი უნდა ყოფილიყვენ სახელმწიფოსაგან. ხელმძღვანელობდენ რა ასეთ შეხედულებით, ისინი მოითხოვდენ ეკლესიის გამოყოფას სახელმწიფოდან და სარწმუნოებრივი თავისუფლების დამყარებას. მეფესთან ბრძოლაში ისინი მოითხოვდენ მკაცრი ნაბიჯების გადადგმას და მზათ იყვნენ მონარქია სავსებით გაეუქმებიათ. ინდენებენდენტებში ძლიერი მისტიური სული ტრიალებდა, მათ სწამდათ, რომ ისინი ღვთისაგან არჩეულნი იყვნენ, ასეთ



სულისკვეთებას უფრო ნათლათ გამოხატავდა მათი ხელმძღვანელები
ვერ კრომველი.

ოლივერ კრომველი შეძლებული აზნაურის შვილი იყო, მან მიიღო წმინდა პურიტანული აღზრდა და ადრიდგანვე დიდი მოწინააღმდეგე იყო კარლოს I-ის. როცა სამოქალაქო ომი ასტყდა, კრომველმა შეადგინა კავალერიის პოლკი შეძლებული გლეხებისა და მოიჯარადრებისაგან, რომლებმაც თოფი ხელში აიღეს იმიტომ კი არა, რომ ქონება შეეძინათ, იმიტომ რომ ღრმად დარწმუნებული იყვნენ, ისინი ასრულებდნენ თავის მოვალეობას ღვთისა და სამშობლოს წინაშე. კრომველის პოლკმა მალე ისახელა თავი სამაგალითო დისციპლინით და ომში სიმამაცით. ცხენოსან ჯარის ასეთ გაშმაგებულმა ბრძოლამ არგუნა პარლამენტის ჯარს უმთავრესი გამარჯვებები. პარლამენტის არმიის ხელმძღვანელების გაუბედავი მოქმედებით, აღშფოთებულმა კრომველმა პარლამენტში გაატარა კანონი, რომელიც უკრძალავდა პარლამენტის წევრს წევრობის დროს რომელიმე საზოგადო ან სამხედრო თანამდებობა ჰქონოდა. გამოინაკლისს მხოლოდ თვით კრომველი შეადგენდა. ამ კანონის გამო ესეკსმა და მანჩესტერმა სამსახურს თავი დაანებეს და მათ მაგიერ მთავარსარდლათ დაინიშნა მეგობარი და თანამოაზრე კრომველისა—ეინმე ფერფაცხი. კრომველი კი მთელი კავალერიის წინამძღოლათ იქმნა დანიშნული. ფერფაცხის და კრომველის მეთაურობაში ჯარი ინდებენდენტებით გაივსო. 1645 წ. ნეზბისთან ჯარმა მეფე სასტიკათ დაამარცხა და დაიკავა ის ციხე-სიმაგრეები, რომლებიც აქამდე მეფის ხელში იყო. დამარცხებული კარლოსი მოკავშირე შოტლანდიაში გაიქცა, მაგრამ შოტლანდიელებმა შეიპყრეს და ინგლისის პარლამენტს გადასცეს. ომიც გათავდა, მეფემ დაამარცხდა, მაგრამ პარლამენტსა და ჯარს შორის მალე უსიამოვნება შეიქნა. პარლამენტის უმეტესობას პრესვიტერიანებს, თანახმად შოტლანდიელებთან დადებული პირობისა, სურდათ მთელ ინგლისში პრესვიტერიანული ეკლესია დაემყარებიათ, ინტეპენდენტთა ჯარი კი სარწმუნოებრივ თავისუფლებას მოითხოვდა. მეფემ მოინდომა ამ უთანხმოებით ესარგებლნა და ხან პარლამენტისთვის მიემართა, ხან ჯარისთვის. ამავე დროს დაიწყო საიდუმლო მოლაპარაკება შოტლანდიელებთან, რომლებიც ემდუროდნენ ინგლისს მეფესთან უკმაყოფილებისთვის და პრესვიტერიანული ეკლესიის



შემოდების გაჭიანურებისათვის. შოტლანდიელებმა გადასწყვეტეს ინგლისში შემოჭრილიყვენ. მეფის საიდუმლო მოლაპარაკება გამოძევედნენ. მაც ხალხში დიდი უკმაყოფილება გამოიწვია. კრომველი დიდი ჯარით შოტლანდიელების წინააღმდეგ გაეშურა და გადასწყვეტილი ჰქონდა გამარჯვების შემდეგ მეფე პასუხისგებაში მიეცა. შოტლანდიელები დამარცხდნენ და კრომველი გამარჯვებული ჯარით უკან დაბრუნდა. მაგრამ პარლამენტის წევრთა უმეტესობა (პრესვიტერიანები) არ იზიარებდა ჯარის მოთხოვნას არც სარწმუნოებრივ საკითხში, არც მეფის პასუხისგებაში მიცემას. მაშინ კრომველმა უკიდურეს ზომას მიმართა. მისმა ჯარმა პოლკოვნიკ პრაიდის ხელმძღვანელობით ყველა პრესვიტერიანები პარლამენტიდან დაითხოვა. დარჩენილმა უმცირესობამ (ინდებენდენტებმა) მეფე სასამართლოს გადასცეს; სასამართლომ მეფე დასახა როგორც მოლაღატე, მკვლეელი და მტერი სახელმწიფოსი, ამიტომაც მას სიკვდილით დასჯა გადაუწყვიტა.

განაჩენი აჩქარებულათ სისრულეში მოიყვანეს 30 იანვარს 1649 წ., რამაც ლონდონის მცხოვრებლები ძლიერ ვააოცა. კარლოსი სიკვდილს მამაცურათ შეხვდა. ამგვარათ თანახმად ინდენბენდენტების ჯარის სურვილისა ინგლისი რესპუბლიკათ გადაიქცა, თუმცა დიდი უმეტესობა ინგლისელებისა ამის წინააღმდეგი იყო.

რესპუბლიკა. პროტესტანტი და კრომველის წინაგანი მმართველობა.


ინგლისში რესპუბლიკა ძალამ დაამყარა და ისევ ძალას შეეძლო მისი შენახვა. ინგლისელთა უმეტესობა რესპუბლიკას მტრულათ უცქეროდა და ამიტომ რესპუბლიკანური მთავრობა რესპუბლიკის დასაცავათ იძულებული იყო მკაცრი ზომებისთვის მიემართა, მაგრამ საუბედუროთ არც თვით რესპუბლიკანელთა შორის იყო ქრთსულოვნება. ხანგრძლივი პარლამენტის ინდენბენდენტ წევრთა და კრომველს შორის უთანხმოება ჩამოვარდა. პარლამენტი უმადლესი ძალა-უფლების მქონეთ სთვლიდა თავის თავს და ამიტომ მოითხოვდა, რომ კრომველი თავის ჯარით მას დამორჩილებოდა, მაგრამ კრომველს ასეთი როლი არ შეეფერებოდა. თავის დიად გამარჯვებას კარლოსთან ბრძოლაში კრომველი სასწაულს აწერდა და განგების წყალობად სთვლიდა. 1650—51 წ. განმავ-



ლობაში მან შესძლო ირლანდიის ამბოხების ჩაქრობა, დაიპყრო ^{საქართველო} ~~საქართველო~~ დია, სადაც მოკლული მეფის შვილმა, რომელსაც როიალის ^{სახელი} ~~სახელი~~ ლოს მე-II-ს უწოდებდნენ რესპუბლიკის წინააღმდეგ ამბოხება მოაწყო. ასეთმა გამარჯვებამ კრომველი სავსებით დაარწმუნა, რომ მას თვით ღმერთი ანდობდა დიდი მისიის შესრულებას, ეს რწმენა მას ზნეობრივით ახალისებდა და ამით გათამამებული უკანონო მოქმედებასაც კი არ ერიდებოდა. ჯარი მონურად ემორჩილებოდა მას. ასეთ ჯარზე დაყრდნობილ კრომველს რასაკვირველია შეეძლო ემოქმედნა, როგორც ნამდვილ ბრძანებელს. მართლაც რესპუბლიკა სამხედრო დესპოტიით გადაიქცა.


პირველი დესპოტიური ნაბიჯი კრომველისა, რომელიც მან აფიცრების თანხმობით გადასდგა პარლამენტის წევრების დათხოვა იყო. ეს პარლამენტი მიინც ძლიერ ეჯავრებოდა მხედრობას, რადგან ჯარის დამორჩილებას აპირებდა და ახალი წევრების არჩევნები არაერთხელ გადასდგა. პარლამენტის დათხოვის შემდეგ, კრომველმა ოფიცრების საბჭოთა თანხმობით მოიწვია რაღაც პარლამენტის მზგავსი კრება ინდეპენდენტებისა და რესპუბლიკის ერთგული პირებისაგან. ამათ უნდა შეემუშაებიათ პროექტი საერთოდ სახელმწიფოს რეფორმის შესახებ, მაგრამ შესძლეს მხოლოდ რამოდენიმე საჭირო კანონების გამოცემა, მაგ. სამოქალაქო კორწინებისა და სხვა. კრომველმა პარლამენტიც დაითხოვა, ვინაიდან მისტიურათ მოაზროვნე ხალხი სკაბობდა და რეალურ სინამდვილეს ისინი ანგარიშს არ უწევდნენ. შემდეგ კრომველმა ოფიცერთა საბჭოს რჩევით კონსტიტუციის ძალით ახალი პარლამენტი მოიწვია, რომელშიაც 400 წევრი ინგლისელი უნდა ყოფილიყო და 60 შოტლანდია—ირლანდიიდან (თვითოველიდან ოც-ოცდაათი). ბოლოს ეს ახალი პარლამენტიც, თუმცა იქ საექვო ელემენტი აღარ იყო, წაეხსება კრომველს, რადგან მას არ სურდა პარლამენტს დამორჩილებოდა. ჩხუბის მიზეზი იყო ის, რომ პარლამენტმა ისურვა გადაესინჯა კონსტიტუციის ის მუხლი, რომლის ძალითაც კრომველი იყო არჩეული. იმას ისიც დაერთო, რომ კრომველი, მათი აზრით, სარწმუნოების საკითხში მკაცრი იყო.

კრომველმა ეს პარლამენტიც დაითხოვა რ ჯარის შემწევობით დაიწყო სახელმწიფოს მართვა. მთელი ინგლისი გაპყო ოლქებათ და თვითოველის სათავეში თითქმის განუსაზღვრელ უფლებებით აღჭურვილი გენერალები



გუბერნატორი დააყენა, მაგრამ გარეშე საფრთხემ აიძულა პროტექტორი, რომ ისევ პარლამენტისთვის მიემართა, პარლამენტმა დაუჩინებლად მიიღო მისი ხოცა გენერალ მაიორების სამხედრო მართველობის გაუქმება და შეიშუშა ახალი კონსტიტუცია. პროტექტორის მდგომარეობა გამაგრდა: მას მიეცა უფლება თავის მოადგილის დანიშვნისა, მაგრამ აქვე ხაზგასმით აღნიშნეს პარლამენტის პრივილეგიები განსაკუთრებით გადასახადების შეკრების შესახებ. ამის გარდა კონსტიტუციამ ქვედა პალატის მაგაერ განსაზღვრა პალატა, რომლის წევრებსაც თვითონ პროტექტორი ნიშნავდა. ასე რომ ინგლისი, გარეგნულათ რესპუბლიკა, ხელახლად უბრუნდებოდა ძველ მონარქიულ წესწყობილებას. ზედა პალატის დაარსებას მტრულათ შეხვდა ქვედა პალატის უმრავლესობა. ამან ხელი შეუწყო ახალ უთანხმოებას და გაუგებრობას, რის გამოც ეს ახალი კრომველის მიერ მოწვეული პარლამენტიც დაიხურა.

პარლამენტებთან ბრძოლას გარდა, კრომველის ანგარიში უნდა გაეწია ჯარისკაცთა შორის აღძრული უკმაყოფილებებისათვის. თვით კრომველი მსხვილი შემამულე იყო და აუცილებელ საჭიროებათ მიიჩნდა, რომ ინგლისის პოლიტიკურ ცხოვრებაში უპირატესობა საშუალო შეძლებული კლასის ხელში ყოფილიყო. ჯარის ზოგიერთი ნაწილები კი მოითხოვდნენ, რომ ყველა ინგლისელები თანასწორი პოლიტიკური და სამოქალაქო უფლებისა ყოფილიყვნენ და ყოველგვარი სოციალური უპირატესობა და პრივილეგიები მოსპობილიყო. ამ მოთხოვნებისათვის მათ უწოდეს „ლეველერები“ (გამათანასწორებელი). მათი მეთაური იყო ლილბერნი, რომელმაც ენერგიული მონაწილეობა მიიღო მეფესთან ბრძოლაში. ლეველერების აგიტაციამ ხალხი ააჯანყა, რაც კრომველმა შეუბრალებლად ჩააქრო. ლილბერნი გაიქცა ჰოლანდიაში. დაახლოებებით ამ დროს ინგლისში გამოვიდნენ კიდევ უფრო უკიდურესი აზრების მქადაგებლები, რომლებიც უარყოფდნენ კერძო საკუთრებას და ამბობდნენ, რომ სასუფეველი მოახლოვებული არისო. ზოგმა მათგანმა დაიწყო სხვისი მიწების დამუშავებაც. ამ მოძრაობას არ მიუღია საშიში სახე და ადვილათაც ჩააქრეს. ყველა ამ შეტაკებებს დაემატა მონარქისტებს მუდმივი შეთქმულება რესპუბლიკისა და პროტექტორის წინააღმდეგ. ყოველივე ეს ცუდათ მო-



ქმედებდა კრომველზე და ამიტომ უფრო მკაცრ ზომებს მიმართავდა. მიტინგების საწინააღმდეგოთ მან მოაწყო საიდუმლო პოლიცია, რომელიც დაიწყო დიდი ყურადღებით თვალყური უნდა ედევნებია მოქალაქეთათვის. საერთოდ პროტექტორის მმართველობას მკაცრი ელფერი ჰქონდა. ერთადერთი ბრწყინვალე თვისება კრომველისა იყო სარწმუნოების თავისუფლების პრინციპის დაცვა.

თუმცა ის ნებას ვერ აძლევდა კათოლიკებსა და ანგლიკანებს, რომ მათ საჯაროთ გაემართათ ღვთისმსახურება, მაგრამ დიდი წინააღმდეგი იყო სარწმუნოებრივი რწმენისათვის რაიმე დევნა ყოფილიყო. ამ მხრივ ის თანამედროვეებზე განშორებით მალლა იდგა. თავის მოღვაწეობის დასაწყისში ის მომხრე იყო ეკლესიის სახელმწიფოსაგან განშორებისა, მაგრამ მერე პრაქტიკულმა მოსახრებებმა აიძულა, რომ ძალაში დაეტოვებია საეკლესიო გადასახადი მამულზე ეგრეთწოდებული „მეთაფი“ (ამ ფულით ინახებოდა სამღვდლოება) და სამღვდლოებისათვის ნივთიერი დახმარება სახელმწიფო ხაზინიდან მიეცა. დახმარება, რასაკვირველია, მხოლოდ პურიტანულ ეკლესიას ეძლეოდა.

რამდენათაც ინგლისი შინაგან ცხოვრებაში გაჭირვებას განიცდიდა რესპუბლიკის დროს, იმდენად მოგებული და გამარჯვებული დარჩა საგარეო პოლიტიკის წარმოებით.

კრომველის საგარეო პოლიტიკა. მისი სიკვდილი. სტიუარტების ტახტზე აღდგენა.

ინგლისის რესპუბლიკას, რომელიც კარლოს I-ის სისხლით იყო გასვრილი, ევროპის სახელმწიფოებმა პირველად მტრულის თვლით შეხედეს. მაგრამ რესპუბლიკანური ჯარების გამარჯვებებმა და რესპუბლიკანური მთავრობის ენერგიით განახლებულმა ფლოტმა სულ მალე შეაჯკლვეინა ევროპას თავისი პირვანდელი დამოკიდებულება. ახალი სახელმწიფოს ძლიერება პირველად ჰოლანდიამ გამოსცადა. 1651 წ. პარლამენტმა გამოსცა კანონი, რომლის ძალითაც ყოველი საქონელი ინგლისში უნდა შემოტანილიყო ინგლისისავე ხომალდებით, ან-და იმ ქვეყნების ხომალდებით, სადაც საქონელი იყო დამზადებული. ინგლისის ვაჭრობის წარმოება ახალშენებთან შეიძლებოდა მხოლოდ ინგლისელების ხომალდებით ეს ე.წ. „საზღვაოსნო აქტი“ დიდ ზარალს აძლევდა ჰოლანდიის ვაჭრობას, ვინაიდან ჰოლანდიელებს თავის ხომალდებით უმთავრესად საქონელი გადაჰქონდათ



ერთი ქვეყნიდან მეორეში და ამით სარგებლობდნენ. ამის შემდეგ აუცილებელი შეიქნა. ინგლისის რესპუბლიკამ გაიმარჯვა მოწინააღმდეგეზე. ჰოლანდიამ მიიღო „საზღვაოსნო აქტი“ და გადინადა კონტრიბუცია იმ ზარალის ასანაზღაურებლად, რომელიც ომის დროს ინგლისში არსებულ ოსტ-ინდოეთის კომპანიას (ამხანაგობას) მოუვიდა (1654). ომის გათავების შემდეგ კრომველი ცდილობდა მეგობრული განწყობილება დაეჭირა ჰოლანდიასთან და ხელსაყრელი პირობებით შეეკრა დანიასა და შვეციას. პროტესტანტურ სახელმწიფოთა შორის ინგლისის თანდათანობით იწვედა პირველ ადგილზე. **ევროპაში კრომველს შეხედეს, როგორც პროტესტანტიზმის უმაღლეს დამცველს.** კრომველი, მართლაც პროტესტანტების ინტერესს იცავდა. ასე მაგ. კარდინალ მაზარინის საშუალებით მან აიძულა სავოელი ჰერცოგი, რომ მას შეეწყვიტა ვალდენსენების დევნა, რომლებიც მის სახელმწიფოში ცხოვრობდნენ.

საფრანგეთთან შეკავშირებული კრომველი აწარმოებდა ომს ისპანიასთან. ინგლისელებმა წაართვეს ისპანელებს იამაიკას კუნძული და ფრანგებთან ერთად დაიკავეს დიუნკირხენი, რომელიც შემდეგ ინგლისელებს მიასაკუთრეს. ამგვარად ინგლისელებმა ქალაქ კალეს დაკარგვის შემდეგ ისევ მოიკიდეს ფეხი ევროპის ხმელეთზე.

უმთავრესი გმირები ამ ომებში იყვნენ: ადმირალი **რობერტ ბლექი** და გენერალი **მონკი**.

კრომველის საგარეო პოლიტიკას შედეგად მოჰყვა ის, რომ ინგლისი უძლიერესი სახელმწიფო გახდა ზღვაზე და მთელ ევროპაში ყველა პროტესტანტური სახელმწიფოების წინამძღოლიც შეიქნა.

1658 წ. კრომველი დიდის შრომით დაქანცულ გარდაიცვალა და პროტექტორად თავისი შვილი რიჩარდი დანიშნა, მაგრამ კრომველის სიკვდილის შემდეგ ინგლისში არეულობა მოხდა და რიჩარდი იძულებული გახდა პროტექტორობაზე უარი ეთქვა და კერძო ცხოვრებას დაბრუნებოდა. ბრძოლაში ორი პარტია ჩამოყალიბდა: სამოქალაქო და სამხედრო. პირველი მოითხოვდა პარლამენტის უზენაესობას; მან ისარგებლა დენერლების უთანხმოებით და აღადგინა კრომველისგან გარეკილი ინდებნდენტების პარლამენტი, თუმცა ცოტა ხნით სამხედრო პარტიის წინამძღოლობა დენერალიმა ლამბერტმა ეს პარლამენტი ისევ გარეკა, მაგრამ ის



ხელახლა აღადგინა გამოჩენილმა ღენერალმა მონკმა, რომელიც წინამდებარე დოკუმენტში მოტლანდიაში, მყოფ ჯარს. მონკმა დაამარცხა ლანკასტერი, შევიდა ლონდონში და აღადგინა პრესვიტერიანული წევრებისგან შემდგარი ხანგრძლივი პარლამენტი, რომელიც ერთ დროს პრაიდის მიერ იყო განდევნილი. ამგვარად განახლდა ძველი შემადგენლობით ხანგრძლივი პარლამენტი და თან მისი იმედები კანონიერი მონარქიის აღდგენაზე, რომელიც ინდეპენდენტებმა მოსპეს მიუხედავად ინგლისელთა, დიდი უმეტესობის და ხანგრძლივი პარლამენტის სურვილისა. ასეთი იმედები ასულდგმულებდა ხალხის უმეტესობას; ამიტომ მონკმა ვადაწყვიტა საქმე აღარ დაეგვიანებია. მან დაიწყო მოლაპარაკება კარლოს მე-II-თან (კარლოს I-ის შვილია), რომელმაც სადღესასწაულო დეკლარაციაში აღუთქვა საყოველთაო ამნისტია და სარწმუნოების თავისუფლება, თუ კი ამას მიიღებდა პარლამენტი. ამის შემდეგ პარლამენტმა აღადგინა კანონიერი მონარქია და მოიწვია კარლოსი ინგლისში. მეფის დაბრუნება დიდის ზემოთ მოხდა. საერთოდ ინგლისმა თავისი არაჩვეულებრივი სიხარულით და მეფისადმი ერთგულობის გამოცხადებით დაამთავრა რევოლუციონური შფოთი და რესპუბლიკანური დესპოტიზმის არსებობა (1660 წ.).

კარლოს II-ის მართველობა. ახალი შეტაკებები მეფესა და პარლამენტ შორის.

რესპუბლიკანელების და პურიტანების ბატონობამ ინგლისში დიდი უკმაყოფილება გამოიწვია, რამაც ისეთი გაკლენა იქონია კარლოს მე-II მიერ მოწვეულ პარლამენტზე, რომ მან გადამეტებული რეაქციონური ხასიათი მიიღო. რეაქცია მინარაუული იყო რელიგიურსაკითხებში პრესვიტერიანულ ეკლესიის წინააღმდეგ, რომელიც პურიტანული სულით იყო გაჟღენთილი, პოლიტიკურში კი ეწინააღმდეგებოდა ყველა იმ ცვლილებებს, რომლებიც კრომველმა მოახდინა ინგლისის შინაგან ცხოვრებაში. ახალ პარლამენტში დიდი უმეტესობა იყო მომხრე ანგლიკანური ეკლესიისა და რევოლუციამდელი არსებული ძველი სახელმწიფოებრივი წესწყობილებისა. სულ მალე დაუწყეს დევნა პრესვიტერიანებს და საერთოდ ყველას, ვინც ანგლიკანურ ეკლესიას არ ემორჩილებოდა, რომელთაც უწოდეს ნონ-კონფორმისტები. ნონ-კონფორმისტებს აუკრძალეს რელიგიური მიზნებისთვის შეკრება, პრესვიტერია-



ქართული
ეროვნული
ბიბლიოთეკა

ნების მღვდლები რიცხვით 2000 განდევნეს თავთავიანთი და ვინც ანგლიკანურ ეკლესიაში ღვთისმსახურებას არ დაიწყო, მას აჯარიმებდნენ. კრომველის ჯარი, რომელიც წინეთ ძალიან იცავდა სარწმუნოების თავისუფლებას, კარლოს მე-II-ის დაბრუნების შემდეგ საჩქაროდ დაითხოვეს. რევოლიუციისადმი ზიზღით აღვისილმა პარლამენტმა გამოარიცხა საერთო ამნისტიის სიიღვან და ეშაფოტზე გაგზავნა კრომველის რამდენიმე თანამშრომელი, რომელთაც მონაწილეობა ჰქონდათ მიღებული კარლოს I-ის სიკვდილში. ამდენად რეაქციონური პარლამენტი სრულიადაც არ უარყოფდა თავის ძირითად უფლებებს, მაგ. გადასახადების გაწესების ნებაართვას და შეფის მინისტრებზე ზედამხედველობას — ეს უფლებები პროგრესიული პარლამენტისა მას მოსწონდა და შენარჩუნებაც სურდა.

ამ მხრივ პარლამენტმა მეტიც მოისურვა, ვინაიდან მეფე ბევრს ხარჯავდა სასახლის გამშვენიერებაზე და მდიდრულ ცხოვრებაზე და სასახლეში ზედმეტი სიმხიარულისა გამო, ხარჯები მატულობდა, პარლამენტში ძალიან დაჟინებით გაისმოდა ხმები, რომ პარლამენტის ნებაართვით აკრებილი ფულების ანგარიში წარედგინათ. ეს არ მოსწონდა მეფეს და მან საომრად დაიწყო მზადება. კიდევ უფრო მეტი უკმაყოფილება დაბადა მეფის რელიგიურმა პოლიტიკამ. კარლოს მე-II-ეს დიდი სიმპატია ჰქონდა კათოლიციზმის და ბოლოს იღუმალიათ კიდევ გადავიდა ამ სარწმუნოებაზე, იგივე ჩაიდინა მისმა ძმამ და მემკვიდრემ იაკობმა — იორკის ჰერცოგმა იმ განსხვავებით, რომ მან ეს საქვეყნოა შესრულა. ერთ დროს კარლოს მე-II-ე კიდევ ფიქრობდა კათოლიკებისთვის სარწმუნოების თავისუფლება მიეცა, რადგან ეგევე მისცა პროტესტანტების ნონ-კონფორმისტებს, მაგრამ პარლამენტის წინააღმდეგობამ მეფეს ხელი შეუშალა, ვინაიდან სავსებით აშკარა იყო, რომ მეფე კათოლიციზმს ემხრობოდა. პარლამენტმა 1673 წ. გამოსცა განსაკუთრებული კანონი ე. წ. „ტესტ აქტი“ (ფიცის მიღება), რომლის ძალით არც ერთ მოქალაქეს არ შეეძლო სამხედრო ან სამოქალაქო სამსახურში შესულიყო, თუ ფიცს არ მიიღებდა, რომ ის აღვიარებს მეფის უზენაესობას საეკლესიო სფეროში და წერილობით არ განაცხადებდა, რომ ის ეზიარებოდა ანგლიკანურ ეკლესიის წესით ე. ი. ორი სახით: პურიით და ღვინით. „ტესტ აქტი“ უმთავ-



რესათ კათოლიკეების წინააღმდეგ იყო მიმართული, თუმცა პირველად
 ლი (მეფის უზენაესობა საეკლესიო სფეროში) მიუღებელი იყო პროტეს-
 ტანტ ნონ-კონფორმისტებისთვისაც. ამ კანონის გამოცემის შემდეგ იორ-
 კელმა ჰერცოგმა სასახურს თავი გაანება. ყველა ამ საკითხებს, რომლებ-
 მაც მტრული დამოკიდებულება ჩამოაგდო პარლამენტსა და მეფეს შორის,
 კარლოს მე-II-ს საგარეო პოლიტიკაც დაემატა. პირადათ კარლოსი მუ-
 დან მომხრე იყო, რომ ინგლისს საფრანგეთან ჰქონოდა კავშირი, რად-
 გან ლიუდოვიკ მე-XIV-ე მას ბევრ ფულს აძლევდა და ეს კი მისთვის
 დიდი ანგარიში იყო, რადგან პარლამენტისაგან ფულის მიღება მას ძლიერ
 უშენებლობდა ხოლმე; ქვეშევრდომთა უმეტესობა კი და თვით პარლა-
 მენტიც მომხრე იყო ჰოლანდიასთან კავშირისა, 1678 წ. დამოკიდებუ-
 ლება მეფესა და პარლამენტს შორის იმდენათ გამწვავდა, რომ კარლოს
 მე-II-ემ გადასწყვიტა იმ პარლამენტის დათხოვა და ახალის მოწვევა. მაგ-
 რამ ახალი პარლამენტიც ოპოზიციონური გამოდგა. 1679 წ. მან მიიღო
 კანონი ეგრეთ წოდებული „ღაბეას კორპუს აქტი“ (habeas corpus act),
 რომელიც მოქალაქის პირადობის ხელშეუხებლობას შეეხებოდა. ამ კანო-
 ნის ძალით არც ერთი ინგლისელი არ უნდა დაეპატიმრებიათ, თუ ასეთი
 წერილობითი ბრძანება არ იქნებოდა, რომელიც დატყვევების მიზეზს გან-
 მარტავდა. დაპატიმრებულს უფლება ჰქონდა მოეთხოვა, რომ მ დღის
 განმავლობაში იგი სასამართლოსთვის გადაეცათ; სასამართლო მოვიღე
 იყო პატიმარი განეთავისუფლებია, თუ აღნიშნული მიზეზი უკანონო გა-
 მოდებოდა ან საკმაოდ დასაბუთებული არ იქნებოდა. სასამართლოში
 მოყვანის ბრძანებას ეწოდებოდა „ღაბეას კორპუს“; აქედან წარმოსდგა
 კანონის სახელწოდებაც. „ღაბეას კორპუს“ აქტს სამართლიანად სთვლიან
 თავისუფლების მეორე დიდ ხარტიათ, ვინაიდან მოქალაქის პირადი თავი-
 სუფლება მთავრობის თვითნებობისაგან საფრთხით დაცულია. კარლოს მე-II-ს
 მთავრობის შეურიგებელმა მტრებმა ისარგებლეს საერთო შიშით, რომე-
 ლიც გამოიწვია ყალბათ გაურცელებულმა ხმებმა, ვითომც „პაპისტები“
 აპირებენ შეთქმულების მოწყობას და მოინდომეს, რომ იორკელი ჰერცო-
 გისათვის, როგორც კათოლიკესათვის ტახტის მემკვიდრეობის უფლე-
 ბა წაერთმიათ. ეს აზრი ერთხმად მიიღეს ქვედა პალატაში, მაგრამ
 უარყოფილ იქნა ლორდთა პალატისაგან. ამ კანონ პროექტის მომხრეებს



ვიგები ეწოდებოდა, მოწინააღმდეგეთ კი ტორები. ამ ორი სახეობის შიშველობით ინგლისში დღესაც აღნიშნენ ლიბერალურ და კონსერვატიულ პარტიებს. ვიგები თითქოს თავმრგვალების მაგიერი იყვნენ, ტორები კი კავალერების. როცა კანონ-პროექტი იორკელ ჰერცოგის შესახებ არ დამტკიცდა, პარლამენტი დაითხოვეს. ვიგებს შორის უკიდურესმა წევრებმა შეთქმულება მოაწყეს, რომელიც თუმცა მალე გამოშლავდა და კიდევაც ჩაქრა, მაგრამ რევოლუციის ლანღით ისე დააფრთხო ინგლისელები, რომ ყველანი ისევ მეფის გარშემო შეჯგუფდნენ. შეთქმულებაში მონაწილენი და ვიგების პარტიის ზოგიერთი გამოჩენილი პირები, რომლებიც ენერგიულ აგიტაციას აწარმოებდნენ მეფის წინააღმდეგ, სიკვდილით დასაჯდნენ. მეფის პოზიცია ძლიერ ვამაგრდა.

კარლოს მე-II-ის სიკვდილის შემდეგ 1685 წ. იორკის ჰერცოგმა თავისუფლათ დაიკავა ტახტი იაკობ მე-II-ის სახელით.

იაკობ მე-II-ის მართვლობა. ინგლისის დიდი რევოლუცია.

იაკობ მე-II-ე, რომელიც ფანატიკური მიმდევარ იყო კათოლიკური სარწმუნოებისა, კათოლიკურ ეკლესიას სთვლიდა საუკეთესო საშუალებათ, რომ ინგლისში აბსოლიუტური მმართველობა დაემყარებინა. მიუხედავად იმისა, რომ მას თავისი მახლობლებიც აფრთხილებდნენ, ის მაინც თამამად არღვევდა „ტესტ-აქტის“ კანონს და თავისუფლათ ნიშნავდა კათოლიკებს ოფიცრებათ და სახელმწიფო სამსახურზე მონელებათ. მეფის უკანონო მოქმედება საერთო უკმაყოფილებას იწვევდა, რითაც ისარგებლა კარლოს მე-II-ის უკანონო შვილმა ჰერცოგმა მონმუსმა და ამბოხება მოაწყო. ამბოხებამ მიზანს ვერ მიაღწია. ინგლისელებს არ სურდათ რევოლუცია, ვინაიდან ახსოვდათ 1648 – 1660 წლების მწაჩე გამოცდილება. მეამბოხენი დამარცხდნენ, თვით მონმუსი ტყვეთ წაიყვანეს და აწამეს, მერე მოსამართლე დჯეფერისმა შემოიარა მთელი ის ადგილები, სადაც ამბოხება მოხდა და ყველა, ვისაც კი ოღნავ მონაწილეობა ჰქონდა მიღებული, სასტიკათ დასაჯა. რამდენიმე ათასი კაცი სიკვდილით დასაჯეს, რამდენიმე ციხეში ჩასვეს და ზოგაც გადასახლდეს. დჯეფერისმა ერთგული მოქმედებისათვის კანცლერის თანამდებობა მიიღო.



ამბოხების დაცხრომის შემდეგ იაკობ მე-II-ე სრულიად კათოლიკე დებოდა კანონების დარღვევას. ის მუდამ იმის ცდაში იყო, რომ კათოლიკენი სარწმუნოების მხრივ გაეთანასწორებია სხვებთან, და ამიტომ მან გამოსცა განსაკუთრებული დეკლარაცია, რომელიც სარწმუნოებრივ თავისუფლებას ანიჭებდა ყველა ნონკონფორმისტებს. ამით შეფუც სურდა პროტესტანტები მოკმადლიერებია, რომ მათ მხარი დაეჭირათ მისთვის, მაგრამ პროტესტანტ ნონკონფორმისტებს იმდენათ სძულდათ პირადათ მეფე, რომ მას მაინც მხარი არ დაუჭირეს; ეპისკოპოსებმაც არ აასრულეს მეფის ბრძანება და დეკლარაცია ეკლესიებში არ წაიკითხეს. მაშინ მეფემ ისინი სამართალში მისცა, მაგრამ ნათეს მსაჯულებმა მიუხედავათ ზევიდგან მათზე ძალდატანებისა, მაინც მათ შესახებ გასამართლებელი განაჩენი გამოიტანეს. ამგვართ იაკობ მე-II-მ ეპისკოპალური ეკლესიაც ჩამოიშორა და მასთან ერთად ტორების წრეში გამოჩენილი პირებიც, თუმცა მანამდი ორივე ესენი დიდი ერთგული იყვნენ ტახტისა. მიუხედავათ ამისა, ინგლისელები მაინც არ აპირებდენ მეფის წინააღმდეგ შეიარაღებულ გამოსვლას, ვინაიდგან იმედი ჰქონდათ, რომ მეფის სიკვდილის შემდეგ ტახტი დარჩებოდა მის უფროს ქალიშვილს მარიაშ, რომელიც თვითონაც პროტესტანტი იყო და ქმარიც—ჰოლანდიის შტატგალტერი ვილჰელმი—პროტესტანტი ჰყავდა. მაგრამ 1688 წ. ყველასათვის მოულოდნელათ მეფეს ეყოლა ვაჟიშვილი, რომლის აღზრდაც გადაწყვიტეს წმიდა კათოლიკურ ნიადაგზე მომზდარიყო. ხალხში კი ხმები დადიოდა, რომ ტახტის მემკვიდრე მეფის შვილი კი არ არის, სხვისი ბავშვიაო. საერთოდ ხალხის სულიერი მდგომარეობა შრისხანე სახეს იღებდა. მაშინ ტორებისა და ვიგების მეთაურებმა მიმართეს მეფის სიძეს ვილჰელმს და სთხოვეს, რომ ის ინგლისში ჩამოსულიყო, იაკობი ჩამოეგდო და კანონიერი წესწყობილება აღედგინა. ვილჰელმა კარგათ იცოდა საქმეების გარემოება ინგლისში და ამიტომ მიიღო წინადადება და 13.000 ჯარის კაცით ინგლისის ნაპირებს მიადგა. ყოველი მხრიდან მოვიდენ შეიარაღებული აზნაურები თავათვისი ამალით და ვილჰელმის დროშის ქვეშ შეჯგუფდენ; უმცროსი ქალიშვილიც იაკობ მე-II-ისა ანა ვილჰელმის მხარეზე დავიდა. ყველასგან მიტოვებული იაკობი გაიქცა, მაგრამ გზაზე დაიჭირეს და ისევ ლონდონში მოიყვანეს. რადგან მოწინააღმდეგეებს არა



სურდათ მისი დაღუბვა, მას ისევ საშუალება მისცეს გაქცეულიყო. მართლაც იაკობი ისევ გაიქცა საფრანგეთში, სადაც მეფე ლიუდოვიკ მე-XIV-ის ღირსეულათ მიიღო. ვილჰელმა ინგლისი დაიკავა, სასწრაფოთ შეიკრიბა პარლამენტი, რომელმაც ვილჰელმი და მისი ცოლი მარიამი სამეფო ტახტის კანონიერ მემკვიდრეებათ იცნო. რევოლიუცია უსისხლოთ დასრულდა, ამიტომაც, ინგლისელების აზრით, მას ეწოდება დიდი ანუ უსისხლო რევოლიუცია (1688 წ.).

პარლამენტმა ვილჰელმის მეფეთ ცნობამდი შეადგინა განსაკუთრებული დეკლარაცია უფლებათა შესახებ. ამ დეკლარაციაში ჩამოთვლილი იყო იაკობ მე-II-ს ღრის ჩადენილი ბოროტმოქმედებები, იკრძალებოდა პარლამენტის ნებადაურთავათ გადასახადების და ჯარის შეკრება. მეფეს არ ჰქონდა უფლება კანონის მოქმედება სადმე ან როდისმე შეეჩერებინოს (სუსპენსიური უფლება) ან რომელიმე მოქალაქე კანონის ასრულების მოვალეობისაგან განეთავისუფლებინოს (დისპენსიური უფლება). უკმაყოფილო ქვეშევრდომს ნება ეძლეოდა პარლამენტში თხოვნის მიცემისა; სარწმუნოებრივი თავისუფლება უნდა მინიჭებოდა ყველა პროტესტანტს, შემდეგ წელში (1689) ეს დეკლარაცია „უფლებათა ბილის“ სახელწოდებით მეფემაც და პარლამენტმაც დაამტკიცა. ვილჰელმმა საფრანგეთით გაამართლა მანუ დამყარებული იმედები. მან ოსტატურათ ჩააქრო მისი მეფობისათვის სახიფათო ირლანდიის ამბოხება, რომელიც მოუწყეს მას იაკობმა და ლიუდოვიკ მე-XIV-მ, ამასთანავე საფრანგეთთან ატეხილი ომი ინგლისისათვის სასარგებლოთ დაასრულა. იმავე წელს „უფლებათა ბილის“ მიღებასთან განაცხადა სარწმუნოებრივი თავისუფლება ყველა პროტესტანტ ნონკონფორმისტებისთვის და ამით სამუდამოთ მოსპო პროტესტანტთა უმეტესობის უკმაყოფილება.

1701 წ. პარლამენტმა გამოსცა კანონი ე. წ. „აქტი ტახტის მემკვიდრეობაზე“, რომლის ძალით სტიუარტები ტახტის მემკვიდრეთასიიდან სრულიად გამოირიცხნ. ამასთანავე დაადგინეს, რომამიერიდან ინგლისის მეფე პროტესტანტთაგანი უნდა ყოფილიყო და ვილჰელმის ცოლის — ანას სიკვდილის შემდეგ ინგლისის ტახტზე უნდა ასულიყო იაკობ I მონათესავე განოვერთა კურთფიურსტების ოჯახის შვილი. გარდა ამისა, ამ „აქტით“ ინგლისის სახელმწიფოებრივ ცხოვრებაში შემოდიოდა ორი



ფრიად მნიშვნელოვანი პრინციპი: მოსამართლეების გამო
და მინისტრების პასუხისმგებლობა პარლამენტის წინაშე.

„ტახტის დაკავების აქტი“-თ დასრულდა ინგლისში მთელი რიგი
სხვადასხვა დროს გამოცემული კანონებისა, რომლებიც უზრუნველ-
ყოფდა ინგლისის სრულ პოლიტიკურ თავისუფლებას. 1215 წელს
გამოცემული თავისუფლების დიდი ხარტია ზღუდავდა მეფის თვით-
ნებობას. 1628 წ. გამოცემული „უფლებათა პეტიცია“ აღნიშნავდა
თავისუფლების ორ უმთავრეს პირობას: 1) პარლამენტის ნებადა-
ურთველათ არ შეიძლებოდა გადასახადების შეკრება. 2) უმიზეზოთ
მოქალაქეს ვერავინ დაატყვევებდა და სასამართლოზე ზევიდან გაგ-
ლენას ვერავინ მოახდენდა. 1679 წ. გამოცემული „ლაბეას კორპუსი“
შიმართული იყო თვითნებობით დატყვევების საწინააღმდეგოთ
და ამან სამუდამოთ დაადასტურა პიროვნების ხელშეუხებლობა.
1689 წ. „უფლებათა ბილი“-თ სამუდამოთ ბოლო მოეღო პარლა-
მენტის ნებადურთველათ გადასახადების შეკრებას და მეფის უფ-
ლებით კანონების დარღვევას, რა სახითაც არ უნდა ყოფილიყო
(დისპენსიური თუ სუსპენსიური) 1701 წ. გამოცემულმა „აკტმა ტახ-
ტის მემკვიდრეობაზე“ სამუდამოთ მოხბო სასამართლოზე ზეგავლენ-
ა და მინისტრები პარლამენტის მუდმივ კონტროლს დაუპირიჩილა.
ინგლისის მეორე რევოლუციაც, რომელშიც პარლამენტის აქტით მე-
ფობა ვილჰელმს გადასცა, სამუდამოთ დაამყარა ინგლისში პარლა-
მენტის უპირატესობა მეფის უფლების წინაშე.

გერმანიის თეზისი.

გერმანია აბსოლიუტიზმის ეპოქაში.

პრუსია - ბრანდერბურ-
გისგაძლიერება. დიდი
კურფიურსტები.

შესტფალიის ზავის შემდეგ გერმანია დაიყო რამ-
დენიმე სამთავროთ და სახელმწიფოთ, რომელთა
შორის პირველი ადგილი პრუსია-ბრანდერბურგის

სახელმწიფოს ეკავა. ეს სახელმწიფო წარმოსდგა ბრანდერბურგის მარკიდ-
გან, რომელიც მდებარეობდა ელბა-ოდერ შუა და 4 1/2 საუკუნის გან-
მავლობაში თანდათან ვითარდებოდა. 1356 წ. ოქროს ბუღამ ბრანდენ-



ბურგის მარკგრაფს კურფიურსტის ღირსება მისცა. 1415 წ. იმპერატორმა სიგისმუნდმა ეს მარკა და კურფიურსტის წოდება უბოძა ნიურენ-ბურგელ ბურგრაფს ფრიდრიხ გოგენცოლერნს და იმ დროიდან ეს გვარეულობა განაგებდა ამ მხარეს. მე-XVII-ე საუკ. დასაწყისში ბრანდერ-ბურგის საკურფიურსტოს მიემატა მდ. რეინის ახლო მდებარე მიწები და აღმოსავლეთ პრუსიის საჰერცოგო, სადაც ალბრეხტ გოგენცოლერნის შთამომავლობა შეწყდა. ბრანდენბურგის კურფიურსტები, როგორც ჰერცოგები აღმოსავლეთ პრუსიისა, პოლონელი მეფის ვასალები შეიქნენ. ვესტფალიის ზავით ბრანდენბურგის კურფიურსტმა აღმოსავლეთ პომერანია მიიღო, რომელიც მარკას გვერდით მდებარეობდა და სამი საეპისკოპოსო: მაგდებურგის, გალბერგშტადის და მინდენისა.

მამულების გაფანტულად ქონება გოგენცოლერნების წინაშე ძალიან საშიშრო საკითხს აყენებდა, სახელდობრ ყველა მამულების გაერთიანებას და ერთ ფარგლებში მოქცევას. ამ მიზნის განსახორციელებლად აუცილებელი იყო მეზობელ სახელმწიფოებთან ბრძოლა. ასეთი სახელმწიფოები იყვნენ ერთის მხრივ შვეცია და პოლიონეთი, რომლებსაც უნდა დაეთმოთ ნაწილი თავისი მამულებისა და მეორეს მხრივ ავსტრია და საფრანგეთი, რომლებსაც არ სურდათ ბრანდენბურგის გაძლიერება. ამისათვის საჭირო იყო, რომ პრუსიას ჰყოლოდა ჯარი რიცხვითაც მეტი და ღირსებითაც უკეთესი, ვინემ მის მეზობლებს. ასეთი ჯარის შენახვა კი საშიშრო იყო სახელმწიფოსთვის და რომ სახელმწიფოს ეს შესძლებოდა, ამისათვის გოგენცოლერნები იძულებულნი იყვნენ მულამ ეზრუნათ ხალხის მატერიალურ კეთილდღეობაზე და თავის პირადსა და სასახლის ხარჯებში დიდი ეკონომია გაეწიათ.

ამგვარად შეიქმნა ერთგვარი სამხედრო-სამეურნეო სისტემა მართველობისა, რომლითაც პრუსია ბრანდენბურგის ყველა შეფენი ხელმძღვანელობდნენ.

გოგენცოლერნებს რომ წარმატებით ეწარმოებიათ ეს პოლიტიკა, საჭირო იყო მათთვის მეტი თავისუფლება, რასაც ისინი წინეთ მოკლებულნი იყვნენ, ვინაიდან მათ უფლებას რავდენათმე ზღუდავდნენ სახელმწიფოს სხვადასხვა ნაწილის წოდებათა წარმომადგენელნი. ეს წარმომადგენელნი უმეტესად ადგილობრივ ინტერესებს იცავდნენ, გოგენცოლერ-



ნები კი უმთავრესად სახელმწიფო. მოსაზრებებით ხელომძღვანელობისა და ამ ნიადაგზე იწყებოდა მათი ბრძოლა წოდებათა წარმომადგენლებთან და სურვილი აბსოლიუტური მართველობის დამყარებისა.

ამგვარად გოგენცოლერების შინაური მართველობის დამახასიათებელ ნიშნად უნდა ჩაითვალოს სახელმწიფოს აბსოლიუტურად მართვა, რაც ადვილად დაამყარებდა სახელმწიფოში ერთფეროვან წესწყობილებას.

ყველა ამ ტენდენციების გამოხატველი და ნამდვილი შემქმნელი ბრანდენბურგის ძლიერებისა იყო ფრიდრიხ-ვილჰელმ I-ი, დიდ კურფიურსტად წოდებული (1640 – 1688 წ.)

ის ავიდა ტახტზე მაშინ, როცა პრუსია და ბრანდენბურგი ოცდაათწლიანი ომისაგან ძალზე დაზარალებულნი იყვნენ და გარდაიცვალა იმ დროს, როცა სახელმწიფო აყვავებული იყო; გარდა იმისა, რომ ბრანდენბურგმა გერმანელ სამთავროთა შორის პირველი ადგილი დაიკავა, მას ჰქონდა სავსე ხაზინა და ჰყავდა სამავალითოდ გაწოთენილი მუდმივი ჯარი, რომლის რიცხვიც კურფიურსტმა 30000-მდე აიყვანა.

საიმედო ჯარზე დამყარებულმა კურფიურსტმა დიდ მიზნებს მიიღწია სავარყო პოლიტიკაში. 1) მან ვესტფალიის ზავით ზემოთ მოხსენებული მიწები მიიღო; 2) ჩაერთა შვეცია-პოლონეთის ომში და მოხერხებულიათ ხან ერთს ეხმარებოდა, ხან მეორეს და ბოლოს ოლივის ზავით (1660 წ.) სრული დამოკიდებულობა მიიღო, მისი სუვერენობა იცნეს აღმოსავლეთ პრუსიაში; 3) მან ენერგიული მონაწილეობა მიიღო ლიუდოვიკმე-XIV-ე საწინააღმდეგოთ დაწყებულ მეორე ომში; ლიუდოვიკის მოკავშირედ შვეცია გამოვიდა. რეინიდან რომ კურფიურსტის ძალები გაეზნია, ლიუდოვიკმა მიუსია მას შვედები, რომლებიც კურფიურსტმა ძალზე დაამარცხა ფერბელნთან (1675 წ.). შემდეგ შეეჩერებელი წინსვლით წაართვა მათ დასავლეთი პომერანია, რუგენის კუნძული, ქალაქები შტეტინი და შტრალზუნდი, ასე რომ თვით რიგას უახლოვდებოდა. მართალია, საფრანგეთის ზეგავლენით ის იძულებული შეიქნა უარი ეთქვა დაპყრობილ ადგილებზე, გარდა ოდერის შესართავის მარჯვენ მდებარე ვიწრო ნაპირის გამყოლ ადგილისა, მაგრამ ასეთმა ბრწყინვალე გამარჯვებამ ჯარის ღირსებაც გამოაჩინა და იმასაც სახელი გაუთქვა, ამიტომაც ის მთელ გერმანიაში დიდი გავლენიანი მთავარი გახდა.



სამხედრო მოქმედებებმა არ შეუშალეს ხელი კურფიურსტის მხარის მას ბევრი რამ გაეკეთებია სახელმწიფოს შინაური წარმატებისათვისა. მან გააუქმა წოდებათა წარმომადგენლების ინსტიტუტი და შემოიღო სამაგალითო წესი შინაგანი მართვა-გამგეობისა. სამეურნეო პოლიტიკაში ის მერკანტელიზმს ემყარებოდა, თუმცა ცდილობდა, რომ ცუდი გავლენა არ ჰქონოდა მიწადმოქმედებაზე; პირიქით მიწადმოქმედებას დიდად შეუწყობდა ხელი მით, რომ ოცდაათწლიანი იმის დროს დაცარიელებულ ადგილებში ახალშენები მოაწყო. ვაჭრობა-მრეწველობის განვითარებას ძლიერ შეუწყობდა ხელი გზების და არხების გაკეთებამ და ფორტის დაწესებამ. კურფიურსტი ოცნებობდა ახალშენების შექმნაზე და ამისთვის ფლოტიც გაიჩინა, მაგრამ ეს განზრახვა არ განხორციელდა.

ვაჭრობა-მრეწველობას და გონებრივი ცხოვრების განვითარებას დიდი სარგებლობა მოუტანეს გუგენოტებმა, რომელნიც გამოადგინა საფრანგეთიდან ლიუდოვიკ მე-XIV-ემ და კურფიურსტი კი მათ სიამოვნებით ღებულობდა. გუგენოტებმა თან მოიტანეს აქ ცოდნა, გემოვნება და შრომის-მოყვარეობა სავაჭრო და სამრეწველო საქმეებისა. თუმცა კურფიურსტი ღვენილი გუგენოტებს ღებულობდა და მფარველობდა, მაგრამ ადგილობრივ კათოლიკებსაც სრულ სარწმუნოებრივ თავისუფლებას აძლევდა, ბოლოს ყოველ უფლებაში გაათანასწორა კალვინისტები და ლიუტერანები. სწორედ სარწმუნოებრივი თავისუფლების დაცვით განიჩნევა ფრიდრიხის აბსოლიუტიზმი ლიუდოვიკ მე-XIV-ის აბსოლიუტიზმისაგან.

ფრიდრიხ-ვილჰელმ I-ს თავისი მოღვაწეობისათვის სამართლიანად მიანიჭეს დიდი კურფიურსტის სახელწოდება.


დიდი კურფიურსტის უახლოესი მემკვიდრენი. ანსტრია მე-XVII-ე საუკ. მეორე ნახევარში.

დიდი კურფიურსტის მემკვიდრე ფრიდრიხ მე-III-ე სასახლეში ფართოთ ცხოვრების მოყვარული და თანაც ფულის მფლანგველი იყო. ფრიდრიხი დაჰპირდა იმპერატორ ლეოპოლდ I-ს, რომ თურქების საწინააღმდეგო ომში მოგეხმარებოდა; ამ დაპირებისთვის ლეოპოლდი დასთანხმდა, რომ ფრიდრიხს მეფის ტიტული მიეღო. ფრიდრიხი დიდის ზემოთ ეკურთხა მეფედ პრუსიის სატახტო ქალაქ კენიგსბერგში (1701 წ.)



ფრიდრიხი ჰაბსბურგის დინასტიის წარმომადგენელი იყო და მეცნიერებას და ხელოვნებას. ამ საქმეში მას მხარს უჭერდა მეუღლე სოფია შარლოტი, რომელიც მეგობრულ განწყობილებაში იყო ფილოსოფოს ლეიბნიცთან. ლეიბნიცის თავმჯდომარეობით დაწესდა მეცნიერების მოყვარულთა საზოგადოება ბერლინში. ვალლენში გაიხსნა უნივერსიტეტი. ფრიდრიხ მე-III-ის შვილი და მემკვიდრე **ფრიდრიხ-ვილჰელმ I** სრულიად არ წააგავდა მამას, პირიქით მას სძაგდა ფუფუნება და მდიდრული ცხოვრება, მას არ ესმოდა მეცნიერება და ხელოვნება, მაგრამ ის დიდად დაინტერესებული იყო სამხედრო და სამეურნეო საკითხებით.

ტახტზე ასვლისთანავე მან გარეკა სასახლის ზედმეტი მოსამსახურენი და ხარჯებში დიდი ეკონომია დაიკავა. თავის მინისტრებს და მოხელეებს ექვის თვალით უყურებდა და ამიტომ ხვით მეფე მუდმივ ათვალიერებდა თავის სამეფოს, ახლო ეცნობოდა მართველობის საქმეებს, სკოლებში რევიზიას აწყობდა, ნახულობდა ადგილობრივ გარნიზონებს, დაწვერილებით ეცნობოდა მეურნეობას და სასტიკად სჯიდა ყველას, ვინც სამსახურში უწყსოვბას ჩაიდენდა, განსაკუთრებით სდევნიდა მექრთამეობას; მექრთამეს სასწრაფოდ ახრჩობდა. უბრალო დანაშაულისათვის თვითონაც ჯოხით სცემდა ხოლომე დამნაშავეს. სამაგიეროთ მან შექმნა პატიოსანი და საქმის მკოდნე მოხელეობა და საქმის წარმოებაში მშვენიერი წესრიგი. პაპამისივით ის უმთავრეს ყურადღებას აქცევდა ჯარს, რომლის მუდმივი რიცხვი 80000-დი იიყვანა, რაც იმ დროს უდიდეს რიცხვად ითვლებოდა. მეფეს თავისი პოლიტიკა ჰყავდა, რომელშიაც მხოლოდ მალას და წარმოსადეგ ახალგაზრდებს ღებულობდა, ეძებდა მათ, სადაც კი შეხვდებოდა და ამისთვის ის ფულს არ ზოგავდა. სამხედრო ხარჯებს არ შეუშლია მისთვის ხელი, რომ ხალხის კეთილდღეობისათვის სხვა დარგებშიაც დიდი ხარჯები არ გაეწიოს. ის, როგორც პაპა მისი, ახალშენებს აწყობდა, ცარიელ ადგილებზე აშენებდა მოსახლეობას, აუმჯობესებდა სახალხო მეურნეობას, იძენდა საუკეთესო იარაღებს და სიამოვნებით ღებულობდა სამშობლოდან გამოქცეულ პროტესტანტებს (ხალცბურგელებს). არც სარწმუნოებრივი თავისუფლების დამყარებაში ჩამოუვარდებოდა ის თავის პაპას; იმან ნებაც კი დართო კათოლიკებს, რომ ბერლინში საკუთარი საყდარი აეშენებიათ.



ფრიდრიხ-ვილჰელმ I-ის საგარეო პოლიტიკიდან აღსანიშნავია
საეღეთ პომერანიის შექმნა.

სასახლის ხარჯებში გონიერი ეკონომია, სამავალითო მართველობა, მზრუნველობა ჯარზე და ხალხის ქონებრივ წარმატებაზე. ამასთანავე სარწმუნოებრივი თავისუფლება, — აი დამახასიათებელი თვისებანი პრუსიის აბსოლუტიზმისა. უცვლელად დარჩა იგი ფრიდრიხ-ვილჰელმის I-ის შვილის ფრიდრიხ მე-II-ის დიდის დროსაც, როცა პრუსია დიდ სახელმწიფოთა რიცხვში შევიდა.

იმ დროს, როცა ბრანდენბურგ-პრუსია გაძლიერდა, დიდი ცვლილება მოხდა გაბსბურგთა მამულებში, რომლებიც გერმანიის აღმოსავლეთით იყო. 1438 წ.-დან გაბსბურგებს განუწყვეტლივ იმპერატორის ტახტი ეკავათ და ამ ხნის განმავლობაში უმთავრესად ისინი ცდილობდნენ თავისი მდგომარეობა იმპერიაში სავსაოდ გაემაგრებიათ. მათი მამულის გაფართოვებას აღმოსავლეთით ე. ი. იმ ქვეყნების დაპყრობას, რომლებიც ახლა უნგრეთში შედის, ხელს უშლიდნენ თურქები (თათრები). თათრების ბატონობამ და ძლიერებამ უმალღეს საფეხურს მიადწია 1683 წ., როდესაც იგინი შეეცადნენ ვენის აღებას, მაგრამ პოლონეთის მეფის იან საბესკის შემწეობით გაბსბურგებმა თურქები კვლავ დამარცხეს. თათრების დამარცხების შემდეგ იმპერატორი ლეოპოლდ I-ლი ზოგიერთი მთავრების დახმარებით შეტევაზე გადავიდა და რამდენიმე გამარჯვების შემდეგ აიღო ბუდაპეშტი და მთელი უნგრეთი დაიპყრო. ამ ომში განსაკუთრებით თავი ისახელა პრინცმა ევგენი სავოელმა. 1699 წ. კარლოვიცაში შეიკრა ზავი, რომლის ძალითაც თათრებმა დაუთმეს ავსტრიას თითქმის მთელი უნგრეთი და შვიდქალაქეთი, კიდევ აღრე, ომის დროს უნგრების სეიმიმ აღიარა, რომ უნგრეთის ტახტი გაბსბურგების გვარის მამრობით შტოს სამემკვიდროთ დარჩენოდა. ასე წარმოასდგა ავსტრია-უნგრეთის სახელმწიფო. ამ ახლად შექმნილმა ადგილებმა კიდევ უფრო გაძლიერა გაბსბურგები, ვინაიდან ისინი ვეებერთელა სახელმწიფოს მბრძანებელნი შეიქმნენ. ამ დროიდან უმთავრესი ინტერესი გაბსბურგებისა აღმოსავლეთისკენ იხრება და იმავე დროს სუსტდება მათი გავლენა გერმანიაში, სადაც თანდათანობით ხელმძღვანელობითი როლი პრუსიაზე გადადის.

რენესანსი ანუ განახლების ხანა.

პირველი თავი.

ჰუმანიზმი. 5.

მეორე თავი

გერმანია მეოთხმეტე საუკუნის ბოლოს და მეექვსეშეტე საუკუნ.
დასაწყისში. ლიტურჯანული რეფორმაცია. 16.

მესამე თავი.

რეფორმაცია შვეიცარიაში. კალვინიზმი. რეფორმაცია ინგლისში. 31.

კათოლიკური რეაქცია

პირველი თავი.

რეაქციის ხასიათი და უმთავრესი იარაღი. 39

მეორე თავი.

ისპანია და ნიდერლანდი კათოლიკური რეაქციის დროს. 45.

მესამე თავი

ინგლისი და შოტ ლანდია კათოლიკური რეაქციის დროს. 53.

მეოთხე თავი.

საფრანგეთი კათოლიკური რეაქციის დროს. 57.

მეხუთე თავი

უკანასკნელი ბრძოლა კათოლიკებსა და პროტესტანტებს შორის
გერმანიაში, შვეიცის ამალღება. 61.

**აბსოლიუტიზმის განვითარების ეპოქა და საფრანგეთის
პირველობა ევროპაში.**

პირველი თავი.

აბსოლიუტიზმის განვითარება საფრანგეთში. 66.

მეორე თავი.

ბრძოლა აბსოლიუტიზმსა და პარლამენტს შორის ინგლისში. 87.

მესამე თავი.

გერმანია აბსოლიუტიზმის ეპოქაში. 106.

ქუთაისი. თ. ა. შთავრიშვილის ამხანაგობის გამომცემი



1 გორგაძე ს. რ. კაზმულსიტყვიერებითი ქრისტომატია, ჩვენი ახალი მწერლობა, მეორე გამოცემა, წიგნი I,	200 მ.	5120
2 მისივე. კაზმულსიტყვიერებითი ქრისტომატია ჩვენი ახალი მწერლობა. წიგნი მეორე	300 მ.	5339
3 მისივე ჩვენი მწერლობა, ქრისტომატია მეორე კლასის კურსი, წიგნი მეოთხე.	200 მ.	5340
4 მისივე. საქართველოს ძველი ისტორია არაბების შემოსვლამდე.	100 მ.	5549
5 პროფ. ვულფიუსი. საშუალო ისტორიის სახელმძღვანელო. მეორე გამოცემა	100 მ.	5353
6 ზალიშვილი ადამიანის ანატომია და ფიზიოლოგია მეორე გამოცემა	60 მ.	5356
7 მისივე. პირველდაწყებითი გეოგრაფია, სამშობლოსი და სხვა ქვეყნების მოკლე აღწერითი კურსი	100 მ.	5357
8 ექიმი ვესევი ლოსაბერიძე. ანატომია და ფიზიოლოგია ჰიგიენით—საშუალო სასწავლებლის კურსი	50 მ.	5382
9 რუსთაველი შ. ვეფხისტყაოსანი, სიტყვების განმარტებით	100 მ.	5258
10 არველაძე, კ. არითმეტიკის პროგრამა პირველი სამი წლის კურსისა 31 ტიპური კონსპექტით და მეთოდურის შენიშვნებით	35 მ.	5320
11 კათალიკოზ კირიონ მე-II-ე და გრ. ყიფშიძე. სიტყვიერების თეორია.	100 მ.	5619
12 გ. ჯანაშვილი. საქართველოს გეოგრაფია, მეშვიდე კლასის კურსი.	100 მ.	577
13 ზალიშვილი მ. მოკლე სახელმძღვანელო ბუნების-მეტყველებისა, ორგანოვანი ბუნება, ზოოლოგია. მეორე გადათვალაიერებული გამოცემა.	100 მ.	5581
14 პროფ. ვულფიუსი. ახალი ისტორია, მე-6-ე კლასის კურსი.	120 მ.	558
15 შაპოშნიკოვი და ვალსოვი. კრებული ალგებრული ამოცანებისა, მესამე კლასის კურსი.	125 მ.	

იეჭლება.

1 გორგაძე ს. კაზმულსიტყვიერებითი ქრისტომატია, ჩვენი სალხური პოეზია პარალელურით ახალი ქართ. მწერლ. წიგ. III		
2 რუხაძე. საქართველოს გეოგრაფია, მეოთხე კლასის კურსი.		
3 პროფ. ბროუნოვი. საზოგადო გეოგრაფიის სახელმძღვანელო (ფიზიკური გეოგრაფია) ნათ. ეკ. ყიფშიძის მეორე		5520
4 შაპოშნიკოვი და ვალსოვი. არითმეტ. ამოცანათა კრებული, მეორე კლასის კურსი		